

Муъзеффер Меликмамедов

КІАНИДАЗ КЪВЕ ВИШ МАНИ

(Лирика)

“Дуьнья” нешрият
Баку 1998

РЕДАКТОР: СЕДАКЪЕТ КЕРИМОВА

Муъзеффер Меликмамедован лезги ва азербайжан чӀаларал ирид ктаб акъатнава. “КӀанидаз кье виш мани” муъжуьд лагъ-ай кӀватӀал я.

КӀелдайбуруз гъарма са цӀарцӀе цӀайни ялав авай ватанперес шииррин автор хъиз чизвай Муъзефферахъ гъакӀни лирикадин чӀалар кхьинин рекъяй чӀехи агалкъунар ава. Ада хайи чӀалан миливиликайни хцивикай, хъуьтуьлвикайни верцӀивикай менфят къачуна туькӀуьрнавай иер шиирри чи лирика цӀийи кӀалубралдини къетӀенвилелди къакъан кукӀушриз хкажзава.

Вичихъ кІанивилин михъи гъиссер авачирди гарари тарашай тар, ваџу тухвай къвал хъиз я. Чилни, цавни ашкъидивди туькІуьрнавай чІехи Гъуџари чаз ихътин гъиссер бахшнаватІа, адакай менфят къачун тийин гунагъ я. Заз гунагъдин кар къаз кІан хъанач. Гъавиляй лезги чилин са таватдиз “кІаниди, верџиди” лагъана за. Адав агакъна гуьлѹшан югъ хъиз алахъиз кІан хъана заз. Къил къунач. Адаз “ша-ша” лугъуз рикІин варар ахъайна за. Гъил вуганач. Ада вич багъадиз къуна. Зи рикІин тІалар џІарарал элкъвена...

Муъзеффер.



ЗИ ЧІЕХИ МУҒЪУҒББАТ

*Уьмуьр кІинтІ хьиз элкьвез ашкьид харада,
Вуч ама лагь, за эх тавур, таб тавур?
Зун дерт чІугваз бахтлу я и дуьньяда,
Вун бахтлу я, заз ихьтин ашкь бахш авур.*



ЗИ ЧІЕХИ МУГЪУББАТ

РикІ ашкъидив ацІанвай са шаирдиз,
“Вун цаяри алугарда”, - лугъумир.
Рехи хъанвай муьгъуббатдин есирдиз,
“Мад харари ви рехъ къада”, - лугъумир.

Киче тиртІа ялаврикай, цІаюкай,
Уьмуьр тирвал ви рехъ хуьчир вили зи.
ХвенайтІа жув харарикай, къаюкай,
“КІанда” лугъуз гъукум гучир рикІи зи.

“Зи тІвар къамир, зун кІан жемир”, - лугъумир,
Са цІар кхъиз жедани вун авачиз?
“ГьикІ алудин”, - лугъуз суал вугумир,
Анжах суруз фирвал я, вун галачиз.

Беса, икъван зи гьиссериз гумир кІур,
Зун ашкъидиз атайди туш гуьгъуьнай.
За сад лагъай шиирда ваз бахш авур,
Вун авачир дуьнья кІандач лагъанай.

Акьан тийиз къе ашкъидин гъавурда,
Пара хъанва ийизвайбур ягъанат.
ГьикІ тІалабин жуваз кІани жаваб за,
Лезгид рикІе амачтІа къе муьгъуббат?

Ама лугъуз ракъур мийир гиманар,
Авачир гаф гьикІ лугъун за хъидиз?
АматІа чахъ муьгъуббатдин лишанар,
Лезги чІалал вуч лугъуда “ашкъидиз?”

“Вафалудаз”, севдугъумдиз”, “назлудиз”
Кутугначни лезги гафар, лезги чІал?

Бес “дилбердиз”, “ярдиз”, “алагузлидиз”,
“Муьгьуббат”диз вуч лугьуда лезгидал?

ГьикI лугьуда зи “азизди”, зи “жейран”,
Зи “бахтлуди”, зи “хушбахтди”, зи “марал”?
Аман Аллагь, гьим я зи гаф, гьим зи ван,
ГьикI туькIурда муьгьуббатдин лезги кIвал?

ГьикI лув гурай зи ашкьидин маниди,
КвахьнаватIа лезги гафар, лезги дад?
Чи кьисметар залан ятIа кIаниди,
Амач лугьуз жуван лезги муьгьуббат?

АкIидайти кIевера чун, яцIа чун,
Ватандиз муьгьуббат авайтIа рикIе?
Ватансуз лукIар хьиз кьекьведайти чун,
Лезгидин муьгьуббат амайтIа рикIе?

Ватандиз муьгьуббат, халкьдиз муьгьуббат
Хьун патал ашкьидин цIай кIанда рикIе.
АвачтIа инсандихъ са кIани тават,
Несиб жеч кIани кIвал, са кIани диге.

Ви рикIай ятIа яр зи гафар, цIарар,
Ша, вири часпарар санал ийин кьатI.
Гехце зав, гехце зав алакьдатIа яр,
Зи чIехи муьгьуббат, Лезги муьгьуббат!!

ЧИР ХЪУРАЙ

Ви иервал къачузва за къелемдиз,
Ван чкІана дуьньядизни хьурай чир.
Гьар уьлкведи хкязова иербур,
Талгьурай хьи, Лезгистанда авачир.

Ви иервал къачузва за къелемдиз,
Лезги чилел са рушахъни авачир.
КІватІ хьанайтІа дуьньяд рушар санал къе,
Вав агакъдай са таватни жедачир.

И миливал, и верцІивал, экуьвал
Тарифардай гафар заз гьикІ жагьурай?
Чилел са затІ авани лагь гекъигдай,
Ви иервал атанвайд я цаварай.

Гьавилай заз жагьизвачтІа гафарни,
Чугваз жервал ви суьрет яр, бегьемдиз?
Агакъ тийиз пара чІавуз цІарарни,
Ви иервал къачузва за къелемдиз.

Вун акваз рикІ хуш гьиссерив ацІурай,
Тахьурай захъ са келима синихдай.
КІелдайбурув агакъзавай мецерай,
Зи шиир хьиз амуькьрай вун тарихда.

Малаик хьиз паклуди яз кІанид вун,
Лезги чилел иервилини пІир хьурай.
Гьихьтин тават хьанатІа чахъ дуьньяда,
Чалай кьулухъ атайбуруз чир хьурай.

ВУЧИЗ ИКЪВАН КІАНДА ПАРА?

Дарих хъана ви дидардихъ,
Эхиз тежер гьалдава зун.
Гьиссерихъни рикIихъ галаз,
Йифиз-юкъуз къалдава зун.

АтIун тийиз къе шелни хвал,
Зи тIаларин къиливал я.
Лугъумир хьи, и къанихвал
Муьгъуьббат туш, диливал я.

И кIанивал, и верцIивал
Я зи къал туш, я зи гунагъ.
НегъзаватIа на диливал,
Заз муьгъуьббат вуч ятIа лагъ.

Са чинеба, са таквадай
ТIал аватIа къе хуруда,
Къен кукIвардай, тан кукIвардай
РикIин цIвагъдиз вуч лугъуда?

АцIанва зун, къуна цавар,
Муд авач рагъ хъижедайвал.
Вун рикIеваз къарагъай гар,
ГьикI хуьн, тIурфан тежедайвал?

ГьикI лугъун за къе жув-жуваз,
И дердиниз авач чара.
Я чIал течир тават вун заз,
Вучиз кIанда икъван пара?!

СА БАХТ КIАНДА

Ашкъидин шив, икъван кIеви чуквамир!
Завай зарпанд ял жезамач гиссерин.
Зун винелай секинди яз аквамир,
Гъикъван гагда за эхзавай къасарин?

Зи фикирри муьгъуьббатдин къунва пар,
Зи гиссерин гуьлуьшан багъ диганва.
Рехи тирдан, хъуьтIерикай гуз хабар,
РикIе гила цIийи гатфар юзанва.

Зи цавара къекъвезва са цIийи Варз,
Къуланфериз вун циферихъ къелкъвемир.
Ашкъидин цIай вуч затI ятIа чидач ваз,
Минет хъурай, зи гиссерал хъуьремир.

Вун рикIелай алуд тежез са легъзе,
Шеда зи рикI, гугрумда зи цавари.
Муьгъуьббатди кукIварна зун тваз кIеве,
Шутум хъана тIили хуьзмач къавари.

“Таб хъижезмач” лагъайтIа за нагагдай,
Секиндаказ “чида, чида” лугъумир.
Масад тиртIа, и рекъе фад какахъдай,
“Эха” лугъуз, заз эхдай рехъ къалурмир.

ГъикI эхин за, ван кутуна алахъиз,
ТухузватIа зун ашкъидин вацIари.
Вуч кхъирай шаирди ви тарифдиз,
Икъван иер халкънаватIа Гъуцари?

Нивай тариф жеда къван ви бегъердин?
Ам арадиз гъайи чилер мублагъ я!

Малаикдин къилих авай иерди,
Ваз татугай гаф лагъайтІа, гунагъ я!

Кутугай чІал жагъурда за датІана,
Зи Шагъ дагъдин икІал хътин виниди.
Ваз гъвергъвер я, беневша я лагъана,
Завай гунагъ кар къаз жедач кІаниди.

ЖагъанайтІа вав гекъигдай къаматар,
Ваз агъзур цІар кхьидай за фирягъди.
И дуьньяда пара ава таватар,
Тай авачиз туькІуьрна вун Аллагъди.

Гуж ганватІа ЧІехи Касди къудратдиз,
Гъин бахтавар къе къаншардиз къведа ви?
Бендеди вуч лугъурай ви къаматдиз,
Тариф анжах Гъуцаривай жеда ви.

Гъавилай яр зи цавара ава вун,
ТахъайтІа за чилеривай суракъдай.
Вун рикІеваз шумуд йис я кузва зун,
Аллагъдивай са бахт кІанда агакъдай...

ВУЧИЗ ИКЪВАН ВЕРЦИИ ЯТІА?

Вучиз икъван верцїи ятїа, зи яр вун,
И дуьньядин гьар са нямет ава вахъ.
Ятїа белки муьгьуббатдин ахвар вун,
Лугъуз жедач, гьихътин кьимет ава вахъ.

Ийиз жедач садавайни ви тариф,
Вун теснифдай са чїал аван дуьньяда?
Дуьньяд чїалар вири хьайтїа кье илиф,
Мадни гафар агакьдач яр, заз чида.

Чир хьанайтїа ви аваздин верцїи дад,
Билбилдини акъуддачир вичин ван.
Тебиатди халкънава вун вичихъ сад,
Ви гьил акьур кьванерални кьведа чан.

Чир хьанайтїа икъван багъа са цуьк я,
Багъманчиди гьич садазни гучир вун.
Малаик хьиз иервилиз вун тек я,
Инсан тиртїа, икъван иер жечир вун.

Малаик яз кичїезватїа агатиз,
Кьведа лугъуз белки тїварцел са леке?
Зун гьазур я ирид цавуз акъатиз,
Кьалура заз гьинаг ятїа ви уьлкве.

Гьуцаривай кьачуда за ваз муьгьлет,
Зун пїир хьтин са инсан я, килига.
Малаикдихъ галаз ашкьїи ятїа дерт,
Ша туькїуьрин и кьанунар цїийикїа.

Вучиз зи гаф кваз кьазвачтїа яр вуна,
Яб телягьиз гьїкъван фида цаварай?
Вал вил алаз ракьузва икї уьмуьр за,
Гьїкї хьуй зи гьал, аватайтїа ахварай?

АКУНАЙТІА ИХЪТИН ТАВАТ

Чијре цуќвер хкягдайвал,
Хкягзава гафар за.
Къелкъвезва зун мублагъвилик,
Тпалабзава марфар за.

Гъар цуќведал ацуќдач вил,
Хуш ятІани зарар заз.
Вун паталди кхъиз кІанда,
Гзаф багъа цІарар заз.

ГъикІ жагъурин шиирдин шив,
За Эминан шив хътин?
Суълейманан къве лацу гаф,
Цурун тийир жив хътин?

ГъикІ ийида Тагъира хъиз,
Къе Гъуърудин тарифар?
Акъван иер гафар вири,
Ийиз жени илифар?

Гъар гафуниз за икрамда,
Чехи шаир хъайидан.
ГъикІ лугун за и аямда,
Чуънгуър гце Саидан?

Гъин шаирдив агатда вун,
АвачтІа вахъ жувахъ гуж?
За шиирар кхъин патал,
Къачурди туш гафар бурж.

За Няметан ялавдикай
Кутунвайд я рикІе цІай.

За Забитан илгъамдикай,
Къачунвайд я чѣхи пай.

ГъикІ лугъун за алакъ тийиз,
Залан къвезва и пар заз.
Къе ашкъидин шиир кхъиз,
Агакъзавач гафар заз.

Рахшанд мийир бендедикай,
Хиве къазвай тежервал.
Ажуз ятІа шаирд къелем,
Тахсиркар я иервал.

Иервилихъ авай къудрат
МуътІуьгъди туш баядриз.
АқунайтІа ихътин тават,
Четин жедай устадриз!

АКІ ЖЕМИР ХЪИ...

АкI жемир хьи, чIехи ятIа и дуьнья,
Ашкьид къадир чидайбурни пара я.
КъечIейтIа къе муьгьуббатдин сафунай,
Халисанбур са капаш я, кура я.

Гьикъван гьиссер кIватIайтIани гьенелай,
Ашкьидин ким гьиз жедани арадиз?
Агъзур йисар гьалнатIани винелай,
Виш Лейлини Межнун чидач дуьньядиз.

Пара хьана алахъайбур гел атIуз,
Муьгьуббат хупI лугъуз тежер са сир я.
Вири уьмуьр серфнатIани куз-хкIуз,
Зун кIанидав агакъ тавур фагьир я.

ЯтIани за садрахъни гьил къахчудач,
Яр зи къуват, руьгьдин такъат, дамах хьухь.
За гафарив вафалувал къалудач,
Зун хьтинди авачирдал чIалахъ хьухь.

Гьикъван вуна авуртIани зулумар,
“Ашкъ”, “ашкъ” лугъуз за дуьньяда твада ван.
Хьуьремир зал, рикI авачир залумар,
Куь хилий за яр рикIеваз гуда чан.

Ни лугъуда пара ава кIанибур,
Зун хьтинбур ва-цIуд жеди хьайитIа.
Гадара тIун яр вуна и такабур,
Суваб жечни вунни зун хьиз кайитIа?

И дуьньядихъ пара хьана мугьманар,
Вучда зунни тамарзу яз хьфейтIа?
Сад лагъайди зи тIвар кутур инсанар,
Муьгьуббатдин “Яру ктаб” кхьейтIа!

ЗИ ЯР Я ЛАГЪ

Чулав кифер пек хьтин,
Нурлу я чин, эьв хьтин.
Къадир чир жеч цуькведин
КӀунчӀар гъиле такъурдаз,
Зи яр я лагъ, акурдаз.

Хъуьтуьл, ширин мара я,
Хатур хамир, кӀура я.
Иердан наз пара я,
Вуч чир хъурай такурдаз,
Зи яр я лагъ, акурдаз.

Бахтавар яз хъуьреда,
Вилер къведре жуьреда.
Икъван иер береда
Ашкъ гъавурда такъурдаз,
Зи яр я лагъ, акурдаз.

Гар хьиз ашкъид къузада,
Секин-секин юзада.
Ичин пеш хьиз зурзада,
Нагагъдай гъил акъурдаз,
Зи яр я лагъ, акурдаз.

Ашкъидин рак кӀеви таз,
Зун гафарив рекъе тваз,
Садрахъ инсаф тавурдаз,
ИкӀ хатурдихъ хукӀурдаз,
Зи яр я лагъ, акурдаз.

ЛУГЪУРАЙ ЧАЗ

Вун марф хьурай, зун ви стІал,
АтІудайвал кьведанни тІал.
Кьведни юргъ хьиз авахьин чун,
Ахпа санал алахьин чун.
Са накьвадик какахьна икІ,
Кьведа санал акъудин цуьк.
Сад яз накьвар, сад яз гатфар,
Алаз хьурай кьведал са тІвар.
Вирида са аламат яз,
Пагъ атІана килиграй чаз.
Акурбуру кьуна хурал,
Кутугай тІвар эциграй чал.
Лугьурай тІал алуддай цуьк.
Кьве кІаниди агуддай цуьк.
Чафарин цуьк, марфарин цуьк,
Накьварин цуьк, гатфарин цуьк.
РикІел хкиз масан гафар,
Лугьудайвал хьсан гафар,
Мел авурай кІанибуру,
Хьел тавурай кІанибуру.
Са тан хьана акурла чун,
Са чан хьана акурла чун,
Икрам ийиз кьвазна вилик,
Лугьурай чаз: Мураддин цуьк!

ВУН ХЪАНА

Вун хъана зи кылин шиир-
Закай шаир авурди.
Вуч ятIа лагъ, себеб эхир,
На зун къабул тавурди?

АгакъначтIа къелемдин гуж,
Ваз кIани цIар кхьидай?
АлатнатIа гафарин луж,
Ви рикI есир ийидай?

Вун хъана зи кылин шиир-
Зи рикIе цIай кутурди.
Бес вучиз вахъ авач фикир,
Бахтунин шем куькIуьрдин?

Тимил ятIа зи рикIин цIай,
Гыссериз чим гун патал?
АвачтIа къе дуйняда тай,
Ваз барабар хъун патал.

Вун хъана зи кылин шиир-
Зи секинвал тухвайди.
Авунач за садазни чир,
Вун зи рикIе авайди.

И дуйняда виридалай,
Заз кIан хъана пара вун.
ЯтIани икI еридилай,
Хъана тават чара вун.

Вун хъана зи кылин шиир-
Куьтягъ тежер цIарарни.
Пехил я хьи, зи ашкъидал
Цава чIехи Гъуцарни.

ТахъайтIа зи чIурдачир кIвал,
Хъсанвилихъ суракъдай.
Чугваз тиртIа вичи зи тIал,
Муьгълет гудай агакъдай.

ЮЗУРДА ЗА

Лугъумир хьи, зун галатда,
Виш йисни гаф туькIурда за.
Ви ашкъидин виляятда,
Жуван тIаратI акIурда за.

Зи гафарин къушунди вун,
Са легзени тадач регъят.
Ви чилерал вигъеда пун,
Ви дуьнья ваз жеда къегъят.

Зи цIарари хъуьтуьл, таза,
Ви хиялда ийида цIир.
АтайтIани кылел къаза,
Къакъудда за ви рикIин сир.

Жагъурда за вири рекъер,
Ийидайвал ви кIеле рам.
ЧукIурда за вири муькъвер,
Тефий лугъуз патахъ ви кам.

Амуькда вун хъана къаних,
МуьтIуьгъ хъуниз амач пара.
Элкъведа вун зун галайнихъ,
Амуькдач ваз маса чара.

Гъа икI зи рехъ гуьзетдайвал,
На ашкъидиз гуьрметдайвал,
ЦIйи гафар жагъурда за.
Вири гафар жагъурда за,
Са къуз ви рикI юзурда за!

ИЕР Я ВУН, ЧАН

Гьикъван гагда эхин за икI,
Амай уьмуьр акъудин гьикI?
ЮзаватIа и яшда рикI,
Атайла яр ви хъуьтуьл ван,
Иер я вун, чан.

Гаф лагъайла кьил вине къаз,
Маса тават къалурмир заз,
Икъван рушар аваз-аваз,
ФизвачтIа зи патахъ гиман,
Иер я вун, чан.

И дуьньяда лукъман пара,
Анжах вавай кIанда чара.
Къуланфериз зи ахвара,
Илифиз яр, ятIа мугъман,
Иер я вун, чан.

Вун такурла чIур хъана гьал,
ГъатзаватIа зи чанда звал,
КъачузватIа гьиссери къал,
АватIа зи рикIе тIурфан,
Иер я вун, чан.

Ашкъид тIурфан алатдалди,
Яргълмир зун туьгъметдалди.
Галат тийиз минетдалди,
АмачтIа захъ са кIус аман,
Иер я вун, чан.

Шумуд бегъер атIана за,
Гила дуьнья къатIана за.
Ви дерт чIугваз датIана за,
ТергзаватIа уьмуьр жуван,
Иер я вун чан,
Иер я вун, чан!

РАМДА ЗА ВУН

Вулкан я кван ашкѣдин цѣй,
Атѣуда ви рикѣин кѣрай.
Агакѣ тийиз санихѣ гѣрай,
Гѣраратди кѣулукда вун,
Ялавари алугда вун,
Ни лагѣйтѣа гуз жеда таб,
Кѣлияй-кѣилиз таб я хѣи, таб!

Тухуда вун марфари ви,
Негѣда вакай юрфари ви.
Таѣсир тийиз гафари ви,
А таватди куда ви рикѣ,
Садлагѣана хада ви рикѣ.
Виш жуѣреда дегиш жез гѣал,
Чѣугваз тежер тѣал я хѣи, тѣал!

Гѣикѣван дердер кѣалурда ваз,
Кѣурада вун кѣеняй чѣугваз.
Вуж тиртѣа ашкѣ акѣудай кас,
Адахѣ инсаф авачирни?
Маса кѣанун амачирни?
Са кѣус мили, са кѣус хѣуѣтуѣл,
Агакѣдайвал кѣанидав гѣил.

Авач адахѣ терездин вил,
Хѣайитѣани гѣиссер кѣизил.
Гѣикѣван ксар туна сефил,
Кана ада илисна цѣй,
Ганач амма са цукѣни пай.
Чѣухна рикѣер, руѣхѣиз хѣана,
Нивай ашкѣи эхиз хѣана?

Аквaz тиртIа а кыл, эхир,
Акъуддай за агъзур жигъир.
КIанид залум, зун са фагъир,
Гъиниз фида, гъиниз катда?
ГъикI агатда, гъикI къакъатда?
Яргъалдайвал агъри-азаб,
Авани са къулай жаваб?

Жавабарихъ къелкъведач зун,
Ваз минетиз къекъведач зун.
АкI жемир хъи, хкъведач зун,
Муъгъуъббатдин генг яйлахдиз,
Килигда за ви дамахдиз.
Эй зи ашкъи, тIямда за вун!
Эхир са къуз рамда за вун!!

ЯГЪИЗ ЖЕЗВАЧ

АвачиртІа ашкѝ хас тир,
Лагъ, заз гѝнай жагѝдай вун?
АлакѝнайтІа, жагѝай касди,
Гѝамлу тар хѝиз ягѝдай вун.

Йифиз-юкѝуз кѝуна хурал,
Ви аваздихъ яб гудай за.
Алаз тиртІа вун зи кѝвалал,
Гѝар дердиниз таб гудай за.

Тесниф ийиз ви тарифдин,
ТуѝкІурдай са лезги макѝам.
Вун я хѝи яр и дубнѝядин,
Виридалай верцІи макѝам.

Вун я зи гаф, вун я зи чІал,
Вун я чІалал текѝведайди.
Вун ашкѝидин тахт я минал,¹
Зун-минетиз кѝекѝведайди.

Ви тахтунин гѝава кѝакѝан,
ВучайтІани агакѝдач гѝил.
На садрахъ заз лугѝудач чан,
За садрахѝни атІудач вил.

Вун са инсаф течир гѝаким,
Зун чандикай куѝцІей фагѝир.
Хѝуѝрезвайд гѝим, ишезвайд гѝим,
Гидан цІиг я, гѝидан эхир?

1-кѝудратлу

Гым гъахъсуз я, гым гъахълу я,
Гыдахъ гунагъ аватІа чахъ?
Гым бахтуз я, гым бахтлу я,
Гым къисметдин ятІа чІалахъ?

Зун гафарихъ къелкъведач яр,
Жагъурдач за къечІедай саф.
Зибур я хьи, и гунагъар,
Гъавилий захъ авач са гаф.

Таб авач захъ ашкъид рекъе,
Вун авачиз акъваз жезвач.
Акъунва хупІ вун зи рикІе,
Гъамлу тар хъиз ягъиз жезвач...

ВЕРЦИДА КЪВАН ВУЧ Я ЯР?

Агъ, ви ванцин верцида къван вуч я яр,
Секиндаказ къабул жени рикивай?
Иервални такабурни галачиз,
Ван бес я, зун ийин патал рекъивай.

Шуршур къачуз сувун къайи булах хъиз,
Ви ванци заз бахшзаватIа серинвал?
За булахдив гекъигзавач кIанид вун,
Гъин булахдихъ ава къван ви ширинвал?

Агъ, ви ванцин тазада къван вуч я яр,
Гъин жуъреда ийин валай разивал?
Хъуьтуьл ванер пара ава дуьньяда,
Амма садахъ аван ихътин тазавал?

Ви авазди чан гъида зи гъиссерал,
Са легъзени акъатдач вун хиялдай.
Михъивили, къакъанвили рамда хъи,
Авайда хъиз зун Шагъ дагъдин икIалда.

Вуч лугъун ваз икъван мили рахазвай,
Ви аваздал къиникъинни хуш я яр.
РикI зурзурдай, хъуьтуьлардай, шадардай,
Агъ, ви ванцин верцида къван вуч я яр?!

ПУД МАНИ

*Къилих галай пешерин шал,
Пешерин шал дубъгур хъана.
Зи чандавай дердеридай,
Са гъамлу тир чуьнгуьр хъана.*

Зи чуьнгуьрдин аваз зарул,
Зи манидин гафар гъарикI.
Муьгъуббатди кутуна фул,
Зурзазва зи къеневай рикI.

ТубкIуьрна за агъзур мани,
Жагъизмач заз кхъидай гаф.
Гъикъван минет авуртIани,
Зи кIанидахъ авач инсаф.

ХъанватIа зи гъиссер векъи,
Хъубътуьлардай гъар авачтIа?
Белки къелем ажуз я зи,
РикI атIудай цIар авачтIа?

Вучин, гъикIин лугъуз рикIи,
Агъзур патахъ физва хиял.
Зи кIаниди, зи харуди,
КъведатIа вун са къуз чIалал?

АтIай гаф лагъ, и дубъньяда
Авани вахъ маса гиман?
ГъикI хъуда за къарагъайтIа,
Зи гъиссерин дили тIурфан?
ГъикIда гъиссер дубъгур хъана,
Чаравилер алуькъайтIа?
Вучда вуна чуьнгуьр хана,
Мани зуракI амуькъайтIа?

II

*На хаму шив вацIа твамир,
ВацIавай яд кьайиди я.
На ви дердер заз акьаймир,
Зун валайни кайиди я.*

Шумуд йис я кузва на зун,
РикIин кыле кьацI хьана зи.
Гьамарикай вилин селлер,
Дердерикай вацI хьана зи.

КайитIани зун вулкан хьиз,
Юзанач вун чулав кьван хьиз.
Чиле акIай цIайлапан хьиз,
Бахт кIевера акIана зи.

Бегьер тагуз ашкьид никIи,
АтIанва яр, кьарай рикIин.
Зулун марф хьиз тежез секин,
Дерт дуьньядиз чкIана зи.

Ашкьидин тIал эх жезамач,
Мад вилерай шел кьвезамач.
Лугьумир хьи, сел кьвезамач,
Гьамдин даря ацIана зи.

Кана на зун, Рагь хьтин яр,
Гьавадавай дагь хьтин яр.
Кар кьунатIа на гьихьтин яр,
Дуьньядкай вил атIана зи.

III

*Агъадикай акъатай рагъ,
Гар галаз хъуй, гар галаз хъуй.
И дуньяда вад къан уьмуьр,
РикIиз кIани яр галаз хъуй.*

Агъадикай Рагъ акъатна,
Гар галаз хъуй, гар галаз хъуй.
Зал гьалтайла ни лагъанай:
Хар галаз хъуй, хар галаз хъуй.

АвачиртIа вун хьтин сир,
Зи гьиссери ийичир цIир.
Ашкъид багъда чкIиз атир,
Зар галаз хъуй, зар галаз хъуй.

Вун такурла пад жеда рикI,
ГьикI минетин, за ваз, лагъ гьикI?
Ашкъидин рак игисмир икI,
Свар аваз хъуй, свар аваз хъуй.

Ишедач зун ийиз шуван,
АвуртIани гьикъван дуван.
Вал Лейлидин, зал Мажнунан,
ТIвар алаз хъуй, тIвар алаз хъуй.

Гагъ-гагъ бегъем эх тежез наз,
РикIи тугъмет ийида ваз.
ЯтIани мад лугъуда заз:
“Яр галаз хъуй, яр галаз хъуй”.

ГЪИМ ГЪАХЪЛУ Я?

Зун дили гар,-
Вун шагъвар.
Зун са тIурфан,-
Вун зи ван.
Зун муъгъуъббат,-
Вун тават.
Зун агатиз,
Вун катиз,
Сад бахтлуди,
Сад бахтсуз.
Гъим гъахълу я,
Гъим гъахъсуз?

Зун мани я,-
Вун аваз.
Зун бахтлу я,
Вун аваз!
Зун къацу чуъл,-
Вун регъел.
Зун къизилгуъл,-
Вун зи хел.
ТазвачтIа на
Цуък атIуз,
Гъим гъахълу я,
Гъим гъахъсуз?

Зун дагъдин къвал,-
Вун рагал.
Зун тавдин кIвал,-
Вун зи цал.
Зун къурай багъ,-
Вун багъман.

Зун са начагъ,-
Вун лукъман.
АтайтІа лагъ,
Зун вахтсуз,
Гъим гъахълу я,
Гъим гъахъсуз?

Зун са булах,-
Вун шуршур.
Зун я дамах,-
Вун абур.
Зун гатфар я,-
Вун гъвергъвер.
Зун сувар я,-
Вун мехъер.
КъуртІа ви гъил,
“Свас” лугъуз,
Гъим гъахълу я,
Гъим гъахъсуз?

ВАЗ ХЪУРАЙ

Заз дуьньядин затІни кІандач,
Ваз хьурай.
Уьмуьр тирвал бахтни кІандач,
Ваз хьурай.
Кьакьан кьамат, дигай гьални
Ваз хьурай.
Айна вилер, чІулав хални
Ваз хьурай.
Иервилер, кІубанвилер
Ваз хьурай.
Мелер-мехъер, хьсанвилер
Ваз хьурай.
Вуч аватІа рикІиз кІани,
Ваз хьурай.
Муьгьуббатдин верцІи мани
Ваз хьурай.

Жув патал за ингъе, са гаф лугьуда:
Заз бес я, вун аватІа и дуьньяда!

ЗУН ДЕРТ ЧІУГВАЗ БАХТЛУ Я

“Бахтлу я вун икъван чІехи ашкъ авай”

КІанидан гафарай

КІан хъун зи яр, чІехи бахт я, чІехи бахт,
Ашкъ тахъайтІа, зун дердинай къурада.
За рамнава виридалай къакъбан тахт,
Заз вун хътин иерд ава дуьньяда.

Йифиз-юкъуз эл паталди кхъизвай,
Зи къелем вун, зи шиир вун, зи цар вун.
Заманадин харарикай зун хъузвай,
Зи Рагъ вун я, зи Чил вун я, Гъуцар вун.

Вун авачиз зун уьмуьрди кІармашдай,
Зи къекъуьнар, зи дамахар вибур я.
Вун авачиз зун пехъери тарашдай,
Вун зи къуват, вун зи акбул, сабур я.

Вун аваз за хуьзва жуван такабур,
Муьгъуьббатдин Къулан вацІ зун, Шагъдагъ зун.
Зи ашкъидал пехил хъанва парабур,
Къун тавурай беднезердин вили вун.

Уьмуьр кІинтІ хъиз элкъвез ашкъид харада,
Вуч ама лагъ, за эх тавур, таб тавур?
Зун дерт чІугваз бахтлу я и дуьньяда,
Вун бахтлу я, заз ихътин ашкъ бахш авур.

АТІАНВА ЗІ ВИЛИН АХВАР

Мад фикирди гатаз хуру,
АтІанва зи вилин ахвар.
Къуланфериз зулун гару,
Юзурзава къуъзуъ чинар.

Гъарай санихъ агакъ тийиз,
Ишезва тар, юзаз-юзаз.
Чинарди и мичІи йифиз,
Вичин дердер рахазва заз:

“Са береда зи хилерал,
Илифнай са лацу кару.
Вегъен тийиз ам чилерал,
Хуъдай хьи, за гзаф хару.

Къуш садрахъ зав агатайла,
За виш сефер лагъудай чан.
Адан рекъер алатайла,
Зун дерт чІугваз жедай пашман.

Югъ акъудиз и жуъреда,
КІандай хьи заз кару пара.
Низ чидай къван са береда,
Жедайди ам уъзуькъара.

Са къуз мадни хтана къуш,
Алаз къвалал маса кару.
Гафарзавай са-садаз хуш,
Зи хилерал туна хуру.

Садлагъана гафна закай,
А цІийида лап верцІидиз:
- Чинардиз хуш ава вакай,
Хуъзва ада вун чимидиз.

Жаваб гана муькуьда фад:
- ХупІ хъсан тир гаф хвенайтІа.
Чинар вучиз лугъуз тир мад,
Адахъ кудай рикІ хъанайтІа.

Къуру хъанва хилер адан,
Къуъзуь жезва гила чинар.
Тежедайвал ахпа пашман,
Ша жагъурин са маса тар.

ИкІ лагъана фена абур,
Агакънач зав хабарни са.
Эхзава дерт, хвена абур,
Вафасуздаз вуч лугъун за?”

Шумуд йис я чІугваз ажух,
Тара гыкьван тегъерзава.
КъвезватІани чинард язух,
За жувакай фикирзава.

Тухузва зи хиял гару,
МичІерихъ вуч къал аватІа?
Динж ятІа вун, агъ, зи кару,
Яраб вун гыкІ ксанватІа?...

ЭЛКЪУЪРА

И дуйньядин гьинтIар пара,
Зи дердериз авач чара.
Ша зи тIалар, туна хура
Зун зурзура, зун юзура.
Зурзас-зурзас,
Юзас-юзас,
Зун акIура,
Зун жагъура.
АвачтIа вахъ
Зас дигай бахт,
Ашкъи лагъай
И рекъелай
Зун элкъуъра,
Зун элкъуъра.

Зи цав залай винидава,
Элкъвез-элкъвез вилидава.
Зун гъамарин лилидава,
Гуънедавай, киледавай
Ша зи гъамар,
Ша зи тIалар.
Зулун марф хьиз
ТIвалар-тIвалар,
Къачуз къалар,
ЧIура гьалар.
Зун шедайвал,
Къежедайвал,
Завай затIни
Тежедайвал.
Ша, алкIура,
Ша, къелкъуъра,

ВучдатІани,
ГьикІдатІани
Зун элкьуъра,
Зун элкьуъра.

Элкьуъра, тІал эх жезамач,
Квадарна кыл, рехъ чизамач.
Таб чизамач, гьахъ чизамач.
ЛагьайтІа за, твах, жезамач,
Ша зи шулу,
Цийи-цІуру,
Мили-хару
Хифетар.
Зи рахунар,
Минетунар,
Гьуъжетунар
Пара я.
Зи ашкьиди
Кура-кура,
ВегьенватІа
Пунар пара,
Зун кукІвара,
Зун кІар-кІара.
АлакьдатІа,
И кардилай,
Муьгьуьббатдин
ДакІардилай,
Рам тежедай
Часпардилай
Зун элкьуъра,
Зун элкьуъра!!

ЮГЪ БЕС Я ЗАЗ

Вуна чими гиссерикай це заз цІверекІ,
А ви цІверекІ,
Я заз герек.
Зи ашкьидиз
Гун патал рекІв.

Жуван верцІи гафарикай са гаф це заз,
А ви гаф гваз,
Алхишна ваз,
Са кІус рикІяй
Регьят хьуй заз.

Вуна жуван тІаларикай са тІал це заз,
А тІал чІугваз,
Аквaz-такваз,
Дерт вуч ятІа
Чир хьурай заз.

Жуван бахтлу йикъарикай са югъ це заз,
Гумир мад наз,
Варцар, йисар
Амукърай ваз.
Бахтлу хьуниз
Югъ бес я заз!

ХЪАНАНИ?

Вун зи кьуват,
Руьгьдин такьат.
Ихьтин савкъат
Авани?

Хьуьхьвер бубу,
Шузар пурпу,
Чанда гугу
Амани?

Ашкъид келме,
Такъаз хиве,
На яр кIеве
Тунани?

Гар хьиз юяз,
Пек хьиз зурзас,
Шаирдиз наз
Ганани?

Кьуна зи чIал,
На чан марал,
Рахадай гьал
Тунани?

Гьич са сефер
Жузас кефер,
На заз йифер
Хвенани?

Къачуна къал,
За ваз марал,
Залан суал
Ганани?

Агъузна кьил,
АцIана вил,
Яр вун табдил
Хъанани?

ЯНИ?

Цийи гафар кІанзавай яр,
Гаф жагъурин регъят яни?
Вун Аллагъди туна рикІе,
ТахъайтІа ашкъ кьегъят яни?

Камар хъуьтуьл, хъуьруьн мили,
Вун шаирдин кьуна вили.
Ихътин бегъер гъайи чили
Мад тагъидай урфат яни?

АватІа вахъ иер къамат,
ЖагъызвачІа заз са гъалатІ,
Таватдиз вуч лугъун, тават,
Цийи гафун успат яни?

Авунва хъи, на зун есир,
Аман Аллагъ, вуч я ви сир?
И дуьньяда садаз течир,
Аламатдин къуват яни?

Муьгъуьббатди чІагурна икІ,
Амай уьмуьр акъудда гъикІ?
Лагъ кван гила, зи тІазвай рикІ,
БарбатІ яни, абад яни?

ЛУГЪУДАЧ

Лугъудач зи цав хъана вун,
Цавун ирид нав хъана вун,
Зи ашкъидин къав хъана вун,
Муѳтѳуѳгъ тежер чѳав хъана вун,
Алатиз чѳав,
Щуѳзва зи къав.
Вучиз икъван къалда вуна,
Гъикъван къилиз ялда вуна?

Лугъудач зи Рагъ я тават,
Ракъин нур я, тагъ я тават.
Ви бегъердин чагъ я тават,
Муѳгъуѳббатдин багъ я тават,
Алатиз чагъ,
Къуразва багъ.
Вучиз икъван къалда вуна,
Гъикъван къилиз ялда вуна?

Лугъудач зи хел жемир яр,
Чемерук хъухъ, хъел жемир яр.
Ашкъид багъда гел жемир яр,
Минет хъуй ваз, хъел жемир яр,
Авуртѳа хъел,
Амукъдач гел.
Вучиз икъван къалда вуна,
Гъикъван къилиз ялда вуна?

СА ДУРНАДИН АВАТНАВАЙ ЦАКУЛ ХЫЗ...

(Муьгьуббатдин саврухар)

I

Са дурнадин аватнавай цакул хыз,
Сефил я зун, рекьер хуьзва вилери.
КъекъезватIа къе бегьерсуз са зул хыз,
Гьурметдалди къабулдан ви чилери?

Зи рехи тар - хилер хайи, алахъай,
ГьикI гьатнатIа муьгьуббатдин суьгьурда?
Зи гунагьар вуч ятIа мад чир тахъай,
Гатфарикай пай хьанач заз уьмуьрда.

Гьикъван йикъар акъудин лагь, яларив,
Ахъа тежез зи бахтунин къунва цав.
АцIанватIа рикI ашкъидин чIаларив,
Вучиз зи гаф лугьуз тазвач вуна зав?

РикIи чIалаз килигзамач, ам фадлай,
Сувун цуьк хыз ви рагарал зурзазва.
Алуд тийиз на зун цIуьзвай къаядлай,
Лагь, вучиз вун, къайи гар хыз юзазва?

Ашкъидиз чим акъуддайвал цIаяри,
Мус къведатIа зи уьмуьрдин бахтлу гад?
ИкI фейитIа, чIагурда зун къаяри,
КIаниди заз ракъура тIун ракъар фад!..

II

Ракъура заз рагъни гатфар,
Рагъ авай югъ пара кIанда.
Вири гафар таб я зи яр,
Инсандин бахт гара кIанда.

Бахтунин шив, акъудмир руг,
А таватдин хьанва зун лукI.
И дуьньяда авуртIа муг,
Ярдин хьуьтуьл хура кIанда.

III

Куъз я дуънья яр галачиз,
Дуънья ава, яр аватIа.
Бахтлу я зун, гаф авачиз,
РикIе ашкъид пар аватIа.

Гъи виливди килигин за,
Гъихътин тIварар илигин за?
Гъин цуъкведив геъкигин за,
Ярдихъ маса зар аватIа?!

IV

Ви зарари ийиз сефил,
Яр, зун чIагур тавурай.
Бахтсузвили къуна зи гъил,
Садрахъ галчIур тавурай.

Хифет чIугваз дерт гуъда за,
ДатIана ви рехъ хуъда за.
Рекъидалди таб гуда за,
Амма алщур тавурай.

Вуч лугъун за гафаривди,
ГватIа ракъар гатфаривди.
Хажалатди марфаривди,
Бахтар куъцIур тавурай.

V

Зи бахтунал къвана живер,
За вахтунда къатIайди туш.
Ярди садрахъ ганач эвер
За мадни муд атIайди туш.

ХвейитIани рекъер вили,
Атанач хъи, гатфар мили.
Садрахъ къванни бахтлувили,
Зи рикIин рак катайди туш.

Гъикъван жеда зун йифера,
Эвера яр, заз эвера.
Талгъурай хъи, Муъзеффера
Садрахъни гад кIватIайди туш!

ЮЗАМИР

Яб це яр,
Са легъзе.
Таб це яр,
Са легъзе.
Минет хъуй, ваз минет,
Куьчин зи ви суьрет.
Юзамир,
Юзамир.

Къуна кьил
Са легъзе,
МичIа вил,
Са легъзе.

Са легъзе - са герен,
Къачун за са темен.
Юзамир,
Юзамир.

Къекъвемир,
Са легъзе.
Хъуьремир,
Са легъзе.

Зун мест жен гьил къуна,
Ви метел кьил туна.

Юзамир,
Юзамир.

Ван мийир,
Са легъзе.
“Чан” мийир,
Са легъзе.

Гъахьин зун ви хура,
Ая заз са чара.

Юзамир,
Юзамир.

Фикирмир,
Са легъзе.
Хъел хуьмир,
Са легъзе.

Лугъумир юх жезвач,
Зун вакай тух жезвач.

Юзамир,
Юзамир.

КуькIуьнмир,
Са легъзе.
Туьхуьнмир,
Са легъзе.
Квахьна къе чир-течир,
Хъанва зун ви есир.
Юзамир,
Юзамир.

Садазни тийиз чир,
Хуьх зи сир,
Хуьх зи сир.
Юзамир,
Юзамир...

СЕФИЛ Я ЗУН

Сефил я зун рехъ какахъна,
Зулун циф хъиз тежез элциф.
Гъин гуънедал аруш хъана,
Гъин дерада акъудин йиф?

Гъин булахдив вугун за сир,
Гъин къаядиз лугъун за тIал?
И къураба, гатфар течир,
Генг яйлахди къадан хурал?

Къада лугъуз муд авач захъ,
Зи гатфарин пара я наз.
АлакъайтIа на жува яхъ,
Маса яйлах къалурмир заз,

Бейгъушарна цуъквер вири,
Ийидай ваз темен-тавал.
Са легъзеда метерал ви,
Къил тадай за, регъят жервал.

Ярх жедай зун чинихъди икI,
Къацу, таза чилерал ви.
Хурудивди агудна рикI,
Вилер тадай вилерал ви.

Зи гъиссери ийиз суза,
Къадай ви цен, ягъана мет.
Минетдай яр Гъуцариз за,
Амукъдайвал ина чун къвед.

Ви къаматдал ийиз дамах,
Тарифдай за элкъвез-хквез.
Вун бахтлу я зи генг яйлах,
Заз бахтлу жез кIандачни бес?!

ХЪУЪРЕДАЧНИ?

Яргъал я зун гъарамрикай,
Са куьнани авач зи вил.
Чехи Касди тІямрикай,
Пай ганва заз тІимил-тІимил.

Негъайд я за мулкар чІехи,
Мал-деветни вири аваз.
Са ашкъ тир хьи, кІан хъайиди,
Амни пара акуна заз.

Зи кІанидахъ авач инсаф,
Шерзум я зун агакъ тийиз.
ГъикІ жагъурда суьгъурдин гаф,
Ажуж я зун, алакъ тийиз.

Чан акъудиз къене рикІин,
ТІаларни зал алават я.
Ашкъидин гъисс тежез секин,
Лагъ кван, им вуч алават я?

Им вуч чагъ я, им вуч вахт я,
Куьз гъиссерал алдах я зун?
КІанивилин дертни бахт я,-
Лагъай касдин чІалахъ я зун.

Негъзавач за я чІав, я вахт,
Чан куьцІейла рикІ шедачни?
Гъикъван эхда? Зи дерт-зи бахт
Садрахъ къванни хъуьредачни?

ГУЪГЪ АЛАМАЧ РИКІЕЛ ЗИ

Таза хъуьхъвел чІулав хал,
Гъин дарядин гевгъер я?
Суйдиз марал, буйдиз шумал,
Вун гъин багъдин бегъер я?
Бегъер акур къегъалдиз,
АтІуз кІанда гъалалдиз.
Вун акъулдиз, камалдиз
Дерин я руш, дерин я.
ТІям ятІа чилерин,
Вучиз икъван ширин я?

Жаваб тагуз суалдин,
Зун кІевера акІурмир.
Хабар ятІа зи гъалдин,
Иерди, захъ хукІурмир.

Ни лугъуда хукІурда,
На зи гъиссер куькІурда
Я тарина, чуьнгуьрда
Ягъаз тежер макъам я.
Уьмуьр гъалдай ашкъидив,
Макъам я руш, макъам я!

Къадир чир хъухъ вахтунин,
Тамир макъам алатиз.
Есир я зун бахтунин,
Гъайиф, гъилий акъатиз.

АкъатайтІа вучда лагъ,
АлатайтІа вучда лагъ?
Зи иерди, чан Аллагъ,
Гъин уьлкведиз куьчда, лагъ?

Куьчмир карван, хуьх вуна,
Ая рикIиз рехъ вуна.

Шикил я ам къудратдин,
Гъайиф я и таватдин.
Беден зурзаз, хур юзаз,
Диб я чIехи къуватдин.
Къуват адан дамах я,
Тават туш ам, яйлах я.
Вегъена хур, кIевидиз къур
КIанидаз хупI къужах я!
Къадай хьи зи къаст тийиз,
Ашкъидалди мест ийиз!

Мест ийидай бахт це заз,
Бахтлу хъунихъ вахт це заз.
Гаф туькIуьриз тарифдай,
Ярдин рикIе илифдай.
Лугьумир хьи, илифнач,
Бубуд саягъ къекъифнач.
Эхирни за къуна гьил,
Ярдин хурал туна къил.
СиратIалдин муькъвел зи,
Гуьгъ аламач рикIел зи...

АЯ ЧАРА

Авач хьи, мад вакай хабар,
Галуд мийир фикирар зи.
ЧугуртІани гьикъван часпар,
Кевир жедач жигъирар зи.

Лугъумир хьи, геж я гила,
Уьмуьр фена, рехи я мег.
Рекъидалди жагъурда за,
Муьгъуьббатдин шегъредиз рехъ.

Жагъин тийиз акІайтІа зун,
Саврухари турай хура.
Дерейра захъ къекъвемир вун,
Зи дерейрин цифер пара.

За харариз гудач аман,
Ви гелерихъ къелкъведа яр.
Зулун юкъуз пашман-пашман,
Зун циф хъана хкведа яр.

АцІана икІ гьамлу чІавуз,
Марф хъиз къвада чилерал зун.
Даим рикІиз тадияр гуз,
Нагъв жеда ви вилерал зун.

Йифиз-юкъуз атІуз къарай,
Зун дерт жеда, гьам жеда ви.
Дагъдин вацІ хъиз туна гъарай,
Ван алахъдай кІам жеда ви.

ХъайтІа вун Шагъ хъиз минал,
Такабур хуъз, раг жеда зун.
ТуькІуьрайтІа ашкъидин кІвал,
А ви кІвалин рак жеда зун.

Патанбуруз таз къадагъа,
Ахъайдач за садни аниз.
Тваз фикиррин къула гурва,
Алахъда зун ви цІаяр хуъз.

Ви цІаярив ифенавай,
Дерт чрадай са хъар я зун.
Гъамлудаказ кхъенавай,
Са шиирдин цІарар я зун.

Шаирдивай шира¹ тежер,
Зи рифмаяр - зи шелни хвал.
КъанницІуд йис чара тежер,
Муьгъуьббат я зи рикІин тІал.

Беса икъван кумир иман,
Зи тІалар мад мийир пара.
Авач валай чІехи лукъман,
АлакъдатІа ая чара!

1-машгъур.

ЖАГЪИЗВАЧ

Къисметди заз фадлай чІурнава хъи чин,
РикІин хенжекІдикай кудиз фикирар.
Ашкъидив агакъун четин я, четин,
Са уьмуьр бес хъанач атІуз жигъирар.

Са рикІин пар ялда са ашкъидин тІал,
ЭхайтІа зулум я, негъайтІа гунагъ.
Гафарив са тават чІалал гъун патал,
Са шаир ажуз я, ажуз я валлагъ.

Са тарих тІимил я са ашкъи патал,
Бахтуни рехъ тагуз кІевейтІа варар.
Рам тежез ашкъидин кІелеяр минал,
Шумуд са къегъалдин ханатІа гурар?

Шумуд Межнун хъана, шумудни Лейли,
Лагъ, нивай гуз жеда къе заз дуьз жаваб?
Тек са рикІ рам ийин паталди куьлуь,
Виш агъзур цІар ава, виш агъзур ктаб.

Виш агъзур касдивай жагъур хъайид туш,
Са рикІин къулегар, са ашкъидин сир,
Тек са гаф авайд я, гъар таватдиз хуш,
Ам чириз хъайитІа, жагъида жигъир.

Жагъизвач лагъана гъикІ къада хиве,
ГъикІ цІуьрда мураддин, зи ашкъидин Къаф?
КъаннищІуд йис я зун акІанва кІеве,
Мадни заз жагъизвач, жагъизвач а гаф...

ЗА МИНЕТИЗ

За минетиз,
На гъуьжетиз.
РикІик-
Аман кумачирди.
Жувахъ-
Гиман амачирди.

За “ша” лугъуз,
На гаф атІуз.
Сад-
Гъавурда акъачирди,
Сад-
Лугъудай гаф гвачирди.

За тукІуьриз,
На чукІуриз.
Бахт-
СакІани юзачирди.
Вахт-
Рамнава чир-течирди.

За “зун” лугъуз,
На “вун” лугъуз.
Чун-
Пакад югъ аквачирди.
Са ашкъидихъ галачирди.

За лугъуз “чан”,
Вуна “душман”,
Хъайила хъуй къведни пашман.
Вун-
Къавал накъв алачирди,
Зун-
Чанда рикІ авачирди...

ВУЧИЗ ТИР?

Вун сагъ хьурай икъван иер,
ХьаначиртІа вучиз тир?
Аман аллагъ, вун дидеди
ХаначиртІа вучиз тир?

ХупІ гана ваз гуьрчеквилер,
Гьуцарикай мийир хьилер.
Пекдин кифер, къведре вилер,
ГаначиртІа вучиз тир?

Халкъай касди икъван минал,
Кьудратдин цІар чІугуна вал.
Лацу хурал бирчекдин хал,
ТуначиртІа вучиз тир?

Вуч лугьун ваз, аял хьтин,
Наздив къекъвез марал хьтин.
А шуькуь юкъ закІал хьтин,
КьуначиртІа вучиз тир?

Мулдин цуьк хьиз рагал юаз,
Вилер ащІуз, пІузар зурзас.
Гаф кьулухна и гуьруьш заз,
ХвеначиртІа вучиз тир?

Тесниф жезвач мад ви дидар,
Акунач заз ихьтин гатфар.
Муьзеффера вун хьтин яр
АвачиртІа вучиз тир?

САД Я, САД

КІватІайтІани вири иер таватар,
И дуьньяда ви тай авач, сад я, сад.
Виш шаирдихъ ийида за гъужетар,
Вун хътинди мад хъжедач, сад я, сад.

КъелечІ пІузар, лацу гардан, чІулав хал,
Иервилин шумуд лишан ала вал.
Низ чида вун жейран яни, я марал,
За ваз ахътин са тІвар гудач, сад я, сад.

КІура я вун, алдах жемир харудал,
Гъалт тавурай садрахъ ният чІурудал.
Пекдин бишме вигъейтІани хурудал,
А ви бегъер чуьнуьх жедач, сад я, сад.

Къакъан къамат миналвал я бинедиз,
Вуч лугъун за Гъуцари тур хинедиз?
Лейли, Ширин, Мейсар акур дуьньядиз,
Ихътин багъа хад ахквадач, сад я, сад!

ВИРИДАЛАЙ ИЕРДИ

Къе гуьруьшдиз къвезва зи яр,
Рагъ, минет хьуй, экъечІмир.
Иер я хупІ, а бахтавар,
Регъуь жед ваз, эгечІмир.

Къамир рекъер, мийир гунагъ,
Бахтлувили гурай рекІв.
КуькІуьнайГа, бес я валлагъ,
Чилин Шардиз адан экв.

Циферикай хкечІмир Варз,
Йифиз бейгъуш жеда вун.
Зи кІаниди акуртГа ваз,
Хажалатди къада вун.

Са дуьньядихъ гала са наз,
Лугъуз тежер бегъер я.
Бейкеф жемир Цаварин свас,
Зи яр валай иер я.

Чур тахъурай Цайгъед ви гьал,
Шарвал гъедни киснава.
Вири дуьнья гъизвай чІалал,
Ихътин тават низ ава?

Тек захъ ава и дуьньяда,
Виридалай иерди.
Гъавилий къе дад гузватГа,
Муьзеффер, ви шиирди?!

ГЫКИ ХБУРАЙ

Заз са гуьруьш кІан хьайила виш сефер,
Лугьумир хьи, вун зи виляй аватда.
Агат тийиз ая вуна заз туьмер,
АгатайтІа, гьамишалугь къакъатда.

Галукьмир захь, акъваза икІ секиндив,
Заз яргъалай пара кІанда, пара вун.
Лагь, гьикІ таб гун за чандавай ифиндив,
Зи тІалари, зи ялари кьурай вун.

Зи гьил къамир, темен гумир, кІан жемир,
Кьилий-кьилиз къадагъа я гафар ви.
Заз зенг мийир, захь къелкъемир, къекъемир,
Лугьуз икъван риб эцягьмир рикІе зи.

Галукь тийиз, рахан тийиз, ван тийиз,
Заз вуна са чулав къван хуьхь, лугьузва.
Зун гьиссерин чими цІарце тван тийиз,
ГьакІ яргъалай пара кІан хуьхь, лугьузва.

Кьураба хьиз килигмир заз милиди,
Зун ашкъиди канвайди я рикІивай.
Гьикъван вуна негьайтІани кІаниди,
СакІани зун ийиз жедач рекъивай.

Къуй лув гурай зи ашкъидин маниди,
Муьгьуббатди зун алуграй, зун курай.
Къадагъаяр пара хьанва кІаниди,
Вун зи виляй аватайтІа гьикІ хьурай?

ХУЪДА ВАЗ

АвачтІани зи гел ашкъид йифера,
Виридалай чими гъисс за гуда ваз.
Чандал алаз акІайтІани кІевера,
За талгъанвай эхиримжи гаф хуъда ваз.

Къуна гардан лугъуда за япал ви,
Зи кІаниди, зи верцІиди, харуди.
АлакъайтІа, лагъ зи сурал са мани,
Пагъ атІана амукъдайвал эл вири.

Минет хъуй яр, къинамишмир вуна зун,
Тимил ятІа ваз бахш авур йикъар зи.
Йиса садрахъ рикІел хкиз шехъа вун,
Вун рикІеваз кхъенавай цІарар зи.

Лагъ са шаир авай тир и дуьньяда,
Виридалай пара кІандай адаз зун.
Вичин руьгъдихъ хукІурдай за арада,
Къад йис фенай, икІ гъавурда такъаз зун.

Шиир кхъиз хвенай бегъем рекъер зи,
Уьмуьр адан хтанай хьи, вилерай.
ЯтІани ам галуд тийиз ашкъиди,
Рекъидалди акъатнач зи гелерай.

АвачтІани зи гел ашкъид йифера,
Виридалай чими гъисс за гуда ваз.
Чандал алаз акІайтІани кІевера,
За талгъанвай эхиримжи гаф хуъда ваз...

ЦИЙИ ШИИР КІАНЗАВАЙ ЯР

Цийи шиир кІанзавай яр,
Зи гьар гаф ваз аманат я.
Мад сеферда ақуна вун,
Аллагьди хуьй, саламат я.

Вун рикІеваз кхьена цар,
Кьезил хьана зи рикІин пар.
Вун атун заз чІехи сувар,
Вун хьфин са мусибат я.

Ашкь рикІеваз хифетдинди,
Усал хьана минетдинди.
Зал гьалтайла кьисметдинди,
Кьилий-кьилиз ягьанат я.

Ви дердинай хьана сефил,
Агакьзавач санихъ зи гьил.
ЯтІани мад атІузвач вил,
Муьгьуьббат я, муьгьуьббат я...

ЭВЕР ГУЗВА

Гъеле хьи за кIанидакай
Къилин улуб кхъенвач.
Зи ашкъидин гаф чрадай
Тпанур гъеле ифенвач.

АвачтIа захъ цIайни ялав,
РикIни тахъуй ифидай.
Са гаф къванни герек туш заз,
Дурнаяр хъиз хьифидай.

Ашкъидин гъисс аваз хъурай,
Звал твадайвал зи чанда.
За шиирдиз туькIурда муг,
Муьгъуьббатдин Ватанда.

Течирбуру зи цIарарай
Ашкъ вуч ятIа къатIурай.
Гафарин мел ийизва за,
Вири рушар атурай.

Суна хьтин,
Дурна хьтин,
Ша, ша, рушар,
Айна хьтин.
Икъван иер
Жедан бегъер?
Нез тежедай,
Майва хьтин.

Алхишзава за квез рикIяй,
КIвал авурай вирида.
Захъ авайди сад я рушар,
Къал тавурай гъейрида.

Адан хъверни, адан хъелни
Заз дуьньядай аквада.
Зи кІаниди тесниф жедай
Гаф авач и дуьньяда.

За садахъни тахъай гафар,
Жагъурзава датІана.
Тебиатдихъ ихътин гатфар,
Виш йис кван я тахъана.

Марвар хътин,
Тавар хътин,
Ша, ша, зи яр,
Гатфар хътин.
Дагъдин серин
Шагъвар хътин,
Чан зи Яран
Сувар хътин
Масанди ша,
Хъсанди ша.
Зи кІаниди,
Жуванди ша.

Ахъайнава гегъеншдаказ,
Муьгъуьббатди къе къужах.
КичІезва заз пакад юкъуз
Ихътин легъзе тежез чахъ.

АлакьдатІа къедаказ ша,
ЧкІидайвал зи цифер.
Йифди-югъди рехъ хуьзва за,
Эвер гузва ваз, эвер...

БАХТАВАР Я

КъачузватІа гурваяр за,
Муьгъуббатдин цІаяривай,
КукІвар жедан зун хътинди,
Заманадин къаяривай?

КІаниди вал ийиз дамах,
Чехи са ашкъ аватІа захъ,
КхъизватІа тежез къуьруь,
Вун ятІа зи илгъамд пери,
Захъ гафарин луж аватІа,
ЦІайлапандин гуж аватІа,
Гьин касди зал алтІушда пехъ,
Гьин душманди къада зи рехъ?

Зун такІанбур,
Эй патанбур!
АватІа куьн ргаз иви?
Пехил ятІа цІарарал зи?
Малаикри варарал зи,
КІватІнаватІа гафарин эл,
ИйизватІа шиирдин мел,
ГьикІ тийин за кІелеяр рас,
Гьинва къе зав агакъдай кас?

Илгъамд булах ргазватІа,
Шуршурдин ван авазватІа,
Дерейрайгуз авахъзавай,
Гаф хуьз жени алахъзавай?
ГузватІа зи гьуьлуь лепе,

Дагъ зи кІвачихъ ятІа тепе,
Зиди ятІа шиирд майдан,
ГьикІ тежен зун ина уфтан?

Зун такІанбур,
Эй, патанбур!
За дердериз къазватІа гьад,
Заз кІанида гузва къуват.
Гъавиляй цІай къакъатзавач,
Гъавиляй къай акатзавач.
Гьикъван дердер хъайитІани,
Дердери зун кайитІани,
Ава лугъуз ихътин тавар,
Бахтавар я, зун, бахтавар!

МУЪГЪУЪББАТДИН ТІАРАТІАР ГВАЗ

И дуйнъядай куьч хъайила куьне заз,
Муьгъуьббатдиз кьимет ганач лугъумир.
Иер рушар, даим квекай кхъейдаз,
Иербурун къадир хъанач лугъумир.

КІан хъайид я заз куьн акур жуьреда,
Муьгъуьббатдив кхъейди я за гьар цІар.
Аламач зи рикІел жегьил берета,
КхъенатІа шумуд рушаз шумуд чар.

Парабуру ваь лагъанай, заз мадни
КІан хъанай хьи, абур вири рикІивай.
Къисас къахчун паталди са таватни,
Авурди туш садрахъни за рекъивай.

Виш агъзур руш акуртІани дуйнъяда,
Сад кІан хъанай виридалай пара заз.
Зун минетиз къекъвейтІани арада,
Зи кІанида авунач хьи чара заз.

Инсаф тийиз зи рикІ хайи сунадиз,
Гагъ-гагъ туьгъмет авуна за цІарарив.
Гагъ ухшардна ам за жейранд баладиз,
Гуз кІан хъана гагъни ам заз харарив.

Залай писвал алакъай туш, таватар,
Багъиша заз за авур къван гьалатІар.
Ша зи кылив туькІуьрна куь кІеретІар,
Муьгъуьббатдин тІаратІар гваз, тІаратІар!



МАД АКЪУНВА ВУН ЗИ РИКІЕ

*Зулун циф хъиз какахъна зун,
Жигъирни гел жагъанач заз.
Дагъдин вацІ хъиз алахъна зун,
Авахъдай гъуъл жагъанач заз.*



МАД АКЪУНВА ВУН ЗИ РИКІЕ

Мад акбуна вун зи рикІе,
Ван алахъна шуршурна за.
Чирун патал авай уълкве,
Вири гарар юзурна за.

Цар ягъана лекърен тегъер,
Дагъдин кукІвал авуна муг.
Пара хвена зи ви рекъер,
Амма садрахъ акъатнач руг.

Зулун циф хъиз какахъна зун,
Жигъирни гел жагъанач заз.
Дагъдин вацІ хъиз алахъна зун,
Авахъдай гьуъл жагъанач заз.

Туъхвенач зи къула цІаяр,
Зун чІух хъана кайиди я.
Зулун гарар, хъуьтІуьн къаяр,
Заз гатфар хъиз хъайиди я.

Къиле тефиз мурад чІехи,
Муьгъуьббатдихъ къелкъвена зун.
Фена уьмуьр, хъана рехи,
Баянлухдиз элккъвена зун.

Къе ашкъид мулк ама ичІиз,
Гъинва зи кІвал, гъинва диге?
Сефил я зун жаваб течиз,
Мад акбунва вун зи рикІе...

АВАЧ ХЬИ ВУН

Югъ алатна,
Авач хьи, вун.
Рагъ алатна,
Авач хьи, вун.
Йиф агатна,
Авач хьи, вун.
Варз къакъатна,
Авач хьи, вун.

Йикъар хвена,
Йифер хвена,
Ракъар хвена,
Цифер хвена
Яш алатна.
Зун галатна,
Авач хьи, вун.
Вил алаз вал,
Мад зи къавал
СтІал-стІал
Къвазва тІал...

ВУН АКУРТИА

Зун арандиз жезва шерик,
Гъикъван яйлах акуртIани.
Иервилив ацIузвач рикI,
Гъихътин дамах акуртIани.

Зун са лекърез жезва илиф,
Са дагъди зун къазва хурал.
Хъуърезва заз Варз алай йиф,
Эквери гел атIуз чIурал.

Рехъ къазва зи кIамарайгъуз,
Къулан вацIу алаз фири.
Са дереди “ша, ша” лугъуз,
Бахшзава заз цуъквер вири.

Са булахди къачузва звал,
Ван тваз чуънгуър ягъзвайд хъиз.
Къарагъзава зи кIвачел къвал,
Чил хвешила юязвайд хъиз.

Хъуърезва заз дуънья вири,
Бес вучиз мад ачух туш пел?
Алуд тежез дердер куълуб,
Пашман я зун, авачиз хъел.

Шадвал течиз шезва фикир,
Зи мураддин къундахдавай.
Вучиз рикIи ийизвач цIир,
Са гатфарин къужахдавай?

Суал вугуз: “вучиз, вучиз”,
Чанда са тІал гяхънава зи.
Рехъ алатай кѳураба хъиз,
Ийир-тийир квахънава зи.

Зи гьаларин гьавурдаваз,
Сада заз рехъ кьалурзава.
Садрахъ салам тагайда заз,
ВерцІи гафар жагьурзава.

Беневшад хъиз агъузна кьил,
Хьуьрезва заз са руш мили.
Киф кьугьуриз гьазур я гьил,
Агудзавач амма вили.

Ваъ, ваъ, я руш, хукІуртІани,
За лугъузвай бегьер туш вун.
Гьикьван гьуьжет авуртІани,
Зи ярдилай иер туш вун.

Гекъиг тежер багъади зи
ГьинватІа вун, кьекъвез эркин?
Негъзавайди дуьнья вири,
Вун акуртІа, жеда секин!

ХАБАР ЦЕ ЗАЗ

Кас гьуьлелай кьарагъай гар,
Зи ярдикай хабар це заз.
Гьазур жервал кьуна кIунчIар,
Марвардикай хабар це заз.

Гьикъван ийин агъуз-виниз,
Кьил кьакъудна катда гьиниз?
Зун хьтиндаз азаб гуниз,
Пайгардакай хабар це заз.

Вири эллер хьуьруьнардай,
ТIал кIандач заз, деринардай.
Зи кузвай рикI серинардай,
Шагвардикай хабар це заз.

КIватIарикай мезреяр тур,
Живедилай лацу я хур.
УстIардин гьил галукь тавур,
Мармардикай хабар це заз.

ЧIав бахтлудиз алуькардай,
Кьил таз метел, ацуькардай.
ПIуз-пIузардив галукькардай
Чарчардикай хабар це заз.

Гьамдин кIвалер цIуьда лагъай,
Захъни гатфар жеда лагъай,
Садрахъ кьванни кьведа лагъай
Хабардикай хабар це заз.

ФАД ХЪША

Аруш жез, ахъа жез цџвагъзава рикџи,
За вучин, мадни вав агакъзавач ван.
Къал къачуз, звал къачуз тџалари хџи,
Кузва рикџ, тџазва рикџ-ашкъџидин Ватан.

Зи рикџе зи тандиз къураба я зун,
Куъз я тан, куъз я рикџ вилер шедатџа?
Ашкъџидин Ватанда харапџа я зун,
Низ чида кџубанвал къџismet жедатџа?

Къџismetдал, бахтунал гџидачир за шак,
Варз хъана са џифиз хтанайтџа вун.
Виш агъзур таватдиз акъалдай за рак,
Садрахъ зи дакџардихъ атанайтџа вун.

Гъџинва вун, гъџинва вун мичџи џифера,
Гъџикъван ви дидардихъ амукъда гъџарикџ?
Кумир зун, твамир зун икъван кџевера,
Фад хъша, фад хъша, акъатна зи рикџ...

ГЪИКИ АКЪУДИН ЙИФ?

АтІанва зи вилин ахвар,
Хиялар вахъ къекъвезва яр.
Туна вилик къелемни чар,
Ава са цар тежез тесниф,
ГъикІ акъудин йиф?

Фикирри икІ къачуз къалар,
ТуькІуьр жедан ашкъид чІалар?
Гъатна чанда шумуд тІалар,
Дердерни къе жезвач элциф,
ГъикІ акъудин йиф?

Шерзум ийиз хъуьтІуьн гару,
Шаирдин гъал хъанва чІуру.
Мус цІуьда зи гъамдин пару,
Къадайвал ви гъилер зериф,
ГъикІ акъудин йиф?

Чир тахъанмаз гуьруьшдин дад,
Вахт легъзе хъыз алатна фад.
ЗуракІ амаз рикІе мурад,
Кузва хъи, зун чІугваз гъайиф,
ГъикІ акъудин йиф?

Лугъумир заз куз тежерди,
Дердер рикІе хуьз тежерди.
Гъич тахъайтІа, зи иерди,
Зи ахвариз хъана илиф,
Куьмека заз, акъудиз йиф.

МАД АКУНА ЗАЗ КІАНИДИ

Мад акуна заз кІаниди,
Яб телягъиз фей тегърди.
Агакънач зун къаз къужахда,
Лацу лиф хъиз зи иерди.

Лугъуз хъанач завай: “акъваз”,
Темен гана лал хъана зун.
Рахаз тежер, лугъуз тежер,
Ам са дерт тир... тІал хъана зун.

Пашман циф хъиз шерзум хъана,
АцІана чун, бейгуш жез тир.
АкъвазнайтІа, мад гарданда
ЧІулав кифер аруш жез тир.

АгатнайтІа, къадай хурал,
Цуъквед кІунчІар къаз жедайвал.
РикІин къене твадай за вун,
Гъамишалугъ гваз жедайвал.

Къил тадай за метерал ви,
“Чан кІаниди” лугъуз-лугъуз.
Хур ацІайвал чим гудай заз,
Ви гъиссери йифиз-юкъуз.

Хъвехъ-хъуехъвел таз, пІуз-пІузардал
Ашкъидикай къачудай кам.
Агакъ тийиз мурадарив,
Гъикъван гагда чІугвада гъам?

Гъикъван сефил амукъда зун,
Квахъиз ахвар сур йифера.
Мад лугъудай гаф жагъизвач,
Акъуда тІун зун кІеверай.

Гаф жагъизвач ацІанваз рикІ,
Ийиз жезвач завай тариф.
Къузуъ жезва муьгъуббат икІ,
Гъам ви гъайиф, гъам зи гъайиф...

АХЪАЯ НА РИКІИН РАК

Зи шиирар илчияр я атанвай,
Бес вучиз на ахъайзавач рикІин рак?
Са шаирдин, икъван чара атІанвай,
Гьиссерал на гьикІ лагъана гьида шак?

Зи фикирар рехи жезва дерт чІугваз,
Цаварикай куьрс хъанавай цифер хьиз.
РикІни бейни ятІа санал есир заз,
Къефесдавай са жуьт къуша лифер хьиз?

Теснифда вун зи цІарари, маниди,
ЯтІани мад акатзавач вахъ зи гаф.
Гъвар галачиз къатай дердер кІаниди,
Гьикъван гагъда къечІеда за ягъаз саф?

АлакъдатІа хъуьремир зал, жузамир,
Герек яни ашкъ, рекъивай ийидай?
Лугъумир хьи, и дуьньяда чІехи тир,
Маса шиир авачни вахъ, кхьидай?

За куьтІ тийиз гузвачтІа къе жаваб ваз,
Секин тежез, дердер цІийи хьийимир.
Зи иерди, гьикІ лугъуда вуна заз:
Алахъ мийир, ашкъидикай кхьимир.

Алахъдачни ашкъидикай цІар кхьиз,
Гафарикай аватІа захъ ацІай тІак?
Зи шиирар атанва мад илчи хьиз,
Ша, и гьилда ахъая на рикІин рак.

ЖУВА ЛАГЪ

Йифиз-юкбуз рехъ гуьзетиз,
Шел-хвал ийиз, мад хифетиз,
КъезватІа зун ваз минетиз,
Къачун патал валай са пІагъ,
АватІа захъ тек са тамагъ,
Яни гунагъ?
Жува лагъ!

Зи гъиссерал акъалтна каф,
Авач хьи, дерт къечІедай саф.
Жагъин тийиз лугъудай гаф,
ЖезватІа зун фад-фад илиф,
Туъмер гана къазватІа киф,
Яни гунагъ?
Жува лагъ!

Чара багъдив агат тийиз,
Ваз яр лугъуз, алат тийиз.
Къелем къуна галат тийиз,
КхъизватІа за авайди,
Тек вун ятІа рикІевайди,
Яни гунагъ?
Жува лагъ!

Им вуч ашкъ я, лугъумир на,
Гаф гарарив вугумир на.
Зи рикІин къил атІумир на.
Аллагъди заз цІай ганватІа,
Вичин патай пай ганватІа,
Яни гунагъ?
Жува лагъ!

Акъуд мийир къалар пара,
АлакъдатІа, ая чара.
Туна садрахъ на зун хура,
РикІивайди гана темен,
Бахш авуртІа ашкъ са герен,
Жени гунагъ?
Жува лагъ!

НА ЛАГЪНАЙ

На лагъанай диде я вун,
Зунни бахтсуз аял ви.
РикІяй атай гаф тиртІа яр,
ТиртІа вахтсуз хиял ви?

Шак авачиз ви гафарин,
ЧІалахъ я зун виридал.
Бахтсуз бала лугъуз вуна,
Тунай зи кьил хурудал.

Шехъначир зун агатна вав,
Уъмуър рикІел хкиз зи.
Диде акур бицІи лекъ хъиз,
Рагъат хъанай рикІиз зи.

Вучиз хвеши хъайи чІавуз,
Гаф лугъудач аялри?
Зун киснаваз къвазнатІани,
ЦІвагъзавай хъи, хиялри.

Диде, диде,
ВерцІи диде.
Минетзава
Хци диде.
Тахаярив
Агудмир зун,
На жувакай
Къакъудмир зун.
Эха вири,
Лугъур къванди.
Бес тушни за

Чугур къванди?
Аман диде,
Масан диде,
Зи гъам пара,
Хифет пара,
Зи дердериз
Авач чара.
Минет хъуй ваз,
Куъмека заз.
Хайи диде-
Буба аваз,
Заз тухдалди
Акурди туш.
Аял къалай
Хъана патал,
Дидедин дад
Къачурди туш.
Бубади зун
Тунач патав,
Етимди хъиз
ЧукIурна чав,
За Аллагъдиз
Минетайд я.
Чара атIуз,
Патанбуруз
Хайидаз хъиз
Гуъзетайд я.
Вучиз гъвечIи
ЧIавалай заз,
ГаначиртIа
Хийир-дуъа?
НегъначиртIа
Хайибуру,
Икъван азаб

Чугвачир за.
Сурун пата
Аваз са кІвач,
Гъеле рагъат
Са пІпІ авач.
Вуч ава захъ
Муддай хътин?
Хзан чІехи,
Уъмуър четин.
Рехи тар хъиз
ЯхцІур зулун,
Даим рикІяй
Ишезва зун.
Зи туьдуьниз
Ягъана кІун,
Садни къвед туш
Кузвайди зун.
И дуьньяда
Анжах, анжах,
Муьгъуьббат я
Хуьзвайди зун.
АлакьдатІа,
Ая дуьа.
И муьгъуьббат
Хуьдайвал за.
Къвезвани ваз
Зи ван диде?
Аман диде,
Масан диде.
Авач валай
Хъсанд диде.
Зи рикІ диде,
Зи чан диде!

АЛАКЪИЗ ТИРТІА

Гъиссерин саврухар хъанайтІа элциф,
Лепе хъиз юзадай даим ви гъуълел.
Алакъиз тиртІа яр, ийидай тариф,
Шиирдин марфарни кърдай ви кылел.

Харариз элкъвена сел хуъз тахъайла,
Рагъ хъана кудай зун, ифирдай ви тан.
Ашкъидин цавара лув гуз тахъайла,
Са гъамлу мани хъиз чкІидай зи ван.

Деврандин ихтияр авайтІа гъиле,
Уъмуърар гъалдайвал вахтар гъидай ваз.
Кваз такъаз къизилдин девлетар силе,
КІаниди, за анжах бахтар гъидай ваз.

Са гъукум гудай за, таватар вири,
Тахтунал, бахтунал жедайвал кІеви.
ВацІ хъана гъиссерал эклъведай фири,
Иервал, верцІивал къатІудайвал ви.

Алакъиз тиртІа яр, садрахъ ви рикІе,
Са кІани гаф хъана илиф жедай зун.
Вун я хъи зи уълкве, зи кІвал, зи диге,
Авачиз тиртІа яр, гъайиф жедай зун.

ХУЪЗВА ЗИ РИКІ

Я чІал течир хару тават,
Вучиз вуна хазва зи рикІ?
Зун дердини чІагурнава,
Гаф лугьумир, тІазва зи рикІ.

Негь мийир зи кълемдикай,
ГьикІ къачун ви мелгьемдикай?
Муьгьуьббатдин цІелхемдикай,
Гурва кьуна кузва зи рикІ.

Лифер хьтин лацу, кІура,
Иер рушар ава пара.
Жува ая жедай чара,
За вун патал хуъзва зи рикІ.

СЕКИН ЖЕНИ?

- Агъ, вучиз вун жезвач секин?
- Четин я заз, гзаф четин.
- Лагъ, вучиз вун жезвач секин?
- ГьикІ векилвал ийин рикІин?

ГьикІ лугъун за, муьгъуьббат икІ,
Къал я кьиле фин тийидай.
КъепІнавай аял я рикІ,
Жеда-жедач чин тийидай.

КІанда лугъуз ийида дад,
ВучайтІани чІалал къведач.
Гун тавуртІа кІанзавай затІ,
Шеда цавагъиз, секин жедач.

Секин жервал вучин, гьикІин?
Гузва жуваз суалар за.
Ава-авач течир рикІин,
ГьикІ къахчун лагъ, гуьгъуьлар за?

Ашкъ цІай ятІа, гурва ятІа,
Зи цІверекІар туьхуьн жени?
АватІа вун и дуйньяда,
Садрахъни зун секин жени?

АШКЪДИН ШИВ

Эгъей! Эгъей! Ашкъидин шив,
Гъикъван гагъда чуквада вун?
Агакъара зун зи ярдив,
Заз къегъалдиз аквада вун.
Агакъара йигин-йигин,
АтГудайвал тГалар рикГин.
Дигай чГав зи, уьмуьрд цикГин,
Мадни заз гъикГ ахвада вун?

Эгъей! Эгъей! Ашкъидин шив,
Садрахъни вун галат мийир.
Муьгъуьббатди гайитГ а хив,
Вун рекъелай алат мийир!
ХъуьтГуьз-гатуз, рекъер атГуз,
Зи рикГевай дердер къатГуз,
Яр гъавурда кутуртГ а на,
Жедай чара авуртГ а на,
Вугуда вав за жуван сир,
Къакъат мийир, къакъат мийир!

Ашкъидин шив! Лагъ за гъикГин?
Завай дерт низ ахъай жеда?
И дуьньяда бахтунинни
Рекъер садрахъ ахъа жеда.
Махарай хъиз, ахварай хъиз,
Субъгъурдив рехъ жагъурай хъиз,
Физ хъайитГ а цаварай вун,
АгакъайтГ а зи ярдив зун,
Уьмуьр гъикъван барка жеда,
Вун заз гъикъван мукъва жеда.
Зун бахтунин кукГва жеда.
Багъа жеда! Багъа жеда!!

КЪВЕДА ЗУН

Аквазвани, мадни завай къвез хъанач,
Несиб-къисмет туькIуьдани регъятдив?
Бахтуни заз вилер гана, экв ганач,
ТахъайтIа зун агакъиз тир мураддив.

ЧуькъвейтIани тIалари къе къуд патай,
МуьтIуьгъ хъун лагъ, ацукъдани къиле зи?
Кхьин тийиз акъваз жени гаф атай,
ЗурзуртIани чарни къелем гъиле зи?

Лугъумир хьи, зи хиьлра гел мийир,
Ви гафуни чIагурна хьи, тават зун.
Гъич тахъайтIа начагъ чIавуз хъел мийир,
Тежедайвал садлагъана барбатI зун.

Эвелан хъиз за тIалабдач, лугъудач,
Я агуда, я алуда, къакъуда.
Ваз кIандани, кIандачни гъич хъалгъудач,
Адалатдив жува гъукум акъуда.

За са цIарни кхьидач ваз туьгъметдай,
ЦIай авачтIа, гъукум гуз жеч рикIивай.
ЧIалахъ я зун, аватIа вун къисметда,
Садавайни ийиз жедач рекъивай.

Заз ша лугъуз, фикир чIугваз, дерт чIугваз,
Пашман жемир, нагагъ рикIел гъайитIа.
Пакад юкъуз вуч жедатIа чидач заз,
Къведа зун яр, Аллагъди рехъ гайитIа...

ЖЕДА КЪВАН?

Зулун циф хъиз пашман я зун,
Пашмандан гьал низ чида къван?
Рехъ квадарай карван я зун,
Рехъ авачтӀа физ жеда къван?

Яб телягъиз, мийир тегъер,
Гаф авачиз, я вун гевгъер.
ГъайитӀани гъикъван бегъер,
Масадан ник гуъз жеда къван?

Югъ-йикъандвай къати я тӀал,
Даря жеди ашкъид стӀал.
Вири дуънья къведи чӀалал,
КӀанид чӀалал гъиз жеда къван?

Рагъ цавара хъанва сефил,
Чилин шардал алатӀа вил?
КӀанда лугъуз рикӀивай чил,
Цаваривай цӀуъз жеда къван?

Ашкъид рекъе виран я зун,
Вилик финихъ уфтан я зун.
Секин тежер тӀурфан я зун,
ТӀурфандин рехъ хуъз жеда къван?

ХЪСАН Я

(Мани)

Къисметди чун дуьшуьшнава бахтавар,
Садавайнни кІан жемир ваз бахт, тавар.
Хъвер аваз хъуй чина даим, масан я,
Рагъни цава хъуьредамаз хъсан я.

Хъсан я руш,
Хъсан я руш,
Хъсан я!
Масан я вун,
Масан я вун,
Масан я!

Варз хътин чин чуьнуьх мийир киферихъ,
Гъамлудаказ акахъ мийир циферихъ.
Лугъумир хъи, Варзни цава пашман я,
Чуьнуьх хъунар регъувиллин лишан я.

Лишан я руш,
Лишан я руш,
Лишан я!
Пашман я вун,
Пашман я вун,
Пашман я!

Зи харуди цІерид йисан суна хъиз,
Чагъиндава яргъай хтай дурна хъиз.
Камар вегъез хъуьтуьлдаказ, жейран я,
Гъала девран, таватарин девран я.

Девран я руш,
Девран я руш,
Девран я!
Жейран я вун,
Жейран я вун,
Жейран я!

Мукъвара вун ашкъид кимел къведани?
Лугъумир хьи, вакай заз яр жедани?
Хамир зи рикI, атIай, гаф це, аман я,
ГьикI эхин за, къван туш хьи зун, инсан я.

Аман я руш,
Аман я руш,
Аман я!
Инсан я зун,
Инсан я зун,
Инсан я!

КЪВЕЗВА ЗУН

Мича вилер,
Къвезва зун.
Къаз ви гвилер,
Къвезва зун.
Иер бике,
Къе ви рикге
Ийиз мелер,
Къвезва зун.
Ашкъид цалди,
Йифералди,
Кана шемер,
Кутаз демер
Къвезва зун.
Гъазур хуъхъ яр,
Гъамдин часпар
Ийиз кIар-кIар,
Къвезва зун.
Дигай гад хъиз,
Бахтлу кард хъиз,
Гъаф шаддиз
Къвезва зун.
Гаф гваз рикIин,
Хъана рекъин,
Секин-секин
Къвезва зун.
Къуланфериз,
Эвер тийиз
Хуъхъ зи рекъер.
Вун я зи бахт,
Вун я зи хъвер.
Хъвер жагъуриз,
Бахт юзуриз,
Вун ксуриз
Къвезва зун...

ГЪИЛ ХУЪХ, УСТІАР

Минет хъуй ваз, гъил хуъх устІар,
ИкІ гъамлудиз ягъамир тар.
Мукъваларна фикирд къантІар,
АвуртІа зи рикІин къил тІар,
А ви тардин симер кІар-кІар
Хъурай, устІар.

Юзур мийир рикІин къатар,
Дерт элцифиз ацІай кутар.
Зун ашкъиди канва устІар,
На кваз такъаз ягъайтІа тар,
Вунни зун хъиз ял тежез пар,
Курай, устІар.

Ви тардин хупІ къати яз хал,
Зи гъиссери къачузва звал.
Кар алачиз гумир заз тІал,
КъатІун тийиз макъамдин чІал,
Абад тахъай ашкъидин кІвал
Цуърай, устІар.

Дертлудалай къачумир кам,
АлакьдатІа, цІурура гъам.
Ягъаз жервал ихътин макъам,
Ийидайвал харубур рам,
Ваз Аллагъди цІийи илгъам
Гурай, устІар.

Ви макъамди авуна кар,
Са къуз чІалал атайтІа яр,
АхъаятІа шаирдин вар,
Муъзеффера бахшда ваз цІар:
Аллагъди вун хураллаз тар,
Хуърай, устІар!

ИЕР Я

Ни лагъанай гуьнед хур,
Гел аватІа иер я?
Низ чидач хьи, лезги хуър
Мел аватІа иер я.

Тарни майва гъиз жедай,
Майвадиз дад гуз жедай,
Бегъер вири хуыз жедай,
Хел аватІа иер я.

Къил виневай дагъдин кІукІ,
Низ акурд я хъана руг?
Къегъалд гъиле чемерукІ,
Хъел аватІа иер я.

Кими туш захъ тІални яцІ,
ГъикІ лугъун за, гумир къацІ.
Гъар береда дагъдин вацІ,
Сел аватІа иер я.

Им я къал туш, яни сир,
Я руш, вазни хъурай чир.
Гъар таватдихъ ахъа тир,
Пел аватІа иер я.

Къван вегъез зи никІизди,
Алахъ мийир ккІизди.
Ашкъни рикІяй-рикІизди
Тел аватІа иер я.

ГЪИКІ АКЪУДИН?

“Рахамир зав” лагъай тават,
Нивай къачун гила рухсат?
Вуч лугъун за хуравайдаз,
Муъгъуббатдин гаравайдаз?
ГъикІ лугъун за мад кІандач вун,
Негъ жедани ихътин тайгъун?
Садлагъана Рагъ хъиз акІай,
Вун авачтІа, вучда закай?
Зи бахт вун тир, зи тахт вун тир,
Зи дердериз уртахд вун тир.
Ви кифер къур гъил ава захъ,
Ваз килигай вил ава захъ.
Гъил атІуниз, вил акъудиз,
Рази жез тир ашкъ алудиз.
Бес вун кІан яз ишезвай рикІ,
ГъикІ акъудин за хурай, гъикІ?

РЕХЪ ХВЕНАНИ?

ГъарикІ къуш хъиз хъана ялгъуз,
Вучна лагъ на и шумуд къуз?
Атай-фейдаз ябни тагуз,
Ярдиз чарар кхъенани?

Эвелан хъиз хъуьрез вилер,
Алатнани сефилвилер?
Ви фикиррин цавар-чилер
Тергна цифер хъфенани?

Гаф атІана, жув вине къаз,
Алахънай вун зи хатур хаз.
Къемир лугъуз, къадагъа таз,
Эхир крар туькІвенани?

Вучна вуна зун такурла,
ГъикІ эхна ваз “чан” тавурла?
РакІари са ван тавурла,
Лагъ кван, на зи рехъ хвенани?

ТЕМЕН ГУЗВА ЗА ВИ ГЪЛИЗИЗ

Ви гъилериз гана темен,
Хъана са кIус зи рикI секин.
ГъикI акъуддай тахъайтIа югъ,
Четин жедай, гзаф четин.

На “хъвач” лугъуз рекъе туна,
КIвач алтадиз акъвазна зун.
Мад сеферда вуна зи яр,
Ширин мецив яргъазна зун.

Мад сеферда ялгъуз вяде,
Ви сурет заз хъанва мугъман.
“Вич мус къведа, вич мус къведа?”
Суалри заз гузвач аман.

Мус гудатIа вуна заз чин,
АкъатдатIа мурад къилиз?
Суалри зун тазвач секин,
Темен гузва за ви гъилиз...

ЖАГЪИЗВАЧ ЗАЗ

Агъзурдакай са пай авач,
Ви чанда зи цАядин.
Гъавиляй кѣе рам жезавач,
Вини кыл ви кѣядин.

Ви гафарни ви кѣванер хыз
Кѣйибур я, кѣйибур.
Ви ценерин мурквар течиз,
Гъикѣван хѣана кайибур?

ЯтІани мад за цІар ягъаз,
Лув гуда ви кѣяда.
Валай иерд жагъизвач заз
Икѣван чІехи дуьньяда.

ЧАН ГУЗВА

На тІарай рикІ
ТІазва зи.
Хер алай лекь хьиз,
Къайи тир гьекь физ.
Гана къуьн
Са чІулав къванцивди,
Са секин ванцивди
Шезва ам.
Аватна къаядлай,
Ханва лув.
Къая туш тахсиркар-
ЦІвенвай рув.
ХукІуна ви гафар,
Я татаб.
Мураддин къаядал,
Ашкъидин цІаядал
Тагуз таб,
ЧІугваз гьам,
Шезва ам.
КІан тийиз са чара,
Бейгъуш я бейчара.
Йиф яргѳи...
ТІал пара!
Вун ширин ахвара...
Яргѳал фич къакъра зи,
Чан гузва лекъре зи...

ТЕЖЕРВАЛ

Ша, жаван амаз къван жагъурин са чІал,
Нагагъдай гъам-хифет пара тежервал.
Я захъ чан амукъдач, я вахъ иервал,
Вучин лагъ, чи дердер хара тежервал?

Жаваб це, кІаниди, зи рикІ рафт мийир,
АвачтІа атІай гаф, маса гаф мийир.
Я заз ша лугъумир, я инсаф мийир,
Даим вахъ вил туна гара тежервал.

Ви вилик мет ягъаз, минетиз пара,
Къисметди туна зун гъамарин хура.
Дуьньяда киникъиз авач са чара,
Куьз я чи муьгъуьббат, чара тежервал?

Куьз я яр и шел-хвал, куьз я къурамат,
Я вун секинзавач, я зун саламат,
Къалура, къалура вуна аламат,
Зун вакай, вун закай чара тежервал!

ХАЗ ЖЕДАНИ?

Гъикъван ви гаф хукIуртIани,
Лагъ, ви хатур хаз жедани?
Агъ, ви хатур хаз жедани?

Гъикъван на кваз такъуртIани,
Вун такуна къваз жедани,
Лагъ, ви хатур хаз жедани?
Агъ, ви хатур хаз жедани?

Гъикъван на яб тагайтIани,
“Заз вун кIандач” лагъайтIани,
Йифиз-юкъуз ккIайтIани,
Лагъ, ви хатур хаз жедани?
Агъ, ви хатур хаз жедани?

Гъикъван зулум авуртIани,
Зун кIурарихъ кутуртIани,
Ашкъид бегъер такуртIани,
Завай масад къаз жедани,
Лагъ, ви хатур хаз жедани?
Агъ, ви хатур хаз жедани?!

АВА ЗАХЪ

Мад атана вилин ахвар,
Къызва за ашкъидин цар.
Вуч хъсан я, къезилдай пар,
Къелем ава, чар ава захъ.

Уьмуьр йифъ хъиз ракъузва за,
Къанницуд йис рехъ хуьзва за.
Фикир цазва, гъам гуьзва за,
Гъикъван залан кар ава захъ.

Зи ашкъиди гатун хар хъиз,
Бегъер гъызвач цвелин тар хъиз.
Сефил я зун, дили гар хъиз,
Гзаф четин къар ава захъ.

РикI ишезва, рекъева вил,
Ацгузвач зи дердерин гуьул.
Къадакъ сефил, симер зелил,
Ягъаз тежер тар ава захъ.

Иервилиз цуьквед хара,
Инсаф тIимил, зулум пара.
Таб тагуниз авач чара,
Вучин, ихътин яр ава захъ.

Рекъер хвена хъана рехи,
Аман ганач чаравили.
Шиир я мад зи теселли,
Гъич тахъайтIа, цар ава захъ...

КИЧІЕ Я ЗАЗ

Чаравили вун авачиз,
Зулун югъ хъиз ширзава зун.
Маса ийир кар амачиз,
Дагъдин квал хъиз цѳурзава зун.

Вучиз вакай хабар авач,
РикІевайбур гъикІ лугъун ваз?
Зун цѳвейитІа зарар авач,
Дагъ цѳуьникай кичІе я заз.

КЪЕПИНАВАЙ АЯЛДИ ХЪИЗ

КъепИнавай аялди хъиз,
Къал къачузва мад рикИ.
Кваз такъуна бицѸек ихътин,
ВутІ хъанатІа зи ашкъи?

Дарих я зун, вилера гъам,
РикІ цИгел я вядедихъ.
Йифди-югъди къекъвезва ам,
Муьгъуьббатдихъ-дидедихъ.

КЪЕКЪВЕМИР ЗИ ГЕЛЕРА

“Канда” лугъуз йифди-югъди кузва зун,
Къатгузвачни зи цай галай гьалар на?
Вучиз къеняй зарул хъана шеда вун,
Шаир гуьгьуьл, гьикъван эхда тIалар на?

Алахъ мийир ашкъ течирди ийиз рам,
Дерт течирдан шел жагъурмир вилера.
Зулун циф хъиз элцифнава рикIе гьам,
Вил галачтIа, къекъвемир зи гелера.

МАД ВУН КІАНДА

Зи гѳиссерин гимн вун я,
Зи ашкѳидин тІаратІ вун.
Лагъ, гимн аваз, тІаратІ аваз
Вучиз барбатІ жезва зун?

Вучиз за ашкѳ тІалабзава.
Кѳекѳверагдин жуѳреда?
Заз мус са югъ аквадатІа,
Муѳгѳуѳббатдин уѳлкведа?

КІанивилин шегъредиз зун,
Акѳатдачни мукѳвара?
АкѳатдачтІа и кѳилияй заз
Инсаф мийир, кукІвара.

Агата зав, чІалахѳра зун,
Авач лагъ ви кѳисметда.
АвачтІани за гѳуцариз,
Йифиз-юкѳуз минетда.

Ингѳе, вуна зулум ийиз,
Зи хатурдик хукІурмир.
Саврухдикай кичІе туш заз,
ХѳуѳтІуѳн харар ракѳурмир.

РакѳайтІани таб гуда за,
Катдач гѳиссер, чкІиз зи.
Гѳикѳван зулум авуртІани,
Мад вун кІанда рикІиз зи.

ЧИДАЧ ЗАЗ

Муьгьуббатдин дили чIавар алатна,
Таб це, гуьгьуьл, суза мийир аял хьиз.
Зун гьиссерин дерин кьуйдиз аватна,
Мад хьилериз, кьакъатна яр хиял хьиз.

ГъарикI я зун, гаф амачиз кана икI,
Эх жедани, эх жедачни чидач заз.
Минет хьурай, зун кIевера твамир рикI,
Ишедани, ишедачни чидач заз.

Уьмуьр физва, кIаниди ви гел атIуз
Къекъведани, къекъведачни чидач заз.
Зи ашкьидин рак катана вун са кьуз
Хкведани, хкведачни, чидач заз...

ЖЕДАНИ?

Ашкъи патал къал тежедай,
Руш, зи рикIиз рехъ жедани?
Дуьньядивай ял тежедай,
Зи дерт вавай эх жедани?

Закай яргъаз къакъатмир вун,
Яб телягъиз алатмир вун.
Зи цIаядкай къакъатмир вун,
Зун тек кана чIух жедани?

Зи агъди вун къада я руш,
За вун рикIе хуьда я руш.
Тек са темен гуда я руш,
ГайитIа пIуз пих жедани?

Зи дердерин дагълар чIехи,
Хамир зи рикI, жемир векъи.
Ви дердинай хъана рехи,
Гида вакай тух жедани?!

ЛЕЗГИ РУШ

(Мани)

Хайи чилин намус хвенвай,
Дагъдин лекъ я, кьил виневай.
Вун Аллагъди бахт я ганвай,
Чан лезги руш, лезги руш.

Аруш хъана гарданда киф,
Лацу лиф хъиз я вун зериф.
Зи бахтунин варз алай йиф,
Чан лезги руш, лезги руш.

Хъуьтуьл камар вегъез тават,
Наз гуда на, зурзас къамат.
Жен ви хурал зун вилин хад,
Чан лезги руш, лезги руш.

Мел-мехъерик кьуьлиз зирек,
Цийи варз хъиз гуда на рекъ.
Чи демерин чирагъни экв,
Чан лезги руш, лезги руш.

Лугъумир хьи, я вун кӀура,
ТӀвар къазвайбур хъанва пара.
Зи дердиниз ая чара,
Чан лезги руш, лезги руш.

МАД АКУНА ЗАЗ ВИ КЪАМАТ

Мад акуна заз ви къамат,
Бахтавар яз, аваз хъурай.
За Аллагъдиз ийида дад,
Садрахъни вун акваз хъурай.

КъанницІуд йис вил галаз вахъ,
Хуъзва мадни ашкъидин рак.
Вун са мискъид, зун къекъвераг,
Чал гъа и тІвар алаз хъурай.

Вахъ умуд кваз, ийиз фикир,
Акваз-такваз фена уьмуьр.
ЯтІани заз инсаф мийир,
Чанди ви тІал чІугваз хъурай.

Зун рехи мул, вун хару цуьк,
Гъикъван гагъда сефил жен икІ?
Наз маса це, гъарикІ жез рикІ,
Чуьнгуьрд сим хъиз зурзаз хъурай.

Зун ви рикІяй акъатна фад,
АтІузвач за вакай вил мад,
Вун зи Рагъ я, вун зи мурад,
Сефил бахт зи юязз хъурай.

САДЛАГЪАНА

Садлагъана къахчу зи чан,
Терг ая зун садлагъана.
ГудачтІа ашкъ са живи къван,
КукІвара зун фад лагъана.

Яргъи мийир зулум ийиз,
АтІутІ зи ял регъим тийиз.
Алахъна мад алцур хъийиз,
Къуьд ракъурмир, гад лагъана.

Ягъаз тагуз ашкъидин тар,
Беса, зи рикІ мийир на тІар.
Нез гумир зав цуру хутар,
Шамамадин кІватІ лагъана.

Лугъумир гаф кис хъанва зи,
Тавунда гум, гъис хъанва зи.
ЯхцІурницІуд йис хъанва зи,
Чуьнуьхдан яш, къад лагъана?

Ашкъ рикІеваз цІвена сабур,
Талгъурай хъи, хвенач абур.
Хъуьрез тахъуй зал патанбур,
Чир хъайид туш дад, лагъана.

Талгъуй ашкъид цІаю кана,
Са шаирни икІ терг хъана.
Къаз тахъурай зи тІвар вуна,
Авайди тир сад, лагъана.

ДУЪНЪЯДАЙ Я

Фимир я руш зи виликай,
Яру Гъед хъиз гана рекІв-рекІв.
Ша зи патав, за рикІикай,
Цай гуда ваз цІверекІ-цІверекІ.

Гаф лагъайла къачуна къал,
Лув гумир на каруди хъиз.
Чирда за ваз ашкъидин чІал,
Тухумир жув харуди хъиз.

Лугъумир хъи, ашкъ рикІяй туш,
Есирни туш вун йиферин.
Вавай затІни кІандач я руш,
Атир бес я ви киферин.

Вучда сада алщурна бахт,
Маса патахъ ракъайтІа вун?
Эх жедани завай тават,
Са патанда тухвайтІа вун?

Чаравили къаз гъиликай,
Талгъурай хъи, къакъудайд я.
Алата мад зи виликай,
Вун акван заз дубънядай я!

КЪАБУЛА ТІУН МУГЪУЪББАТ И ЖУЪРЕДИН

Заз Гъуцари а кыляй бахт ганачтІа,
Хъуьремир зал, зи бахтуни гъаначтІа.
Йифди-югъди ви дердинай каначтІа,
Кузни-хкІуз закай шаир хъаначтІа,
Гъахъ авай ваз зи гафарал хъуьредин,
Къабула тІун муьгъуьббат и жуьредин.

Рахшандариз вад аялдин бубадиз,
КІанивилер элкъуьр мийир тубадиз.
Алахъна зун ашкъидин рехъ абадиз,
Жув аял хъиз физватІа кье кападиз,
На заз чІавар кьалур мийир бередин,
Къабула тІун муьгъуьббат и жуьредин.

ГъикІ негда на, Гъуцари ам ракъайтІа,
ЯхцІур яшда рикІин рақІар катайтІа?
Мугъман хъана бейхабардиз атайтІа,
“Зун ви ашкъ я, муьгъуьббат я” лагъайтІа,
Агал жени вавай варар кІеледин?
Къабула тІун муьгъуьббат и жуьредин.

Гъикъван гагъда алахъда зун хифетиз,
Къиле фидан и мярекат гъуьжетиз?
На яргъализ, за датІана минетиз,
ЖедатІа яр зи гафуниз гуьзетиз,
Дердерикай пар тавуна киледин,
Къабула тІун муьгъуьббат и жуьредин.

РикІ атІумир, садрахъ вилер кьежервал,
Рехъ це тават, ви дақІардихъ кьежервал.
Са бендедиз чир тавуна хъижервал,
Вун ашкъида садаз ушар тежервал,
Гъукум це тІун кІаниди на вядедин,
Къабула тІун муьгъуьббат и жуьредин.

АКВАЗ-АКВАЗ

Зи дагыларин лацу живер,
Куытыгъ жезва цІраз-цІраз.
ТагайтІа заз вуна эвер,
Терг жечни зун кьураз-кьураз?

Хифет чІугваз хьана татаб,
Квахьнава зи гьам цудай раб.
Гьикьван гагда гудатІа таб,
Ашкьид дердер храз-храз?

Гьиссерикай сел жеда зи,
Чанди гьикьван тІал хуьда зи?
Минет хуьй ваз, рикІ фида зи,
Алат мийир зурзас-зурзас.

Кьунва зи цав юргъ акатиз,
Варз алатиз, йис алатиз.
Зун агатиз, вун кьакьгатиз,
Уьмуьр физва чараз-чараз.

Цвена зи кьул цІай кудалди,
Таб жедатІа гаф гудалди?
Муьзеффер икІ рехъ хуьдалди,
Рехи хьана акваз-акваз.

АТІУЗ ЖЕДАЧ

Вуна зи рикІ ханватІани,
Мад за вакай фикирзава.
Зун кана чІух хъанватІани,
Вилери вун жагъурзава.

Вучиз икъван гужлу я вун,
Гъихътин къуват аватІа вахъ?
Вучиз даим буржлу я зун,
Гъихътин гъалатІ хъанватІа захъ?

Лугъузва заз дерт эх тийиз,
Меци бес я, рикІи бес туш.
Вучиз къеняй чан-рикІ ийиз,
Зун вахъ галаз рахазва хуш?

ГъикІ алудин вун рикІелай,
ВучайтІани алуд жени?
Вун кІанид я, зи рикІ алай,
РикІевайди къакъуд жени?

Гъикъван хъилер авуртІани,
Садрахъ “кІандач” лугъуз жедач.
Вуна инсаф тавуртІани,
Завай яр вун атІуз жедач.

ЭЛКЪВЕДАЙД ТУШ

На зун гыкъван кайитІани,
За чІух хъана лугъудай туш.
На виш гуьруьш гайитІани,
За тух хъана лугъудай туш.

Йифиз-юкъуз шам хъиз куда,
Рекъидалди ви рехъ хуьда.
Вун аватІа и дуьньяда,
За рикІ масдав вугудай туш.

Физва уьмуьр, гьалтнавай чал,
Ша, къал тийиз жагъурин чІал.
Дуьньядилаи на иервал,
За муьгъуьббат тухудай туш.

Жедач лугъуз, чІугваз часпар,
Залан мийир зи рикІин пар.
Ракъур мийир тІурфанни гар,
РакъайтІани, кичІедай туш.

Харари рехъ хвейитІани,
Цавар кбилел цІвейитІани,
Дуьнья къве пай хъайитІани,
Зун рекъелай элкъведай туш.



ША ЗИ СУВАР

*Вун рикIеваз кхъена цIар,
Къезил хъана зи рикIин пар.
Вун атун заз чIехи сувар,
Вун хъфин са мусибат я.*



ША ЗИ СУВАР

Беса, икъван жемир кѐви,
Закай гѐссер чуьнуьх мийир.
КъхызватІа къѐлемди ви,
Ашкъидин гаф къулухъ мийир.

Зи баркади Шагъдагъ хътин,
МуьтІуьгъ тежер къая я вун.
Шагънабат хъиз тежез секин,
Ви къванерал гъалч жеда зун.

ЦѐвагъайтІа за тІалар чІугваз,
Инсаф тийиз ая кІармаш.
Гъикъван вуна сед къуртІа заз,
Гъакъван рикІиз жеда ахваш.

Хуьн патал чи ашкъидин ким,
Виш дерт чІугваз къѐкъведа зун.
Ви къаядин кукІвал даим,
Са лекъ хъана элкъведа зун.

“Захъ муг авач, ахлада хъвач”,
Лугъуз икъван гъад къамир на.
РикІ хуникай зарар авач,
Зи луварар хамир вуна.

Хамир зи гаф, хамир гъава,
Зи татанвай сувар я вун.
Икъван иер, икъван багъа,
Тават туш яр, ахвар я вун.

Гъикъван чІав я ахвараваз,
Къхиз жезвач са цІар завай.
Таб акъатиз кичІе я заз,
Ахъай жедач ахвар завай.

АлакъдатІа ая чара,
Сад лагъана хамир ахвар.
Йифиз-юкъуз рехъ хуьзва за,
Ша зи сувар, ша зи сувар!

ША КІАНИДИ

Ша кІаниди,
Ша зи мурад,
Ша зи чарад.
Мад сеферда це заз майдан,
КуькІуьра зи ашкїид вулкан.
Бахтлу жервал кьуна гардан,
Агакьа зав,
Гьай гана ша.
Ашкїидин нав,
Пай кьуна ша.
Садрахъ ялав,
ЦІай хьана ша.

Ша кІаниди,
Ша зи тават,
Ша зи багъад.
Са гафунив ширин, верцІи,
Алуда зи тІалар вири.
Таб амач захъ, кана багъри,
Секинардай
Хар хьана ша,
Серинардай
Гар хьана ша,
Эркинардай
Чар хьана ша.
Ша кІаниди,
Ша зи хифет,
Ша зи кьисмет.
ЧкІидайвал дердин кІемер,
Юзадайвал рикІин симер,
Са тухдалди гун ваз туьмер,
Туна цавар,
Циф хьана ша,
Ширин ахвар,
Миф хьана ша,
Садаз таквар
Йиф хьана ша...

АХЪАЯ ВАР

Юзазва гар...
Зурзазва гар...
Катазва вар...
Агъ, къвезва яр...

ЯтІа утъквем,
Кисмир къелем.
Гъазур хъухъ цар,
Я къе сувар,
Къвезва зи яр!

Шагъ дагъдин гар,
Гъвергъвердин зар,
Гатфарин пар,-
Къвезва зи яр.

Къвезва, къвезва,
Яр хкъвезва.
РикІ хъуьрезва,
ГъикІ хъуьрезва?
Жузамир!

Атурай яр,
Ахъая вар,
Юзамир гар,
Юзамир.

Агъ, татайтІа,
Агъ, тахтайтІа,
Зун акІайтІа,
Вун таб я.

РикІ атІуз зи,
Лугъумир хъи,
Им са верци
Азаб я.

КІани ярдик
Хъана гъарикІ,
ТІал чІугван икІ,
Суваб я.

Тимил ятІа сувабар зи,
Пара хъия азабар зи.
За датІана рехъ хуъзва яр,
Ахъая вар, я бахтавар.

АГАКЪА ЗАВ

Зи кІаниди, агакЪа зав, гынва вун?
Гар кЪарагъна, зун лепейри тухузва.
И тІурфандай акЪатайтІа сагъдиз зун,
За чанни кваз гуда нузьуър, лугъузва.

Зи сал гими кукІварзава лепейри,
Пехъида хъиз гялчзава зун къванерал.
Зи цІвагъдай ван кЪурай вири уълквейри,
Алтуг жервал вири дуънья ванерал.

Ша саврух хъиз, дегъринарихъ какахъиз,
АлакЪатІа акЪуда зун кІеверай.
КичІезва заз сад лагъана алахъиз,
Муьгъуьббатдин гъул акЪатиз къекЪерай...

АГАТА ЗАВ

Гьикъван вахт я ваз минетиз, ялвариз,
Пай авач заз муьгъуьббатдин дуьньяда.
Зуьгьре гьед хьиз зи ашкъидин цавариз,
Акъата вун, акъата яр, акъата.

Зун паталди кІан хъанач ваз бегьер гьиз,
Мураддин тар кьурана ви рекьер хуьз.
Гьич тахъайтІа, эхиримжи пешер хьиз,
Зи накъвадал авата яр, авата.

Жафадикай менфят тежез мукъвара,
Вунни зун хьиз начагъ хьурай бейчара.
Гьейридавай тежедайвал са чара,
Зи баладихъ аката яр, аката.

Уьмуьр куьруь... мад жаванвал элкьведач.
Терг жеда зун, ви дидардихъ кьелкьведач.
Мад сеферда чун дуьньядиз хкведач,
Агата зав, агата яр, агата...

ХЪША ЯР

Гьикъван чIав я, сефил я зун лав катаз,
Вун авачиз атIанва хьи, къарай зи.
ТIазва зи рикI, мад гьамарик рув кутаз,
Агакъзавач садаври къе гьарай зи.

Вун авачиз пашмандаказ юзазвай,
Гараривай хабар къазва за вун яр.
Вун рикIеваз зи къелемди кхъизвай,
ЦIараривай хабар къазва за вун яр.

Зи цIарарин гафар шезва заз течиз,
ИкI зи шиир кIурукI къуна кIура жеч.
Муьгъуббатдив ифенавай са рикIиз,
Валай гьейри садавайни чара жеч.

Чаравили кана зи рикI, кукIварна,
Хажалатар пара хьана къалурай.
Заз йикъари, заз йифери датIана,
Вун хкведач, вун хкведач талгъурай.

ХкведачIа, заз гьар йифиз ахварай,
Вучиз хабар гъизва лацу лифери?
Я секинвал авач захъ яр, я къарай,
Вучиз есир хьанва зун ви киферин?

Вучиз икъван зи вил рекьи тухузва,
Вучиз икъван рикIи гьалаб къачузва?
Вун атурай, Рагъ атурай, хъша яр,
РикI ацIурай, вил атIурай, хъша яр.

ХКВЕЗВА ЯР

Суракъай хъиз махарай,
Акуна заз ахварай.
Алахънай зун цуьквер гуз,
“Ша, ша” лугъуз эвер гуз.
Темен-тавал ийизвай,
Хквезвай яр, хквезвай.

Карагна икI виликай,
Къунвай хьи, зи гыликай.
Назлудаказ кам вегъез,
Зи рикIевай гъам вегъез,
Къекъвезвай яр, къекъвезвай,
Хквезвай яр, хквезвай.

Зун ахварай аватна,
Мадни са югъ алатна.
Тесниф ийиз амай къар,
ТуькIуьрзава цийи цIар.
Кхъиза за, кхъизва,
Хквезва яр, хквезва.

Рехъ атIана фикирдин,
Хъуьрезва цIар шиирдин.
Алатзава вахтар зи,
Ахъа жезва бахтар зи.
Рехъ хуьзва за, рехъ хуьзва
Хквезва яр, хквезва.

Цавар рамдай кард я зун,
Бахтавар я, шад я зун.
ВучдатIани течизвай,
Аялди хъиз хвешизва.
Лугъузза за, лугъузза:
Хквезва яр, хквезва!

АВАНИ?

Чими Рагъ хъиз куькӀуьнна вун, есирна зи рикӀ,
Заз са шиир кхьихъ лугъуз тӀалабна вуна.
Завай шиир кӀан хъана ваз, за гьикӀ кхьин, гьикӀ,
Ви иервал тесниф жедай гаф аван суна?

Ви тӀвар кьурла зурзада рикӀ, зурзада къелем,
Заз гафарин бухчадай са тешпигъ жагъидач.
Зи мураддин тӀартӀ я вун, зи гьиссерин шем,
Бес вучиз на зав ашкъидин цӀверекӀ вугудач?

Вучиз садрахъ агатна зав, жедач вун илиф,
Авхар кӀандач, вуна ийир дуван бес я заз.
Бахтуни гьил такьуртӀа зи, чӀугвадач гьайиф,
Ви къекъуьнар, ви хъуьруьнар, ви ван бес я заз.

Ша зуьгре гьед, зи цавара куькӀуьра эквер,
Зи чилерал вав гекъигдай тавар авани?
Йикъа цӀудра атайтӀани, хуьда ви рекьер,
Муьзеффераз валай кӀани сувар авани?!

НИН ЯР Я ВУН?

Къамат авай
Тар я вун,
Дегиш жедай
Гар я вун,
Ягъаз тежер
Тар я вун,
Эхиз тежер
Пар я вун,
Я бахтавар,
Я тавар,
Гъин шаирдин
Цар я вун?
Я руш, лагъ нин
Яр я вун?

Вили цав хъиз
Какахъдай,
Куьлуь марф хъиз
Авахъдай,
Гатун йиф хъиз
Алахъдай,
Пагъ, я зериф
Лацу лиф,
Гъин цуькведин
Зар я вун?
Я рушь, лагъ нин
Яр я вун?

Рақъин нур хъиз
ЧкИдай,
Ахмурайла

КкИдай,
Фад цІай кьадай,
КуькІуьндай,
Пашман хьана
Туьхуьндай,
Са кІус верци,
Са кІус кІуь,
Гьин майвадин
Бар я вун?
Я руш, лагь нин
Яр я вун?

Мулдин цуьк хьиз
Таза я,
Гьил хкІуртІа
Къаза я.
Кыляй-кылиз
Суза я,
ЭжъечІ тежер
Къуза я,
Икьван хару,
Чан кару,
Гьин бередин
Хар я вун?
Я руш, лагь нин
Яр я вун?

Гаф лагайла
Тарифдай,
Бубуди хьиз
Къекъифда.
Аван вахь сад
Илифдай,
Къуразва зун
Гьайифдай.
Лугьумир мад,

Чан тават,
Масда кьунвай
ТIвар я вун,
Зи илгъамдин
Тар я вун,
Са табагъдин
Чар я вун,
Кхъиз тежер
ЦIар я вун,
ЛагъайтIа за
Авайвал,
Вири гъейран
Хъанва вал,
Гъейран жедай
Кар я вун,
Муъзефферан
Яр я вун!

ЛАГЪАЙТІА...

Гъеле за ша лугъузвач ваз,
Ашкъидикай хифетиз.
Вучда вуна, зи цийи Варз,
АтайтІа зун минетиз?

Яб акализ жедани вун,
Зи ашкъидин гафариз?
Ша лагъайтІа, къведани вун,
Зи уьмуьрда гатфариз?

Къведани вун муьгъуьббатдин,
Чими гьисс хьиз багъа тир?
ГьикІ гъахъдайтІа кІаниди вун,
Зи ракларай ахъа тир?

Зун акурла хвешивилияй,
Хъуьредайни вилер ви?
Акъатдай хьи, акбул кыляй,
ГьикІ къадай за гьилер ви?

Вун атурай, Рагъ атурай,
Лугъуз жечир мецивай.
Садлагъана вун акурла,
Эхиз жечир рикІивай.

Гузвач гъеле за ваз эвер,
Фад я, фад я лугъузва.
Акурбуру чинаваз хъвер,
Шад я, шад я лугъузва.

Тегъер мийир, рахшанд мийир,
Гаф талудай мискьидиз.
Заз акІ жезва, заз акІ жезва,
Гъазур туш вун ашкъидиз.

Ша лагъайтІа, жемир гъарикІ,
Хъел мийир на ажухдай.
Аял хьиз яр звера вилик,
Къада за вун къужахда!

ША ЗИ ПАТАВ

Багдади заз,
Гумир тIун наз.
Йифиз-юкъуз,
Зун куз-хкIуз,
Вилерикай жемир караг,
ЯтIа вун зи бахтунин Рагъ,
Йиферикай къакъатна ша,
Циферикай хкатна ша.
Цавун нурар къуна битав,
Ша зи патав.

Чун вил-виле,
Къаз гвил-гвиле,
Элкъведайвал,
Къелкъведайвал
КIанивилин мелгъемарихъ,
Цай куькIурдай цIелхемарихъ.
Садрахъ къванни къуна хабар,
Ахъая зи рикIин варар.
Чукурдайвал рангар чIулав,
Ша зи патав.

Лацу зар хъиз,
Куьлуь хар хъиз,
Авахъдайвал,
Какахъдайвал
Зи гиссерин деринвилихъ,
Къелкъвемир вун серинвилихъ.
АватIа вахъ са кIус къван гъуьм,
Акъуда заз гатфарин чим.
Къадайвал зи рикIи ялав,
Ша зи патав.

Минетда за,
Цуьк хьиз таза,
Чан заз кIани,
Я Назани,
Зи багъдиз вун мугъманди хьиз,
Къвез хъфимир жейранди хьиз.
Дерт жеда заз акурла гел,
Ви дидардихъ хъана цIигел,
Зи фикирри къада къилав,
Ша зи патав.

Чи ашкъидиз
Хайида хьиз,
Ийиз туьмер,
Гузвай эвер,
Гъиссерин гъуьл тахъуй кими,
Хушбахтвилив гъала гими.
АвачтIа са пехъи лепе,
Муьгъуьббатдин даряда къе,
Бахтлувилив ийиз сирнав,
Ша зи патав...

КУЪТЯГЪ ЖЕНИ ГАФАР ЗИ?

Нагагъ заз вун акурла,
За ви тариф авурла,
Хъуьреда вун шириндиз,
Жузада на секиндиз:
- РикІик цІаяр кумани,
Лугъудай гаф амани?
КузватІа рикІ кѣ яр зи,
Куътягъ жени гафар зи?

И дуьньяда масанди
Авач валай хъсанди.
Хъилер мийир тавар зи,
АцІанва хъи, цавар зи.
Чан гъун патал чилерал,
Муьгъуьббатдин саларал,
КъвазватІа кѣ марфар зи,
Куътягъ жени гафар зи?

Цуьк акъудиз тарари,
Киф къугъуриз гарари,
Тебиатди бахтлу яз,
ЛугъузватІа мани ваз,
Са шаирди чІичІна йиф,
ИйизватІа вун тесниф,
РгазватІа цІарар зи,
Куътягъ жени гафар зи?

Къекъвез наздив, я эркин,
Дагъдин цІару къвед хътин.
Хъухъвер мулдин цуьквер я,
Вилер гъикъван иер я.

Тават бахтлу хьурай вун,
Сад Аллагьди хьурай вун.
Я Шагь дагьдин шагьвар зи,
Куьтягь жени гафар зи?

Къаматдиз хупІ шумал я,
ГьикІ лугьун за марал я.
Кузва эл ви дердинай,
Марал гьинай, вун гьинай.
Бахтлу яз и тегьерди,
Суал мийир иерди.
Амаз къван чІал, гьарфар зи,
Куьтягь жени гафар зи?

Чир хьухь ваз эй бахтавар,
Муьгьуьббатдин гваз хабар
Атанва зи чубарук,
Акьваз жени зи хурук?
Юза хьана ашкьид тар,
ИйизватІа кІурукІар,
Вилик кватІа гатфар зи,
Куьтягь жени гафар зи?!

ТУЪКІУЪРДАЙВАЛ БАЯДАР

Садлагъана къарагъай гар,
Гъикъван гагъда юзатІа?
Магънадилай хъел авур яр,
Садрахъ на зун жузатІа?

Къуланфериз туъхвей чирагъ,
КІани ярди хуъзвани вун?
Хъуъремир зал бахтавар Рагъ,
Залай пара кузвани вун?

Гар къарагъна марфар гъизвай,
Цавар ялда ишезвайди.
Чере течиз къене цІуъзвай,
Зи рикІ я хьи, къежезвайди.

Нукъсан квачиз тиртІа ашкъи,
Зи дердияр еке жечир.
Цавун чина чІулав цифер,
Вацра чина леке жечир.

Сад яз чилер, алаз са тІвар,
Вун а пад я, зун и пад.
Лагъ, гъин вацІу чІугваз часпар,
Авунва чи ашкъи къатІ?

Ша, галкІин чун эвелан хъиз,
Хкаж хъийин тІаратІар.
Садвеликай чи ашкъидин,
ТуъКІуърдайвал баядар.

ВУЧ АВА КЪВАН?

Гафаривди хана зи рикI,
Рахшанариз вуч ава къван?
АлакьдатIа шадара зун,
Пашманариз вуч ава къван?

Ифенва зи фикирдин хьар,
ИкI амукьич дуьньяд крар.
АватIа зун гьисабиз къар,
Кишранариз вуч ава къван?

Суйдиз кIубан, буйдиз къакъан,
Билбилдин хьиз верцIи я ван.
Гъурчехъандиз ихьтин жейран,
Лишанариз вуч ава къван?

АвуртIа на са кIус мирвет,
Дердерикай жечни шуьрбет?
Са гафунив гьамни хифет,
Ширинариз вуч ава къван?

Вун захъ авай са тават тир,
Вав агакъун зи мурад тир.
Гуз хьайитIа на заз атир,
Явшанариз вуч ава къван?

Ашкъ чир мийир къил рехидаз,
“Чан” лугьумир гаф векъидаз.
КIанзаватIа чун са-садаз,
Душманариз вуч ава къван?

НАКЪ ТУШИРНИ?

Накъ туширни яр акурди,
Вучиз за кѣе чѹгвазва агъ?
Им вуч кар тир на заз кѹрди,
Инсан икъван кудан, Аллагъ?

Вуч ийин зи гѣаратдиз,
ГѣикІ минетин а таватдиз?
Халикъ тирда махлукъатдиз,
Ихътин зулум гудан, Аллагъ?

Шумудра зи ахъайна вар,
Бахшна ада чѣхи сувар.
Гаф лагъайтѢа, а бахтавар,
Мадни чѢалал кѣведан, Аллагъ?!

ВАЛ

КуькIуьнна куз дуьньяд багъда,
Мад сеферда на мус рагъда?
Агакънавай ихътин чагъда,
Гъихътин къегъал ашукъда вал?

Икъван мублагъ, икъван кIубан,
ЯтIа вун нин ашкъид Ватан?
КичIе я заз, са явадан
Вилерин гел амукъда вал.

Аваз хъурай икI гъавада,
Бахтлу я чил, вун аватIа.
Виш чин алай и дуьньяда,
Гъихътин бахтар алукъда вал?

Ша зи патав, мад регъуьмир,
Ашкъи регъв туш, гъисс регъвемир.
Я цIару къвед, икI къекъвемир,
Шаирдин нефс ашукъда вал.

ВУЧ ХЪСАН Я

Вуч хъсан я, атана яр,
Гъамар кIеве акIана зи.
Им гъин патай атай Рагъ тир,
Вири муркIар цIрана зи.

Бахтлудаказ хъурез мили,
Цуькведин хъиз зурзавай тан.
Икъван иер малаикдиз
Гъи тегъерда кърбандда чан?

РикI ацIуриз хъуьтуьл ванци
Шуршурзавай, булах тушир.
Зуьгъре гъед хъиз куькIуьнайдан
Атунал зун чIалахъ тушир.

Бес вучиз икI хъанай бейгъуш,
Атайди мад гатфар тиртIа?
ГъикI къвазнай зун тежез аруш,
Заз акурди ахвар тиртIа?

Темен гана гъилериз за,
Яр бубу хъиз хъана къекъиф.
Пехилвалмир шаирар зал,
Ийизва за ярдин тариф.

За кIаниди ийиз тесниф,
Муьгъуьббатдин кхьида цIар.
Ргазва зи илгъамдин сел,
Алахъзава шиирд вацIар!

ША

(Мани)

Чи уьмуьрдин гад я руш,
Ви яшарин къад я руш.
Лугьумир хьи, фад я руш,
Вун захъ авай сад я руш,
Ша,
Ша,
Ша!

Гаф лагъайла шел мийир,
На вилерал сел мийир.
Ярдиз чIуру пел мийир,
Аман-минет, хъел мийир,
Ша,
Ша,
Ша!

Кару хьтин иерди,
ЧIун гузва ви бегьерди.
Къекъвемир и тегьерди,
Бере я чи мехьердин,
Ша,
Ша,
Ша!

ГЪЛАБ КЪЧУЗ

Гълаб къчуз гъссери мад,
Дагъдин вацІ хъиз шаршарзава.
Хажалатар ийиз пад-пад,
Зун къе лекърез ухшарзава.

Зи къаварин ахъа жез цав,
Зи гафари марфарзава.
Къе кІанида гъил ганва зав,
Зи цІарари гатфарзава.

Сел хураваз дерейрай физ,
Зи шадвилер алахъзава.
Къе Кас гъуьлни Къулан вацІ хъиз,
Чун сад-садахъ какахъзава.

Лув гузва за къваларилай,
Им гатфарин аламат я.
Зи бахтавар гъаларилай,
Чир хъухъ, шаир саламат я!

АВАЧ

Дигагъ хътин гъулуьшан хуър,
Къевар хътин кIеле авач.
За фадлай вун рам ийиз тир,
Зун бахтунин пеле авач.

Муьгъуьббатди къачуна звал,
Зи къисметдиз акъатна тIал.
АвуртIани гъикъван шел-хвал,
Дерт алцумдай киле авач.

Тардал макъам ягъазвай хъиз,
Хъуьтуьл камар вегъена физ,
Лацу лиф я, валлагъ, михъиз,
Лув гуз, кIвачер чиле авач.

Дурнади хъиз къил къаз виниз,
АцIай бахт я, хъуьрез чиниз.
Алахъда хупI вич шириниз,
РикIе маса гьилле авач.

Гъин куьнуьдин вирт я пIузар,
Дигмиш хъанва бегъер-зурзар.
Ава лугъуз вун хътин яр,
Дуьнья къе зи виле авач.

ЧАРА ТАХЪУЙ

Муьгьуббатдиз “Ватан” лугьуз эверай,
Шаирдикай рахшанд мийир, миналди.
АкIайтIани гьикьван яцIа, кIевера,
Ватан патал чан гудачни кьегьалди?

Зи тан-Ватан, зи чан-Вун я кIаниди,
Хьайиди туш захь са маса уртахни.
Бахтлу жервал зи макан, ша, кIаниди,
Чара тахьуй зи танни чан садрахъни!

ГЪИНВА ВУН ЯР?

Ахъая зи фикирдин вар,
Атурай дерт,
Атурай.
Какадариз зи югъ, зи къар
Авурай сед,
Авурай.

Ахъая зи фикирдин вар,
Къуна ви тІвар,
Кхъин са цІар.
Кхъиз-кхъиз,
Ада эхиз куьмекда заз.

Ахъая зи фикирдин вар,
Къурай юргъар.
Вун авачтІа,
Вун къвезвачтІа
Зурзаз-зурзаз,
Ада шехъиз куьмекда заз.

Гъинва вун гар,
Гъинва вун яр?
Ахъая вар,
Ахъая вар...

ХЪША ЯР, АМАН Я

Гарари гузвач хъи, вакай са хабар,
Гарарал ван алач, гарар пашман я.
Ишезва кІаниди, зи шиирд цІарар,
ЦІарарал чан алач, цІарар пашман я.

Цифери кьунва рехъ, квадариз гелер,
Циферив агатмир, цифер душман я.
Килигиз ви рекъиз, ацІанва вилер,
Вилерив минетмир, вилер виран я.

Гьиссери кьал кьачуз чІагурайтІа икІ,
Гьиссерив эгечІмир, гьиссер тІурфан я.
ТІалари цІарце тваз кукІварзава рикІ,
Хъша яр, хъша яр, хъша, аман я!

АВАЧИЗ ТУШ

Бахтарив диганвай ашкъидин никӀе
Ви ширин бегъердин къуъл авачиз туш.
Вилериз килиг зи, шаирдин рикӀе
Вафалу гъиссерин цуъл авачиз туш.

Гафарин карванди тийидай синих
Зи цӀарар санихъ я, зи гуьгъуьл санихъ.
Ашкъидин вацӀари рекъидач къанихъ,
Муьгъуьббат тӀвар алай гъуьл авачиз туш.

КӀанивал азизди, багъадиз къуна,
Дердиниз са чара ая тӀун вуна.
Зи рехи чӀарарал хъуьремир суна,
Уьмуьрдин гатфарни зул авачиз туш.

Муьзеффер алщурмир вахтар алудиз,
Вучда къуьд атайтӀа, къаяр агудиз?
Агата, зи рикӀе ваз чим акъудиз,
КӀанивал лугъудай къул авачиз туш.

ХЪИЛЕРИЗ КЪИЙ

Зи ашкъидин ахъайна рак,
Яр вун атай гелериз къий.
Муьгъуббатдал гъимир на шак,
А ви чѳулав вилериз къий.

Вун са дигай мурадин тар,
Иер я хупІ, алаз анар.
Югъ-къандавай залан жез пар,
Бегъер гъизвай хилериз къий.

Ви гуьгъуьна амай зи вил,
Вун сагъ хъурай, шадна гуьгъуьл.
Зи чѳарара экъуьрна гъил,
Яр ви хъуьтуьл гъилериз къий.

Вири сад я, лугъуз закай,
Гаф хкудмир, рикІе тваз цѳай.
И чилерал алач ви тай,
Вун къекъвезвай чилериз къий.

Садрахъни яр хъша гъенел,
Лагъайла куьз чѳур жеда пел?
Минет хъурай, мийир на хъел,
АвуртІа ви хъилериз къий!

ША

Гьикъван вахт я къакъатна вун,
Заз и дубня дар хъана, ша.
Ви дерт чугваз гъазур я зун,
Ша, дердерин пар хъана, ша.

Яру хъуьхъвел пѳузард леке,
Алазмани гъуьруь Бике?
Мад акбуна вун зи рикIе,
Зи рикI тамам тар хъана, ша.

Шумуд йис я вахъ вил галаз,
Мад гумир на заз икъван наз.
Ипекдин шал кылел алаз,
Ипек шалдин зар хъана ша.

Чун ашкъидин дердер эхиз,
Вафалу жен эвелан хъиз.
Живеди куьр рекъер михъиз,
Рагъ хъана ша, гар хъана ша.

Гъич твамир на чанда хъилер,
Ша галкIурай мадни гъилер.
Шад жедайвал цавар-чилер,
Муьзеффераз яр хъана ша!

АКЪВАЗА ЯР

Акъваза яр, катна фимир,
Мад гьиссерал илигин за.
Беса икъван заз наз гумир,
Са тухдалди килигин за.

Дуьньяд багъда авач ви тай,
Вун ашкъидин тар я дигай.
Ша, ша лугъуз ахъа жезвай,
Ви хилерал кӀурукӀин за.

Алаз хъурай вун зи вилик,
Ахъайдайвал бахтуни цуьк.
Вун такурла пад жезва рикӀ,
Лагъ вучин за, лагъ гьикӀин за?

Къизилгуьлдин пеш я зериф,
Вилер - гатун варз алай йиф.
Маса касди атӀуз гъайиф,
АтӀайтӀа, дерт гьикӀ эхин за?

Агат мийир яр къилаврив,
АцӀур мийир рикӀ чӀулаврив.
Зи цӀаярив, зи ялаврив
Ша, садрахъ вун алугин за!

КАТИЗ ТАХЪУЙ

ГьикI чир хьурай генг яйлахдиз атайдаз,
Зун кIвачерик жигъир хьана физватIа.
Хъуьрез-хъуьрез беневшаяр кIватIайдаз,
Зи хурудал къекъвезвайди чизватIа?

Вуч лугъун за а тавардиз чиз-течиз,
КъелкъвезватIа зи дерада циферихъ.
“Чан-чан” лугъуз са чинебан шагъвар хьиз,
Зун туширни галуькайди киферихъ?

Вуч бахш ийин зи кIама кIвач хвейидаз,
Гьин тегъерда а жейрандин рехъ атIун?
Мет ягъана булахдилаь хъвайидаз,
Булах тушир, ам зи рикI тир гьикI лугъун?

Лугъуз жени мад сеферда хъша ваз,
Шуькуьр хьурай бейхабардиз атуниз.
Ашкъидикай садрахъни пай тагайдаз,
ГьикI лугъун за, илифа зи бахтуниз.

Гелер атIуз, рикI алайди пелерал,
Вун гуьнедин цуьк я цIийи кIурукIай.
Зун гатфар хьиз атанва ви чилерал,
Катиз тахъуй вун гатфарин хурукай.

САНАЛ КХЫИН

Хъуьрезва Рагъ,
Бахтлу я багъ.
Бул жез эквер,
Лацу цуьквер
КІура-кІура,
Кура-кура,
Шад нуькІвер хьиз
Ацукъзава
Тарарал.

Дагъ хурал къаз,
Рангар ягъаз,
Гагъ къацудиз,
Гагъ лацудиз,
Мад гатфари
Куьлуь-ири
Нехишзава,
Тебиатдин
Гурарал.

КІурукІдин цІвел
Хуруна хел,
КІубан хъанва
Гъверигъвердин
Зарарал.

Агъ, зи Тайгъун,
Гъинава вун?
Ваз ша лугъуз,
Беневша гуз
Гъазур я зун,
Къе гатфарин
Варарал.

КІамарай гъуз,
Зи рехъ атІуз,
Жедач, жедач,
Къведач, къведач
ЛагъайтІани,
ЧІалахъ туш зун
Гарарал.

На гарариз,
На харариз
Килиг мийир,
Илиг мийир,
Гъамлувилел.
Агакъа зав,
Авуна гел
ЧІурарал.

Ша, гатфар я.
Ша, сувар я.
Вун аваз зун
Бахтавар я.
Им чуъл, дере,
Им хуш бере.
Ша, геж тийин,
Санал кхьин
Ашкъидин цІар,
ТІебиатдин
Чарарал.

АЯ ХЪСАНВАЛ

Ша, садрахъ ацукъин рикЛивай санал,
Кваз такъаз легъзеяр, сятар, йикъяр.
Яб це на секиндив, акъуд тийиз къал,
Тухдалди лугъун за рикЛевай гафар.

Къисметди нагагдай гъил гайила чав,
Чиз-течиз гъикъван къар квадарнатГа лагъ.
Твар авай са царни хуыз ганач на зав,
За гъикъван шиирар гадарнатГа лагъ.

Физ хъанач ашкъидин рекъерай атЛуз,
Гагъ сада хифетна, гагъ сада туьгмет.
Бахтунин шив гъиляй ахъаймир лугъуз,
За гъикъван минетна, на гъикъван гуьжет.

Ашкъидин гъуъл я вун, ахъая къужах,
Къал тийин, хъел тийин, куьз я синихар?
Вуч жеда зи вацлар какахъайтГа вахъ,
Са-садаз кланибур ятГа къилихар.

Ша, садрахъ ацукъин рикЛин сидкъидай,
Зи тазвай рикЛикай хабар яхъ вуна.
Къил акъат тавуртГа нагагъ ашкъидай,
Зи миxъи гъиссерал гъимир шак вуна.

За ваз гъикЛ минетин, за ваз вуч лугъун,
Яр за вун садавни гекъигаиди туш.
Ша икъван баркаван, хару жемир вун,
Иервал садазни амукъайди туш.

Садазни амукъдач шадвал, жаванвал,
Къуьзуьвал гъафилдай алукъда зи яр.
КъевезатГа къе гъиляй, ая хъсанвал,
Дуьньяда хъсанвал амукъда зи яр.



ВАЗ АМУКБА ЛУГЪУЗ ХЪАНАЧ

Ваз амукба лугъуз хъанач, эй азиз мугъман,
Атйай сим хъиз зурзуна ви “сагърай” лагъай ван.



ВАЗ АМУКБА ЛУГЪУЗ ХЪАНАЧ

Зи кІаниди, зул атай хъиз чкІана рангар,
Къанвай хъи вун, фул акатна, атІана рангар.
Гъин тІалари чІагурнайтІа, авуна пилеш,
Гъин гарари къакъудзавай зи умуддин пеш?
Кап алтадиз за хъуьтуьлдиз, къунай лацу гъил,
Заз акІ хъанай, икІ ви тІалар жедай хъиз къезил.
Хъанач амма вун паталди са лукъман закай,
Хъфена вун къати жез тІал, цІукІ ягъаз рикІяй.
Ваз амукба лугъуз хъанач, эй азиз мугъман,
АтІай сим хъиз зурзуна ви “сагърай” лагъай ван.

АМАН ЦЕ ЗАЗ

Тимил жечни агъзур сефер лагъайтIа “кIанда”,
Лугъуналди туькIуьдан кар, авачтIа вахъ рикI?
Вавай ийир маса тIалаб авач зи чанда,
Яшамишдай аман це заз, эй зи малаик.

Шумуд йис я шезва зи рикI секинвал течиз,
Муьгъуьббатдин тIалари зун авунва есир.
За гьикI лугъун зулум мийир вуна заз чиз-чиз,
Ша садрахъ яр, рикIивайди ачуха заз сир.

Зулун гар хъиз сефил я зун, аквазвачни ваз,
Зи багъади, зи верциди, икъван наз гумир.
АлакъдатIа жуван са югъ багъиша тIун заз,
За авайвал багъишда ваз яр вири уьмуьр.

Муьгъуьббатди туна кIеве усаларна зун,
ТIазва зи рикI йифиз-юкъуз, вав гвачни дарман?
И дердери терг авуртIа чIакIваларна зун,
Къведачни лагъ ваз зи гъайиф, жедачни пашман?

Диганвай багъ гъуьм акъалтиз хъайила кьурах,
Яд гур къван я багъманчиди кьуразвай тараз.
Инсафдикай са зерре къван пай авачни вахъ,
Са бахтсуздан рикI шадардай, акурла цIраз?

Садрахъ чIалал къведач хьи вун, заз са рехъ къалуз,
Гьикъван минет авуртIани, туькIуьриз цIарар.
Садрахъ вуна аман це заз жуван гаф лугъуз,
Тамир ахпа, гъамишалугъ агала варар.

Тимил жечни агъзур сефер лагъайтIа кIанда,
Лугъуналди туькIуьдан кар, авачтIа вахъ рикI?
Вавай ийир маса тIалаб авач зи чанда,
Яшамишдай аман це заз эй зи малаик!

КЪАТИНАЧ

Ви ашкъидин цавариз,
Зун Варз хъана агайд туш.
Садрахъ къванни ви рақар,
За чинеба катайд туш.

Экв чукІуриз къуд патахъ,
Лағбайд я за, Рағъ я зун.
Агакъ тавуртІани вахъ,
Чим гузва за, агъ я зун.

Маса патахъ гиман физ,
За вакай вил атІайд туш.
Ви ақунар теснифиз,
Къвед хътинди лағбайд туш.

Къветер икъван иер жени?
Иер вилер авайди!
Низ чидайд тир и дуьньяда,
Иервилер авайди.

Фимир, акъваз,
Минет хъуй ваз.
Чанда хъилер авайди.

Чалал текъвез,
Наздив къекъвез,
Хура цівелер авайди.

Гъин женнетдиз хъана ават,
Ақуна заз ихътин тават.

Ник хъиз суьтуьл,
Жив хъиз хъуьтуьл,
Лацу гъилер авайди.

Ви вилери, ви хъилери
Авуна зун рекъивай.
Ша талгъайтIа ви гелери,
Эхиз жени рикIивай?

Муъгъуббатди гъад къуна заз,
Бахшна даим мичIи йиф.
Гъикъван за тIал чIугуртIани,
ЧIугунач на зи гъайиф.

Гъайиф, гъайиф,
Лацу лиф,
Вун атанач, атанач.

Зун рехъ хвена
Терг хъана,
На къатIанач, къатIанач...

АКВАЗВАЧНИ?

Аквазвачни ваз зи гьалар,
Гатун югъ хьиз алахъзавай.
Къиб элкъвенва уьмуърдал зи,
Зулун пеш хьиз авахъзава.

ХъуьтПуьн жив хьиз хъанва рехи,
Жагъин тийиз гьелени гъахъ.
Лагъ кван вуна, я бахтавар,
Гатфарикай вуч ама захъ?

Муд кутуна дуьньядик за,
Фана тирди къатІанач хьи.
Ни чуьнуьхна зи бахтлу къар,
Зи чубарук хтанач хьи.

Сефил я зун пехъи гар хьиз,
Фад-фад гьалар какахъзавай.
Зун акІанвай булах я са,
Шехъиз-шехъиз авахъзавай.

Зун пад хана къаядилаь,
Аватнавай са чІулав къван.
Гъикъван за цІвагъ авуртІани,
Агакъзавач санихъ зи ван.

Бахтсузвилин рехне галай,
Зи уьмуър заз залан пар я.
Са дуьньядин дердер авай,
Зи рикІикай низ хабар я?

Низ чида за чѹгвазвайди,
Гьихьтин гьам я, гьихьтин тѹл я.
За шерзум яз кхьизвайди,
Зи дарядин са стѹл я.

Терг жедай зун и тегьерда,
Кѹаниди, вун хьаначиртѹа.
Ихьтин уьмуьр гьалдайни за,
Вун дуьньяда авачиртѹа?

Агь, гьавурда акьукь тѹн вун,
Пара жезва зи стѹлар.
На бес вучиз куьмекзавач,
Аквазвачни ваз зи гьалар?

ГЪИКИ КАТДА ВУН?

Чилел за вун гекъигда нихъ?
Я цаварин зар авай яр!
Килига тІун зун галайнихъ,
Я гар хьтин гаравай яр.

Гъикъван гагъда къакъатда вун,
Гъин улькведиз алатда вун,
Гъин бахтлудав агатда вун,
Хиве ашкъид пар авай яр.

Гъазур я зун атІуз рекъер,
Ашкъ паталди чІугваз женгер.
За масадав гудан мегер,
Зи мураддин таравай яр?

Гъавурдава Муъзеффер ви,
Лугъумир хьи, хъанва рехи.
Зи муъгъуъббат сел я чІехи,
ГъикІ катда вун хуравай яр?!

НАЗ ЦЕ

Наз це яр, рикІ акъуда зи,
Зун архайин тежедайвал.
РикІин са пад алуда зи,
Вилер даим кѣжедайвал.

Алата яр, мад кваз такъаз,
Алахъа зун кѣвера тваз.
Рекъидалди вун рикѣваз,
Ви гелера кѣкѣведайвал.

АтІутІ рекъер, жигъирар зи,
Басаратар хъурай кѣви.
Чка тамир заз рикѣ ви,
Завай минет хъижедайвал.

Рахамир зав тІвар лагъана,
ЦІйи шиир, цІар лагъана.
Йифиз-юкъуз яр лагъана,
Зун чинеба ишедайвал.

КвахъайтІа зи ийир-тийир,
На дерт чІугваз зи гаф мийир.
Зулум ая, инсаф мийир,
Зун жув-жувал хкведайвал.

АКЪУДЗАВА МИХЪИДИЗ

Мад сеферда акъатна къал,
КкІана чун чІехидиз.
Гъим гъахълу я, гъим гъахъсуз я,
Гъим акъудин михъидиз?

Элкъвезва къе зун жув-жувал:
“Хъел хуьдани, хуьдачни?”
Гъикъван гуда гъа са суал,
Къал авачиз жедачни?

“Жеда, жеда” лугъуз гагъ-гагъ,
Меци вучиз табзава?
Гаф-чІал сад туш зи хиялрин,
Чаравилиз табзавай.

Къве жуьредин фикир авай,
Завай зи рикІ пад жедач.
Хъел галачир, къел галачир
Муьгъуьббатдихъ дад жедач.

Аман тагуз гъиссери зун,
Чуькьуьзва къе кІевидиз.
Мад сеферда за кІаниди,
Акъудзава михъидиз...

ЗИ РИКІ ТІАЗВА

Зи рикІ тІазва, зи рикІ Лукьман,
ТІазвачир рикІ хура жедач.
Ашкьид тІалди кьунва зи чан,
Дармандивай чара жедач.

КІватІна кьилел хизан вири,
Хуьх лугьумир на стІалар.
Вуч авай хьи, дарманари
ТухванайтІа икІ зи тІалар.

Хьсанзавач Лукьман, зи гьал,
Раб ягьана авхар жедан?
КьанницІуд йис чІугвазвай тІал,
Са легьзедат сагьар жедан?

Зи тІаларин хабар туш ваз,
ТІадалди захь кумач аман.
Чара ийиз алахьмир заз,
Амукьинихь амач гиман.

Звал кьачунва зи ивиди,
Алат Лукьман, минет хьурай.
Заз кьаст авур зи кІаниди,
Зун кайивал вични курай.

Зи фикиррал гьимир на звер,
Дерт ава захь лугьуз тежер.
ГьикІ акьудин чандай гьиссер,
МичІи суруз тухуз тежер.

Зи рикІ тІазва, зи рикІ Лукьман,
Завай садни агуд жедач.
Бедгъавая серфмир дарман,
Вавай зи тІал алуд жедач...

ГЪИКИ АЛУДИН ВИ ПАШМАНВАЛ?

ГъикІ алудин ви пашманвал,
Гъихътин гафар жагъурин?
Ви вилера авай цифер,
Гъин тегъерда чукурин?

Вуч лагъайтІа хъуьреда вун,
Вуч лагъайтІа ишедач?
ГъикІ авуртІа алатда тІал,
ГъикІайтІа гъам хкведач?

Галатнавай лацу лекъ хъиз,
Заз кагъалдив килигмир.
Икъван дертлу акъвазмир вун,
Зи дердерал илигмир.

Рам хъия мад вили цавар,
Са чІагурдай манидив.
Вун авачиз зи дагълари,
ГъикІ таб гурай кІаниди?

Зи чилериз акъуда чим,
Алатдайвал къайи фул.
Гатфарал вил алайд я зи,
Бахш мийир заз вуна зул.

Лугъуз-хъуьрез агата зав,
Аваз хъурай чина хъвер.
ЧукІура мад жуван атир,
Зи мулдин цуьк, зи гъвергъвер.

Регъуь туштІа Яргъи Рушаз,
Килигайла къекъифиз.
Ви иервал акван патал,
Атурай кван илифиз.

Гъин билбилдихъ ава ви ван,
Гъин цуькведихъ ава зар?
Аваз хъурай я баркаван,
Ви манидин авазар.

Аваз хъурай къакъан къамат,
Эркиндаказ юзадай.
Аламатдин сир ятІа вун?
Цаваривай жузадай.

Ви эркинвал, ви иервал,
Саврухари къатІурай.
Пашманвилин гарар, харар,
Татурай вал, татурай.

Гъихътин алхиш ийин за ваз,
Шадардайвал цІарари?
Вун кІевера акІай чІавуз,
Куьмекдайвал Гъуцари.

ГъикІ алудин ви пашманвал,
Гъихътин гафар жагъурин?
Ви вилера авай цифер,
Гъин тегъерда чукурин?!

ХЪУРЕМИР ЗАЛ

Хъуремир зал, кѳураба хъиз
Муьгъуббатдин Ватандавай.
Садрахъни гъил агакъ тийиз,
Зи гъед пара къакъандава.

Зи гъетре заз гузвач эквер,
Экв авачир гъед жедани?
Къвед лагъана гьикІ гун эвер,
Муг тийидай къвед жедани?

Хъуремир зал, зи пашманвал,
Са уьмуьрдин гъахъсузвал я.
Муьгъуббатда перишанвал,
Ни лугъуда бахтсузвал я?

Зи гъарибвал, дамахсузвал
Маса вилай аквамир ваз.
И бахтсузвал, и гъахъсузвал
Са дуьнья къван верцІи я заз.

ВерцІи я заз ярдин гъзаб,
Гъикъван зулум авуртІани.
Йифиз-юкъуз гуда за таб,
Ада инсаф тавуртІани.

Къабулда за вири ялар,
ТахъайтІани яр зи чІалахъ.
ЭхзаватІа за и тІалар,
Муьгъуббат я авайди захъ!

КІАНДАЧ ЛУГЪУЗ

КІандач лугъуз ван мийир на,
Ша, и кыляй лагъ зи гунагъ.
Са гъейридаз чан мийир на,
Эхир пашман жада, валлагъ.

Чир жадаивал ниятар къе,
Вуч аватІа лагъ ви рикІе.
Кваз такъуртІа, ашкъид рекъе
Дустни душман жада, валлагъ.

Цуьк акъудиз вахтуни ви,
Гъим къабулда тахтуни ви?
Гъиз тахъайтІа бахтуни ви,
Вири чІалал къведа, валлагъ!

Эхи жени шад тахъайтІа,
Чи мурадар сад тахъайтІа.
Нагагъдай рикІ пад тахъайтІа,
Мадни ви рехъ хуьда, валлагъ!

Муд кваз йикъар къатІзава за,
ХъуьтІерикай гадзава за.
Анжах са ваз дадзава за,
Куьмека тІун, Аллагъ, Аллагъ!

КЪАТІАНАЧ ХЬИ...

Вучиз ярдихъ галукънава,
Къведа лугъуз атанач хьи.
Гатфар фадлай алукунава,
Зи чубарук хтанач хьи.

АцІана мад вили цавар,
КъвайитІа икІ, цІуьда къавар.
Я рикІ алай Яран сувар,
На зи ракІар катанач хьи.

Аквaz-таквaz алатна къар,
Мад гьиссерин юзана гар.
Зи багда я къайи шагъвар,
Садрахъ на ван кутунач хьи.

Ван алачиз къакъатна вун,
Вучиз яргъаз акъатна вун?
Зи мезредлай алатна вун,
Байхнач хьи, къатІанач хьи...

КІАНДАЧИР

Цав авани циф течир?
Варз авани йиф течир?
Киф кьугьуриз, катмир вун,
Нашид туш зун, киф течир.

Цай авани куз течир?
Чиж авани хуз течир?
Темен паталд кьал мийир,
Аял туш зун, пІуз течир.

Лежбер аван гад течир?
Сал михьизди кІватІдачир.
Гьил хурудал тамир на,
Харуд туш зун, кІватІ течир.

Хуър авани ким течир?
Гум авани гьуьм течир?
Вар агалмир кьужахдин,
Кьанвайд туш зун, чим течир.

Сел авани ван течир?
Чил авани цан течир?
Кьисмет пата авайтІа,
Заз вун икьван кІандачир.

ЖЕДАТІА

ХайитІа зи са кьуз лувур,
Цаваривай хабар яхъ зун.
Ваз бахш авур, ваз кІел тавур,
Цараривай хабар яхъ зун,
ЖедатІа.

Са береда инсаф течир,
Са таватдиз сир ганай лагъ.
Бахтсуз халкъдин бахтсуз шаир,
Зи дердинай терг хъанай лагъ,
ЖедатІа.

РикІел хкиз зи тІул, къилих,
ТуькІуьра са цІийи мах на.
ХъайитІа вун са кьуз дарих,
Жуван тахсир хиве яхъ на,
ЖедатІа!

АВАЙД Я

Гуьнедавай къакъан чинар,
Къакъан пеле гар авайд я.
Гъикъван чІав я рикІ ала вал,
Заз вун хътин яр авайд я.

ГъикІ дамахда навадал на,
ГъалтайтІа са явадал на?
Ихтибармир гъавадал на,
Юргъ авайд я, хар авайд я.

Ви гъал акваз рикІ цІрада,
Тек ятІа вун, фад къурада.
Ялгъузбурал и дуьньяда,
Етим лугъур тІвар алайд я.

ХъанайтІа вун ашкъидин ким,
Юзачир зи гъижрандин сим.
КІанибурун рикІе даим,
Муьгъуьббатдин пар авайд я.

Минет хъуй ваз, ийиз илиф,
Эвера, гъваш зи лацу лиф.
АтайтІа ам, ийиз тариф,
Муьзефферахъ цІар авайд я.

ТИЙИН ЗА ВУН РЕКЪИВАЙ

Ви дердинай къекъвезвайди дили хъиз,
Къамир садрахъ кІаниди на кимидай.
Зи муьгъуббат гъуьл ятІа кье лепе гъиз,
ГъикІ экъечІин гъуьлуьн юкьва гимидай?

Захъ рикІ кузвай сад авайтІа къуруда,
Бахтлувилин гелери зун жагъурдай.
ГъатнаватІа кье тІурфандин хуруда,
Гъинва маяк, вилик фир рехъ къалурдай?

Гъар инсандихъ са дуст ава дуьньяда,
Гъинва зи тІал къатІудайди рикІивай?
АтІай гаф лагъ, кІаниди, заз жедатІа,
Шел-хвал ийиз тийин за вун рекъивай...

УЪМУЪР

Уъмуър акъван кеврек я хьи,
РикІна кылиз тухуз жедач.
Гьидан балкІан мус галатда,
Садавайни лугъуз жедач.

Гьикъван крар туна зуракІ,
Гьихътин ксар къаз тухвана.
Шумуд кІвалин кукІварна рак,
Шумуд кІанид гваз тухвана.

Шумудни сад хъана зелил,
Са мураддив агакъ тийиз.
И дуъньяда амукъна вил,
Хтанач сад, килиг хъийиз.

Уъмуър ахътин са затІ я хьи,
Садра ава ихтияр ваз.
Гьикъван рикІел хкин за ви,
Гьикъван лугъун бахтавар, ваз?

Уъмуър акъван куъруъ я хьи,
Гудач садаз ада мажал.
Гьидан гынал агакъда чІав,
Гьидан гынал чІур жеда кІвал?

Мад лугъудай гаф амач захъ,
Акваз икъван крар вилик.
Авайди са уъмуър я чахъ,
Вучиз хазва вуна зи рикІ?!

АГАКЪДАЧ

Бахтсузвили туна царце,
Хуъзвалда мад вилив чун.
Бахтлувили тахъайтга къе,
Ийидай хъи илив чун.

Есирвилай катна кIанда,
Асул рекъе гъатна кIанда.
Къаз тахъурай чи гъилив чун,
Агакъдач а къилив чун...

ЛУГЪУДАЙ ТУШ

За ви рекъер гуъзетайд я,
Ви гелерай акъатай туш.
За ваз пара минетайд я,
Амма садрахъ галатай туш.

Гъикъван на рехъ кІарнатІани,
Зун нашид хъиз алатай туш.
Гъикъван на рикІ тІарнатІани,
Зун яр, вакай къакъатай туш.

За садрахъни кІеве акІай,
Гъиссер залай алудай туш.
За садрахъни кІанид вакай,
Тух хъана зун лугъудай туш!

КАМ ВЕГЪЕДАЙВАЛ

Чими тир гъиссерив ацџура зи рикІ,
Са къайи тџурфанди чџагурнава зун.
“Ваъ” лугъуз къулухъди элкъуър мийир икІ,
Ашкъидин пачагъди ракъурнава зун.

Верџи тир гафарив акъуда заз чим,
Зи шулу гъиссери џџаяр къадайвал.
Низ чида гъим фида, амукъдатџа гъим,
Кар такъан гуьгуьлар пашман жедайвал.

Мили тир шиирдив агуда на зун,
џџарари бейгушна рам ийидайвал.
Ашкъидин муькъвелей алуда на зун,
Бахтунин часпардал кам вегъедайвал.

ХАДАЧ

Лугьумир хьи, чизвач къадир,
Зи уьмуьрдин вун я атир.
Вуж ава захъ мад кІани тир?
Къадач за ви рекъер, къадач,
Хадач за ви хатур, хадач.

Са дуьньяд дерт гьалзава за,
Са ашкъид пар ялзава за.
Эхиз тежез къалзава за,
Твадач гила за къал, твадач,
Хадач за ви хатур, хадач.

Лугьузва на: “ая сабур,
Таб це рикІе, хвена абур.
Ужуз жемир, хуьх такабур”,
Тадач и гаф чилел, тадач,
Хадач за ви хатур, хадач.

Хьилерилай чІугда за цІар,
Зи гафарихъ тахъуй цацар.
Вун авачІа кхьидач цІар,
Цадач рикІе за гьам, цадач,
Хадач за ви хатур, хадач.

Ашкъ таб тежез шезватІа зун,
“АтІутІ” лугьуз къелкъемир вун.
Вун хьтин яр за гьикІ атІун?
Жедач завай и кар, жедач,
Хадач за ви хатур, хадач!

ЗА ВУЧЗАВАЙ

Лугьуда хьи, уьмуьр гьалун са бахт я,
Вун авачир бахт кIандач заз дуьньяда.
Ашкъ течизвай пачагъни кваз бедбахт я,
Вун галачир тахт кIандач заз дуьньяда.

Зи бахт вун я, зи уьмуьр вун, мурад вун,
Вуч жеда лагъ, завай ялгъуз дуьньяда?
Гьикъван кIеве акIайтIани хадач зун,
Зи бахтни тахт вун я лугъуз дуьньяда.

Рамна зи рикI муьгъуьббатдин маниди,
Сефил я зун йифиз-юкъуз дуьньяда.
ХьаначиртIа вун хьтин яр кIаниди,
За вучзавай икъван ужуз дуьньяда?!

ЗИ ТІАЛ

Зи дерт, зи тІал,
СтІал-стІал
Жезва кІватІал.

Зи тІални квал
КІватІун патал,
Мадни рикІи
Къачузва къал.

Анжах,
Къе захъ,
Хъухъ зи чІалахъ,
Авач са кІвал,
Адан юкъвал
Ишедайвал.

Зи тІални квал
КІватІун патал,
Зун авай къа
Гъатун патал,
Дуъньядкай вил
АтІун патал,
Авани са
Лезги къегъал?
Туна рикІе
Дердин ккІал,
Кагъал-кагъал
Ишедайвал.

Зи тІални квал
Шумуд харал.
Харар пара
Ракъурна зал.
Къванер пара
Гьалчна юкъвал.
Эхна и къал,
Эхна и тІал,
Къачуна звал,
Къунач зи ял.
Авани захъ
Са эгълигьал,
Акваз зи гьал,
Мукъвал-мукъвал
Ишедайвал?

Зи дертни тІал,
КкІал-ккІал,
Гуьллеяр хъиз
Акъазва за.
Алатдач жал?
Лугъуз и гьал,
Шумуд суал
Вугузва за.
Дердер эхиз,
Садаз течиз,
Гьикъван тІалар
Чугвазва за.

Аван зи тІал
Чидай бейгьал,
Шаирдин къал
Ишедайвал?

Зи тІални квал
Физва яргьал.
Куьмека заз,
Куьмека яр.
Заз уьмуьрди
Гузва кье хуз.
Таквадайвал
Ваз зун ажуз,
Куьмека заз,
На жедайвал.

Зун захъ галаз
Хъана ялгуз,
Кузни-хкІуз
Тежедайвал.
Вил ала вал,
РикІ акъудмир.
Ша вун чІалал.
Дарих я зун
Кье вун патал.
РикІевайбур
Лугъун патал,
Ша кІаниди,
Ша, зун патал.
Зи тІални квал
АтІун патал.
Зун жув-жувал
Хтун патал.
Уьмуьр кьилиз
Тухун патал!

ВУЧДА НА?

Са чкІанвай кула я зи фикирар,
КІватІун патал аман амач зи чанда.
Аквазвач заз и крарин эхирар,
Хъсан хъунихъ са муд авач зи чанда.

Югъ-къандавай залан жезва гьалар зи,
Гьал авачир са рикІивай вуч жеда?
АтІайтІа икІ нагагъ рикІин гьалар зи,
КІаниди ваз лугъуз тежер гуч жеда.

Ахпа закай вучда вуна авачиз,
ГьикІ акъудда уьмуьр на зун галачиз?
И дуьньяда са кІани дуст амачиз,
Ялгъуз хъана, лагъ кван вавай вуч жеда?

АлакьдатІа, чан аламаз даях хъухъ,
Мад хкведач ихътин йикъар, чІалахъ хъухъ.
Ша бахтуниз кІур гумир на, уях хъухъ,
АкъатайтІа са къуз гъилий, вучда на?

АКЪАТИН ЧУН ДУЪНЬЯДАЙ

Ша кІани дуст, акъатин чун дуъньядай,
Им чаз дигай, чи рикІ алай дуънья туш.
Кьил къакъудна ша, катин чун дуъньядай,
Им за лагъай, им на лагъай дуънья туш.

Гьикъван гагъда акІида чун кІевера,
Им чаз къулай, чахъ тахт авай дуънья туш.
Алдах жемир акъатайла йиферай,
Им гъахъ амай, им гъахъ гьидай дуънья туш.

Лугъумир хьи, Аллагъди бахт юзурда,
Им лезгидин бахтар юзай дуънья туш.
Ви гафарин авазва зун гъавурда,
Дертлу касдиз са рехъ къалай дуънья туш.

Шеда зи рикІ чІугваз даим хифетар,
Бедгъавая фена вири зегъметар.
ГайитІани агъзур жуъре няметар,
ЧІуруд я им, зи вил кумай дуънья туш.

Залумарин агал тийиз ракІарар,
Фагъирбурун хкудайд я дакІарар.
Дуъз ксарин такІарни кваз кукІварай,
Семед я им, кьил-къилеллай дуънья туш.

Вун дуъньяда гъахъ жагъуриз алахъмир,
“Гъахъ квахъдайд туш” лугъуз зунни чІалахъмир.
Теселлийрив на жува-жув алдахмир,
Им садрахъни дуъз хъижедай дуънья туш.

Ша кІани дуст, акъатин чун дуъньядай,
Им чаз дигай, чи рикІ алай дуънья туш.
Кьил къакъудна ша, катин чун дуъньядай,
Им за лагъай, им на лагъай дуънья туш.

ТУШ

Гъикъван бахтар гайитІани,
Муьгъуббатдихъ тІал квачиз туш.
Гъикъван къвалал хъайитІани,
Чаравилер авачиз туш.

КичІе тушиз къаярикай,
ИфейтІани цІаярикай,
Хажалатдин паярикай
АцІай киле гумачиз туш.

Туьнт фиридиз лугъумир каф,
Такабур тар жеда члаф.
Къун тавуртІа гатфарин марф,
Бубуди къил хкажиз туш.

Табда за ви саврухни хар,
ХъайитІани зи тан кукІвар.
“Эхъ” талгъайтІа, садрахъни яр,
За часпарар элячІиз туш.

Жедалди зи ашкъи абад,
Вил атІудан вакай, тават?
Сабурдивди кІватІда за гад,
Муьзеффер гаф амачиз туш!

ГЬИКИ ЛУГЬУН?

Пара кІанда иерд заз,
Иер хъуьруьн, иер наз.
Цуькведилай иердаз,
Цуьк хьтинди гьикІ лугьун?

Гъуцари бахт ганавай,
Бахтавар я, хвенавай.
Мад ихьгиндаз къеневай
РикІ хьтинди гьикІ лугьун?

Нурарикай туькІвейдаз,
Яран шем хьиз куькІвейдаз,
Са шаирдиз эквайдаз,
Экв хьтинди гьикІ лугьун?

БАХТЛУ ТУШНИ?

Шумуд йис я къачуна къал,
Тпазва зи рикІ, секин тежез.
Чур хъайтІа са къуз зи кІвал,
Къвез тахъурай ишез-ишез.

РикІ кузватІа са живи къван,
Чан аламаз шеха вун захъ.
Къайи къванцел элкъвейла тан,
Куъз герек я яр ви къужах?

Ша, къедамаз яхъ на зи гыл,
Зи гиссериз акъуда чим.
ГыкІ атІун лагъ, за вакай вил,
Ашкъидикай тух хъана гым?

АкІ жемир хъи, галатна зун,
Гъавилай за ван хъийизмач.
Зи вилери незватІа вун,
ГыкІ лугъун за кІан хъийизмач?

ГыкІ лугъун за муъгъуббатдин,
Чавар фадлай алатнава.
Куъз герек я тІебиатдин,
Са легъзе, ашкъ къакъатнавай?

Рехи чІавуз гъахъ тІалабдай,
Белки зи яр, гъахълу туш зун?
ЯхцІур яшда уьмуър къатІай,
Ни лугъуда бахтлу туш зун?

Гъахълу тушни даим рикІе,
РгазватІа гиссерин сел?
Бахтлу тушни пІузардал къе,
АламаТІа са ширин гел?!

ХУЪХ НА ВУН

Юзаз-юзаз атайди,
Турфандикай хуъх на вун.
Цайни ялав къатГайди,
Вулкандикай хуъх на вун.

ГъикІ теснифин за ви чил-
Дигай багъ я, ацІай чуъл.
Садрахъни зи акъач вил,
Патандакай хуъх на вун.

Бубу хътин къекъифай,
Ви иервал тарифай,
Ашкъ лагъана илифай,
Мугъмандикай хуъх на вун!

КУДАЧНИ ВУН ГЪАЙИФДИ?

Вун паталди чуьллерай
КIватIзавачтIа цуьквер за,
Цуьк я вун зи вилера,
Хуьзва даим рекьер за.

Зи гатфарин лацу цуьк,
Гъвергъвер хьтин зерифди.
Гун тавуртIа на заз рикI,
Кудачни вун гъайифди?

НАКЪ САКІА ТИР, КЪЕ САКІА

Муьгьуббатдив ацІана рикІ,
Накъ сакІа тир, къе сакІа.
Шерзум хъанвай гьиссер гъарикІ,
Накъ сакІа тир, къе сакІа.

Бахтлу тир чун хъвер силеваз,
Чин-чиналлаз, вил-вилеваз.
Лугьуз-хъуьрез, гьил-гьилеваз,
Накъ сакІа тир, къе сакІа.

Яб телягъна рехъ алатиз,
Фидачир вун яр, къакъатиз.
“Чан” лагъана зав агатиз,
Накъ сакІа тир, къе сакІа.

Гила са гаф лугьуз тежер,
Къал я, къилиз тухуз тежер.
Дуьнья хъиз вил атІуз тежер,
Накъ сакІа тир, къе сакІа.

КІанда хъи вун гъакІ ятІани,
Гьикъван хъилер авуртІани.
Таб гузва за хукІуртани.
Накъ сакІа тир, къе сакІа.

МуьтІуьгъ жеда аялди хъиз,
Виш йисни ви краер эхиз.
Лугьуз тахъуй зи ашкъидиз,
Накъ сакІа тир, къе сакІа.

АКЪАТНА...

Заз цийи варз акуна,
Циферихъ кваз акуна.
Лацу хурал чулава хал,
Киферихъ кваз акуна.

Акуна заз, акуна,
Вун гъарикІ яз акуна.

Са цуьк я вун заз кІани,
Лагъ кван, вазни кІан яни?
КІан жемир мад лугъумир,
КІан тежез зун къван яни?

Къван яни руш, къван яни,
Ваз зи гафар ван яни?

ГъикІ ятІа гаф акатна,
Иерди зав агатна.
Эцигайла кьил хурал,
Дерт рикІелай алатна.

Алатна руш, алатна,
Агатна зав, агатна.

Вилера циф авай зи,
Гъилера киф авай зи.
Ваз “чан” лугъуз, туьмериз,
Гатун са йиф авай зи.

Са йиф авай, йиф авай,
Захъ са иер лиф авай.

Вилерай циф акъатна,
Гъилерай киф акъатна.
ГъикІ эхда вун авачиз,
Авай са йиф акъатна.

Акъатна йиф, акъатна,
Гъайиф, гъайиф, акъатна...

АМУКЪДАНИ АШКЪИ ЗАХЪ?

Муьгьуббатдин абукевсер хъвана за,
Гъамишалугъ гъатна ашкъид рекъера.
Лугъумир хьи, ваз азабар гана за,
Гъавиляй на твазва къе зун кӀевера.

Вал къал алач, заз рикӀин вар кӀевирай,
ТӀалаб жедач жув паталди завай гъахъ.
АлакьдатӀа акъудмир зун кӀеверай,
АкъатайтӀа, амукъдани ашкъи захъ?

АМУКЪА

Вуч хъсан я, атана вун,
АтІана зи рикІин тІал.
КкІин тийин садрахъни чун,
Акъуд тийин чна къал.

“Хъфин” лугъуз кІвачин хъана,
Агъ чІугвамир дериндай.
Зи гафарихъ яб це вуна,
Фагъума са геренда.

Са уьмуър я ганвайди чаз,
Са бахт я чахъ авайди.
И дуйнядай пашмандаказ,
Хъфизвайд я атайди.

Бедгъавая тефий уьмуър,
Ашкъидикай къачун кам.
Хъанач лугъуз, ийиз фикир,
ЧІугван тийин ахпа гъам.

Вун са къакъбан дагъ я минал,
Зун ценерик шерик ви.
Вун са инсаф течир шарвал¹,
Зун лукІ хъанва вилик ви.

Гъикъван гагъда давамда икІ,
Гъикъван катиз жеда вун?
Ви патав гва даим зи рикІ,
Гъикъван гагъда куда зун?

1 пачагъ

Алахъ мийир гьар сеферда,
Зи гаф атГуз, акьул гуз.
Сефиля зун и шегьерда,
Ви даКлардин эквер хуыз.

Вун такурла етим я зун,
Дегиш жеда зи гьалар.
Зи вилери жагьурда вун,
Ишеда зи хиялар.

Цвагьда рикИ дилида хьиз,
“Гьинва, гьинва” лугьуда.
Кьурада зун жаваб течиз,
Ви гелерихъ кьекьведа.

Чир хьанайтIа ваз зи тIалар,
Садрахъ на заз яб гудай.
Акьуддачир икьван кьалар,
Зи гафариз таб гудай.

За хьиз на таб гудайди туш,
Дерт кьадач ви синиди.
Зун гьамиша авайди туш,
И дуйньяда кIаниди.

Тяди кьачуз хьфимир фад,
Ацукьа вун, ацукьа.
АлакьдатIа мад са сят,
Амукьа вун, амукьа...



***ЗИ ГЫССЕРАЛ ГЫЗ
ТАХЪУРАЙ ВУНА ШАК***

*Зи гыссерал гыз тахъурай вуна шак,
Табдай хурук саврухарин, гарарин.
Чаравили катаз тахъуй риктин рак,
Хамир кIарар кIаниди, зи гурарин.*



ЗИ ГЫССЕРАЛ ГЫЗ ТАХЪУРАЙ ВУНА ШАК

(Муьгьуббатдин саврухар)

I

Зи гыссерал гыз тахъурай вуна шак,
Табдай хурук саврухарин, гарарин.
Чаравили катаз тахъуй рикӀин рак,
Хамир кӀарар кӀаниди, зи гурарин.

Шумуд йис я акалзава кӀарар за,
Лугъумир хьи, физвач мурад кыле ви.
Циферални вегъез тир яр гурар за,
Чалахъ тиртӀа къахчуналди кӀеле ви.

Къуьзуь лекъ хьиз дагъдин рекъер гуьзетиз,
Тамарзу я зун муг ийир къваларихъ.
Йифиз-юкъуз хъайитӀани минетиз,
Гаф акатдач ви кӀеледин цларихъ.

II

Ви кӀеледин цлар къакъан,
Са дагъ я къван гъарма са къван.
Агатайдаз лугъуз душман,
Са легъзеда кукӀварда на,
Ахъай тийиз мукъув вуна
АтӀанватӀа къарай рикӀин,
Лагъ за вучин, лагъ за гыкӀин?

Гаф лагъайла ягъамир пел,
Къуранва зи вилерин шел.
АвунватӀа на рикӀе гел,
КъунватӀа зи жигъирди руг,
ХъанватӀа зун ашкъидин лукӀ,
АтӀанватӀа къарай рикӀин,
Лагъ за вучин, лагъ за гыкӀин?

Зи гьал чурна, муг чукурна,
Лув гумир на яргъаз дурна.
Садрахъ къванни хурал къуна,
Са тухдалди шехъиз кIандай,
Акъатдайвал тIалар чандай,
АтIудайвал суза рикIин,
Лагъ за вучин, лагъ за гьикIин?

III

Зи сузаяр-
Веледар зи.
Къиле физвач
Гъуъжетар зи.
Сад хъанва зун
Минетдалди.
Дуъньядин рехъ
Алатдалди,
Гъил къахчуда
Лугъудач за.
Галатнава
Лугъудач за.
Вун кIан хуън яр,
ЯтIа гьалатI,
Къилиз тефий
Къуй зи мурад!

I,

Килигзава за мураддин дакIардай,
А къил течиз, агакъдай рехъ жагъизвач.
Авайда хъиз акъат тежер дагъарда,
Рапин экъ къван аватIа экъ?
Жагъизвач!

Экъ авачтIа квадardани умудар,
Жув алцурдай са верци таб жагъизвач.

ГьикI рекьида рикIе амаз мурадар,
Авани лагъ, атIай жаваб?
Жагъызвач!

V

ЖагъызвачIа лугъудай гаф,
Ягъамир на хъелерив.
Зун минетиз атанва ваз,
Кар тукIуызвач хъилерив.

Агата зав, яхъ зи гардан,
Жуван лацу гъилерив.
Къугъваз кIандай заз са герен,
А ви чIулав цIвелерив.

Жагъур тежез ви рикIиз рехъ,
Муьгъуьббатдин гелерив,
Тамарзу я ви тандихъ зун,
Гъикъван неда вилерив?

VI

Зи вилерай
КIела зи рикI.
Килига, зун
КузватIа гьикI.
Тухуьн тийир
Вулкан я зун.
ЦIайлапан я,
Гурган я зун.
Гагъ-гагъ гъариб
Са ван я зун.
Ван алачир
ТIурфан я зун.
ЯхцIур йисуз
Ви мензилдив
Агакъ тавур

Карван я зун.
Лугьумир хьи,
Пашман я зун.
И гелера,
И рекъера.
Зун вахъ къекъвез,
Гъазур я къвез,
На эвера!
АкI жемир хьи,
Уьмуьрда ви,
Вад къан дуст я,
Мугьман я зун.
Ашкъ паталди
АтIуз рекъер,
Чукурда за
Вири дердер.
Дарман чидай
Лукьман я зун!
Уфган жедай
Инсан я зун!

КЪАДАГЪАЯР ТАМИР ВУНА

Къадагъаяр тамир вуна,
Къемир лугъуз мад зи патав.
Захъ авайди са пїир ятїа,
Гъиниз фин зун, фин нин патав?

Низ лугъун за дердер жуван,
Низ баянда рикїевайди?
Валай гъейри аван инсан,
Захъ кудай са рикї авайди?

Чин чїурна заз бахтлувили,
Кїевирнава вичин къужах.
Къадагъаяр пара я зи,
Мирветдай кас авач анжах.
Бахтсузвилер кїисмет ятїа,
Ни расда къван зи кївал чкїай?
Вун я тават и дуьньяда,
Эхиримжи муд квай чка.

Вун зи рикїе авай къалай,
За йифни югъ мадарзава.
Са легъзе вун такурла яр,
За са уьмуьр квадарзава.

Эхир авач зи яр валлагъ,
Икъван залан са эмирдин.
Бес ваз гъайиф къвезвачни лагъ,
Икї квахъзавай зи уьмуьрдин?

ВУЧ АМА ЗАХЪ ДУЪНЬЯДА?

ЯхцѲур яш яз секин жезвач мадни зун,
АцѲанва рикѲ муьгьуббатдин манидив.
Эвелан хьиз муьтѲуьгь я зун вилик ви,
Акьул це заз, акьул це заз кѲаниди.

Квадарда кьил, акѲида вун кѲевера,
Душманарни жеда лагь, ваз дуьньяда.
Зи вилерай зи рикѲ кѲела кѲаниди,
Квадар тавур вуч ама захъ дуьньяда?

ХьанатѲани уьмуьрд рекье лигим зун,
Заз аял хьиз мад гележег аквазвач.
Шумуд йис я, ви ялавди кузва рикѲ,
Бес за вучин, вун гьавурда акьазвач.

Гьуьлдан тиртѲа цѲрачирни таб тежез,
Икьван гагьда и цѲай рикѲе хуьз жени?
Гьикьван куда, гьикьван шеда дердинай,
Бес кѲанидаз зулум ийин дуьз яни?

Гафаривди секин мийир гила зун,
Кьван хьайитѲа, икьван кѲеви, кьайи жеч.
Заз акьул гуз алахьмир вун кѲаниди,
ЯхцѲур яшда кузвай касдиз акьул кьвеч.

Уьмуьр фена, девлет авач, мал авач,
Бес я заз вун и дуьньяда авайди.
Гзафбуруз кѲан хьанай вун эвелдай,
Тек зун я кье ашкьид кимел алайди.

Алатдач зун а кимелай чІалахъ хъухъ,
КайитІани, хъайитІани дерт къати.
Вун кІан хъайи йикъалай за рикІе зи,
Ашкъид гуъмбет туькІуьрнава эбеди.

ЧагурайтІа чаравилин къаяри,
Квадардач за, кІеви хуьда гуъмбет ви.
Заз кІанда вун, заз кІанда вун рикІивай,
Ваз кІан жемир, къуй ам хъурай туьгъмет зи.

Квадарда къил, акІида вун кІевера,
Душманарни жеда лагъ, ваз дуьньяда.
Зи вилерай зи рикІ кІела кІаниди,
Квадар тавур вуч ама захъ дуьньяда?

ИМ ВУЧ АШКЪ ТИР?

(Элегия-мани)

I

Гагъ хъуьреда, гагъ шеда вун,
Гагъ тухуьнда, гагъ куда вун.
Низ чидайд тир икI ятIа вун,
Пар хъана хьи, рикIиз тежер,
Им вуч ашкъ тир, эхиз тежер?

Вирида Рагъ лагъана ваз,
Акунач заз са экв аваз.
Йифиз-юкъуз вун рикIеваз,
Дерт хъана хьи, лугъуз тежер,
Им вуч ашкъ тир, эхиз тежер?

Муд авач захъ мураддизни,
Эх хъижезмач сурматIдизни.
Инсаф течир таватдизни,
Акъудна рикI къалуз тежер,
Им вуч ашкъ тир, эхиз тежер.

Зи гьиссерин гъуьл къурада,
Зун хъиз кайтIа, Рагъ цIрада.
ГьикI къекъведа и дуйньяда,
Амукъиз, я рекъиз тежер,
Им вуч ашкъ тир, эхиз тежер?

ВучайтIани зун кваз такъаз,
РикIин кыле акIурда цаз.
Агъзур зулум ийизва заз,
ЯтIани мад негъиз тежер,
Им вуч ашкъ тир, эхиз тежер?

Гьикъван дердер гуъзватІани,
Гьикъван рекъер хуъзватІани,
КъанницІуд йис кузватІани,
Шаирдивай кхъиз тежер,
Им вуч ашкъ тир, эхиз тежер?

Кхъиз гафар жагъайтІани,
Вири элдиз агъайтІани,
Къализ рикІи цІвагъайтІани,
Са тухдалди шехъиз тежер,
Им вуч ашкъ тир, эхиз тежер?

II

Шехъмир зи рикІ, шехъмир зи рикІ.
Негъмир зи рикІ, негъмир зи рикІ.
ГьикІ лугъун за ашкъид тІалар,
Эхмир зи рикІ, эхмир зи рикІ.

Рехи ийиз къазайри вун,
Муъгъуьббатдин къузайри вун,
Чагурнава сузайри вун,
Эхмир зи рикІ, эхмир зи рикІ.

Къад йис я вун ишезава,
“Сабур-къарар тежезава,
Яр къакъатиз кичІезава”,
Эхмир зи рикІ, эхмир зи рикІ.

Вилин селлер тежез тамам,
АцІана хьи, Самурдин кІам.
И дуньяда гъакъдач зи гъам,
Эхмир зи рикІ, эхмир зи рикІ.

И ашкъ кылиз тухуз жедач,
Инсаф ая, лугъуз жедач.
Гужуналди къачуз жедач,
Эхмир зи рикІ, эхмир зи рикІ.

КІанида ваз гаф гузвачІа,
Вахъ са зерре рикІ кузвачІа,
Ви дердерин дагъ цѳуъзвачІа,
Эхмир зи рикІ, эхмир зи рикІ.

Цѳвагъмир пара кІанда лугъуз,
Акъатзавач чандай лугъуз,
Ярдиз жув къурбандда лугъуз,
Эхмир зи рикІ, эхмир зи рикІ.

III

Къурбандда за, ихтибарда чанни вал,
Мад са легъзе агата зав, юзамир.
Завай рикІиз мажбур жедач вун патал,
Зи тахсирар вуч я, лугъуз, жузамир.

Къе ашкъиди ви варарихъ ракъузвай,
Зи гунагъар - муъгъуъббатдин къатІун я.
Йифиз-юкъуз заз секинвал тагузвай,
Ви тахсирар - и дуъньядиз атун я.

Гъикъван гагъда къурада икІ, табда икІ,
Зи ашкъидин кІурукІари мус цІирда?
Вун патал за саврухарив гана рикІ,
Нин тахсирар пара ятІа низ чида?

Вуж гъахълу я, вуж гъахъсуз я чидач заз,
Авани лагъ, къил акъатдай са гъаким?
“КІандач” лугъуз, “къвемир” лугъуз, кваз такъаз,
Заз къадагъа мийир вуна ашкъид ким.

IV

Ашкъид кимел алай тават,
Икъван хъилер гваз жедани?
Муъзефферахъ амач такъат,
Вун такуна къваз жедани?

Муъгъуббатдив аџана рикI,
Гуъз гъазур я ашкъидин ник.
За ваз Варз я лугъуда гикI,
Икъван иер Варз жедани?

Атир чкIиз гузва џарџар,
Къизилгуьлдиз ава ухшар,
КъуртIа гъиле, авахъда зар,
Гъайиф я вун, къаз жедани?

Ви бегъерди, жаван, дигай,
Авуна зун имандивай.
Ихътин майва багъмандивай,
АтIун тийиз, таз жедани?

АватIани чанда хъилер,
КайитIани на зи жигер,
Шаирдивай икъван иер,
Ярдин хатур хаз жедани?

V

Мад шаирди хатур хадач кIанид ви,
Гъихътин зулум авуртIани вуна заз.
АлакънатIа залай гъиссер хуъз чими,
И муъгъуббат вуна бахшна, гана заз.

Мад ашкъидихъ къелкъвен патал йифера,
Вуч хъсан я, и дуьньяда хъана чун.
Рехи хъана аватIани кIевера,
Мад хъилериз, мад дуст хъижез ава чун...

КІАНЗАВА ВУН

Агъ, заз гьикъван кІанзава вун,
Лугъуз жезвач къадар завай.
Гьи тегъерда кузватІа зун,
Вучиз къазвач хабар завай?

Вучиз садрахъ хъайитІани,
Вун зи рикІай акъатзавач?
Вучиз цІай къаз кайитІани,
Яд иличиз агатзавач?

Вучиз садрахъ жервал суваб,
Шадарзавач яр вуна зун?
Авач захъ са лугъур жаваб,
Агъ, заз гьикъван кІанзава вун...

СА УЪМУЪР ТИМИЛ Я

Са уьмуьр тимил я, вун кІан хьун патал,
Ви рехъ хуьз жегьилвал алудна хьи за.
Гьиз хьанач сакІани завай вун чІалал,
Са уьмуьр минетиз акъудна хьи за.

Са уьмуьр тирвал зун акІана яцІа,
ЯтІани ашкьидал гьиз жени леке?
Са уьмуьр вуч я кьван, алакьнайтІа за,
Виш уьмуьр серфдай яр, ашкьидин реке.

ГУЗ ХЪАЙИТІА

За гыссерин къада кІунчІар,
Руш, вун чІалал къвез хъайитІа.
Вун рикІеваз хъанва начар,
Инсаф ая, жез хъайитІа.

Яр элкъвена лацу хъуьхъвер,
КуькІуьнзава чинаваз хъвер.
Са хур ацІай дадлу бегьер,
Чехи кар я, хуьз хъайитІа.

ГыкІ лугьун ваз мулдин Ирик,
Вун Ракъиниз хъанва шерик.
Къил ацІана диганвай ник,
Завай жеда, гуьз хъайитІа.

Ашкъ тІурфан я часпар течир,
Вучда вуна, авуртІа цІир?
Ягълмиш жеч, валлагъ, на сир
Муьзефферав гуз хъайитІа.

ЖЕДАЙДИ ТУШ

Гьикъван икрам авуртани,
Вакай заз пїир жедайди туш.
Ашкъ авачир са шаирдихъ,
Цай квай шиир жедайди туш.

Рамайтани шиирд вацїар,
Кхъейтани виш агъзур цїар,
Ял тавур кас ашкъидин пар,
Асул шаир жедайди туш.

Уьмуьр гьализ кье пашмандиз,
Элкьвенва зи тїал дувандиз.
Рикї авачир са инсандиз,
Рикїин тїал чир жедайди туш.

Яб телягьиз фейидаз икї,
Гьикї лугьуда на малаик?
Инсаф течир залумд вилик,
Гарданни кїир жедайди туш.

Зал шаир тївар илигайдан,
Ашкъ хьана заз гайи майдан.
Ашкъидиз кеж килигайдан,
Вичихъ эхир жедайди туш.

САД Я ЧІЕРЕ

Сад я чІере чи к̑аварин,
АватІа чах̑ ашк̑ид Раг̑.
Лек̑ х̑айитІа ви цавара,
Жедани вун зи Шаг̑ даг̑?

Муьг̑уьббатни их̑тин даг̑ я,
К̑ак̑андава адан кІукІ.
Ам вуч к̑вал я, г̑их̑тин даг̑ я,
АвачтІа са лек̑рен муг̑?

ВУЧДА НА?

Лугъумир хьи, илгъамди заз кIевда рак,
Шел-хвал авай шиирдин цар чIулав я.
Рекьидалди акатдайд туш къаяр зак,
Чандавайди муьгъуббатдин ялав я.

Зи шиирар-цIиргъинавай дурнаяр,
Лув гайитIа, гын уьлкведиз куьчда на?
Зи ялавдин гужлу жезва гурваяр,
Ада дуьнья алугайтIа, вучда на?

КІАНЗАВАТІА

КІанзаватІа ваз зун рикІяй,
Зи фикирар галуд мийир.
Вун паталди кІеве акІайд,
На гуьнедай акъуд мийир.

КІанзавачтІа, галачтІа вил,
Лугъумир: ашкъ къегъят хъуй ваз.
КІанзаватІа, къуна зи гыл,
Кап алтада, регъят хъуй заз...

ТАЗ ТАХЪУРАЙ РАКІАРИХЪ

Вун рам тежер кІеле ятІа? Чидач заз.
АватІа вахъ белки чІехи къуватар?
Зи гьиссери минетзава рикІяй ваз,
Вучиз вуна ачухзавач ниятар?

Гьикъван кьакъан хъайитІани кІеле ви,
Вил гала хьи, муьгъуббатдин рагарихъ.
Вун лагъана экъечІнава гьиссер зи,
АгакъайтІа, таз тахъурай ракІарихъ!

САВРУХАРИЗ ТАБ ГАНАЙ ЗА

Саврухариз таб ганай за датана,
Ви гарари хилерни кваз хана зи.
Муьгьуббатдин цайлапанди ягъана,
Цуьк аламаз мураддин тар кана зи.

Вун ашкьидин кимел атай кьуьд хъана,
Ви къяри авуна зун рекъивай.
Мус ракъуда зун галайнихъ гатфар на,
Лугъудайвал вири гафар рикъевай?

ЦІВАГЪМИР ЗИ РИКІ

Цівагъмир зи рикІ, акъатмир вун къапарай,
Зи дердиниз чара авач лугъузва.
Мад алщур жез, югъ акъуддач тапаррай,
Гила жува жувакай вил атІузва.

Цівагъмир икъван, гъкум гумир рекъиниз,
Гъамдин карван чІехи я зи, гъикІ тухун?
Заз са гуъруш агъзур сефер къехуьниз,
Мад ахквадач лугъузвайдаз гъикІ эхин?

Гъикъван дердер рангайтІани рехидал,
Таъсирзавач зи гафари, чІалари.
ЧІалахъ туштІа и сузадал, ашкъидал,
Чагуррай вич зи рикІевай тІалари.

КъалурайтІа Гъуцари и алаба,
Яраб зи дерт са легъзе эх жедатІа?
Туна ярдин шикил вилик чинеба,
КІанда лугъуз, темен гана шедатІа?

Цівагъиз рикІи, жедатІа вич рекъер хуъз,
КукІвардатІа фикирар виш маниди?
Минетдалди галатайла шулуд хъиз,
ГъикІ гъидатІа вичи рекъиз кІаниди?

ЛагъайтІани зи верцІиди, масанди,
Яб тагайтІа, эхиз жени чІугваз агъ?
Вичи шагъ хъиз вине къазвай инсанди,
Вичиз лукІ хъиз килигайтІа вучда лагъ?

ХъанайтІа сад адан руьгъдик хукІуриз,
КъабулдайтІа яраб ихътин усалвал?
Йифиз-юкъуз къарай тежез фикирриз,
Хуьз жедатІа а шагъдивай миналвал?

ХъанайтІа ам тІалар чІугваз рекъивай,
Гуз жедайни кІанидаз икІ азаб, наз?
Ашкъид гьалар къатІанайтІа рикІивай,
Икъван зулум ийидайни ада заз?

ЦІвагъмир зи рикІ, акъатмир вун къапарай,
Зи дердиниз чара авач лугъузва.
Мад алцур жез, югъ акъуддач тапаррай,
Гида жува жувакай вил атІузва...

АЛЦУРМИР ВУНА

Зун жедач... зун кьведач... хьфизва лугъуз,
Зи шулу фикирар гялчурна вуна.
Магънаяр жагъуриз, бегъем гаф тагуз,
Мадни зун аял хьиз алцурна вуна.

Са етим ванцелди цѳвагъна рикIи зи,
Дидедин гуьгъуьна ишезвайда хьиз.
Гел хъана кьведай зун гуьгъуьнаваз ви,
Къвез хъанач, рикIнач за, кичIезвайда хьиз.

КичIе я рахазни гила тIвар кьуна,
АтIумир зи гаф руш, яб це эхирдиз.
Ихтияр гва лугъуз зулум мийир на,
Вун икъван кIанзавай кесиб шаирдиз.

Гьар юкъуз минетиз, гьар юкъуз дадиз,
Ви вилик мет ягъаз ажуз хъанва зун.
Вуч лугъун за рикIиз, вучин дуйньядиз,
Заз чидач, куьз икъван ужуз хъанва зун.

Эх тежез ашкьид дерт, зун ишезватIа,
Лугъумир тIал чIугваз виран жезва вун.
Садрахъ зи такабур агъуз жезватIа,
Виш агъур сеферда къакъан жезва вун.

Ви паквал, къакъанвал кIан я зи рикIиз,
ТахъайтIа ашкьидихъ жечир багъавал.
Зун есир хъанватIа ви вилик лукI хьиз,
На инсаф ая заз, мийир хахавал.

Зун жедач... зун кьведач... хьфизва лугъуз,
Зи шулу фикирар гялчурмир вуна.
Магънаяр жагъурмир, атIай гаф це заз,
Беса, зун аял хьиз алцурмир вуна.

АВАТДА ВУН

Вун дуньяда виридалай иер я
Лагъайдини, кхъейдини зун хъанай.
Вун зи гыляй акъатай са гевгъер я,
Квадарна, дерт эхайдини зун хъанай.

Бес вучиз на икъван азаб гузва руш,
Ваз сунайрин Султан лагъай итимдиз?
Аллагъдизни, бендедизни жечни хуш,
Садряхъ инсаф авуртIа на етимдиз?

Гыкъван эхда зелил яз рикI, куз-хкIуз
Физва уьмуьр, акъатзава вахтунай.
Куьч хъайитIа и дуньядай зун са къуз,
Аватда вун иервилини тахтунай.

КЪИСМЕТ ТАХЪАЙТІА

Цифери атІана, атІана рекъер,
Рагъ хъана циферкай хката зи яр.
Вучда на, селлери тухвайтІа муъкъвер,
Акъата шегъредиз, акъата зи яр.

Дуъньядал ихтибар ийимир пара,
Алатда уьмуьрд рехъ, алатда зи яр.
ГъатайтІа тІурфанрин, харарин хура,
Къакъата гар хъана, къакъата зи яр.

Гъикъван ви рекъер хуьн, рикІи эвериз,
Ваз хабар аватІа, аватІа зи яр?
Зи чІулав бахтуниз, мичІи йифериз
Авата экв хъана, авата зи яр.

Авайд са уьмуьр я, са къисмет, са бахт,
За вучин бахтуни тагъайтІа зи яр?
Зи рикІ кукІвар жеда, зи гуьгуьл барбатІ,
Вун къисмет тахъайтІа, тахъайтІа зи яр.

**ВАКАЙ ВУЧДА,
ЗАКАЙ ВУЧДА?**

ГузвачтІа чи ашкьиди чІун,
ЦІвелин тар хьиз кьурада чун.
КІанибур яз хьел ятІа чун,
Вакай вучда, закай вучда?

Цай куькІуьнна цІелхем тежер,
Эсли тежер, Керем тежер,
Са дердиниз мелгьем тежер,
Вакай вучда, закай вучда?

Дуьнья дигай ашкьидин багъ,
Чир хьанач чаз хуьдай саягъ.
Вахт алудиз, рактурдай рагъ,
Вакай вучда, закай вучда?

ХьуетІуьн мурк хьиз рекъизавай,
Ашкьиди фул тегъизавай,
РикІе гьиссер рекъизавай,
Вакай вучда, закай вучда?

Кьураба хьиз и дуьньяда,
Кутьягъ жезва югъ кирида.
Гьа икІ уьмуьр гузвай бада,
Вакай вучда, закай вучда?!

ЖЕДА ЖАЛ?

Яр къакъатна физва закай,
Аман Аллагъ, дуъз жеда жал?
Фикир чугваз йифиз-юкъуз,
Мадни рекъер хуъз жеда жал?

Гъикъван вахт тир зул авачиз,
Вун къвалаллаз, дерт амачиз.
Мад куькIуьнна цIай галачиз,
Вулкан хъана куз жеда жал?

Чаравили тийиз мирвет,
ТIвек акъудна рикIай хелвет.
Зи рикI саф я, яраб ви дерт,
И сафунай куъз жеда жал?

Заз кар къуна тават ихътин,
Фимир аман, марал хътин.
Зун фугъара, аял хътин,
Ви дидардихъ шез жеда жал?

Ашкъидин рехъ алатна фад,
Муъзеффераз къуна на гъад.
Муъгубатдив агатна мад,
Ваз рахадай мез жеда жал?

ВУН АКЪАДАЧ ЗИ ГЪАВУРДА

Вун акъадач зи гъавурда,
Зун дердинай шедай чъавуз.
Вуч жеда лагъ, зи гъил къуртІа,
Ваз минетиз къведай чъавуз.

Вун акъадач зи гъавурда,
Завай и дерт эхиз жедач.
Цай куькІуьнна кун тавуртІа,
Валлагъ, са цар кхьиз жедач.

ВАН МИЙИР

Ви верци ван, гуьрчек кьамат кьатана,
Зун ви патав атана мад, атана.
На гаф лугьуз, туьмер ийиз, чан мийир,
Регьят хьуй заз, ван мийир чан, ван мийир.

Секин хьухь марф, юзамир гар, кьемир циф,
Ярдихь галаз акьудин за кьенин йиф.
Пуз-пузардихь галкурай кье кьал тийиз,
Кьил хураллаз муьтуьгь жен зун аял хьиз.

Муьтуьгь жен зун акьат тийиз ви чалагь,
Чим акьуда кьужахда заз, чан зи Рагь.
Тар тавуна, авхар ийиз ви чандай
Ви верцивал фитинда за, фитинда.

Бегьердаллай таза, кьульуь кьуруклар
Чуьнуьхармир, ая на зал ихтибар.
Наши туш зун, абурун зар ракудач,
Хуьда вилив, атудач за, атудач.

Ви верци ван, гуьрчек кьамат кьатана,
Зун ви патав атана мад, атана.
На гаф лугьуз, туьмер ийиз чан мийир,
Регьят хьуй заз, ван мийир чан, ван мийир.

КАНА ЗУН

Гарари рекъер къаз,
Цифери царце тваз,
Сефил я зулун Варз,
Агъ, зи дерт чидач ваз,
Ярдикай яраб заз,
Яргъарай гарари
Са хабар гьидатIа?
ТагъайтIа, рикIивай
И дерт эх жедатIа?

Ваз чидач, зи чанда
Сагъ тежер тIал ава.
Вун авач кIаниди,
Зи рикIе къал ава.
Ваз чидач, зи ашкъи
Ишезва, ишезва.
Вун авач, заз яман
КичIезва, кичIезва.

Дарихвал алатдач,
Вун рикIяй акъатдач.
Бес вучиз къакъатдач,
Ви хиял яргъариз?
Цавариз ялвариз,
Ви рехъ хуыз ава зун.
Кана зун, кана зун...

ИШЕМИР РИКІ

Яр лагъайда алцурна зун,
Къекъвераг хъиз къекъъурна зун,
“Ша, ша” лугъуз чукурна зун,
ЯтІани икІ,
Ишемир рикІ.

Захъ икъван дерт авайд тушир,
Садавни сир вугайд тушир,
Гъич вазни за лагъайд тушир,
Хъухъ заз шерик,
Ишемир рикІ.

Зун са зулун пеш хъиз назик,
Етим амай ашкъидин цуьк.
ЯтІани мад Аллагъд вилик,
ГъарикІ-гъарикІ,
Ишемир рикІ.

КъабулнайтІа Гъуцард арза,
Зун кайидаз гудай жаза.
Алаз къилел агъзур къаза,
Лугъун за гъикІ,
Ишемир рикІ.

Виш дерт чІугваз хъайитІа зун,
Яр такуна къейитІа зун,
Ашкъид чили хвейитІа зун,
КичІемир рикІ,
Ишемир рикІ.

ГЪИКИ ХЪУРАЙ БЕС?

Ашкъидин рехъ алатна зун,
Дердин дагъдиз акъатна зун.
Минетдалди галатна зун.
ГъикІ хъурай бес, гила залум?

Ваз ялвариз йифиз-юкъуз,
Бедгъавая уьмуьр ракъуз,
Вахтар фена, кІузни-хкІуз,
ГъикІ хъурай бес, гила залум?

Какадарна панагъди вун,
Къакъудна хъи Аллагъди вун,
Эхир къада зи агъди вун,
ГъикІ хъурай бес, гила залум?

РЕГЪУЪ ТАХЪУЙ

Регъуъ тахъуй яр безекдиз,
Авач ви тай, лугъудайвал.
ХупІ хъсан я, вун дуьньядиз
Чехи Касди акъудайвал.

Вал Гъуцарин ала хине,
Таватариз я вун чешне.
Ни кутуна а ви бине,
Акбул кыляй ракъудайвал?

Лугъуз жеч ваз Вацран эквер,
Рагъ хъиз нурлу чинава хъвер.
Кыляй-кылиз я вун мехъер,
Атурай чам, тухудайвал.

Ви мехъерин тІвар къачир за,
Икъван гагда рехъ хуьчир за.
Йифиз-юкъуз чан кучир за,
ТиртІа масдав вугудайвал!

ЛУГЪУДАЧ ЗА

Лугъудач за тават захъ вил,
ГалатІа ша,
ГалачтІа ваъ.
Къураба хъиз рикІел зи чил,
АлатІа ша,
АлачтІа ваъ.

Зи гъиссерал къурдай марфар,
АватІа ша,
АвачтІа ваъ.
Муъгъуьббатдихъ цІийи гатфар,
АматІа ша,
АмачтІа ваъ.

Туъхуьр мийир на зи цІаяр,
КудатІа ша,
КудачтІа ваъ.
Чукурдайвал вири къаяр,
КъведатІа ша,
КъведачтІа ваъ.

Къе зи ашкъи аманат хъиз,
ГуматІа ша,
ГумачтІа ваъ.
Зи чІередик са мурад хъиз
КуматІа ша,
КумачтІа ваъ!

АГАТМИР ТІАЛ

Агатна вун кІанидав зи,
Сефил я зун, ргаз иви.
ГьатнайтІа вун, садрахъ кІеви
Баъмишдай за туьд къуна ви.
ЧукІурна муг, цІуьрна са кІвал,
Зи гьиссерал гьимир на звал.
Килиг чІалаз, хьухъ вун яргьал,
Агатмир тІал, агатмир тІал.

ТІазва чи рикІ Ватан патал,
Фикирдалди амач чахъ гьал.
Дердер гьуьл яз, бахтар стІал,
Терг жезва чун кІватІал-кІватІал.
Вунани икІ къачумир къал,
Кваз такъуртІа шаирдин чІал,
Атурай ваз жуваз са тІал,
Агатмир тІал, агатмир тІал.

Чун тарихди туькІуьрайбур,
Бахт чуьнуьхна куькІуьрайбур,
КІарна юкъвай чукІурайбур,
АлкІурайбур, акІурайбур.
Заманади илигна тІвал,
Ханва чи юкъ, чи пакун тІвал.
КъатІизватІа вуна и гьал,
Агатмир тІал, агатмир тІал.

Агъзур талди чІагурна икІ,
ТахьайтІани тІазва чи рикІ.
Зи ярдал ви гьил фена гьикІ?
Вунни зун хьиз хьурай гьарикІ!

Хъурай дердер ийиз хчал,
Къарай текъвез, квадарна чІал.
Алугармир на чун чи цІал,
Агатмир тІал, агатмир тІал.

Чи тІаларин къадар авач,
Чакай садаз хабар авач.
Чехи са халкъ авач-амач,
Лугъудалди аман кумач.
Къе гъуцариз куьмек патал,
Эвердалди къазва чи ял.
Бахтсузвилин алатІа хал,
Беса, вунни хъуьремир чал
Хкведайвал чун жув-жувал,
Акъатдайвал са къуз юкъвал,
Гъич тахъайтІа на це мажал,
Агатмир тІал, агатмир тІал!

ЖАГЪАНАЙТІА ВИРИ ГАФАР

И дуьньяда виридалай чІехи тІал,
РикІ атІудай муьгъуьббатдин тІалар я.
КІанивили тунва лугъуз чанда звал,
Захъ авайди муьгъуьббатдин чІалар я.

Чир жен патал ваз зи тІалар кІаниди,
И дуьньядиз на зи виляй килига.
Секинардач зун шиирди, маниди,
АлакьдатІа, муьгъуьббатдал илига.

АлакьдатІа къабула зи рикІин пар,
Адан дердер килига эх жедатІа.
Буна за хьиз шел-хвал ийиз кхьихъ цІар,
Акван садрахъ ви рикІиз рехъ жедатІа.

РикІ акъатиз эх тахъайла чаравал,
АхъайдатІа муьгъуьббатдиз буна гъаб?
Лацу хурал акурла яр чІулав хал,
Яраб вавай гуз жедатІа за хьиз таб?

Мезре течир, часпар течир сел хъана,
Гьссерин вацІ алахъайла вучдай на?
Шерзум хъайи са бахтунин гьил къуна,
РикІин гафар чарарал гьикІ куьчдай на?

ГьикІ минетдай, вуч лугъудай ярдиз на,
Я чІал течир, я ашкъ течир къураба?
Йифиз-юкъуз кІани ярдин тІвар къуна,
Вунни зун хьиз ишедайни чинеба?

Вуч лугъудай вуна зи дерт къатІана,
КъатІайтІани кІаниди вун куз жечир.
Вавай рикІе уьмуьр тирвал датІана,
Са дуьнья дерт, са дуьнья цІай хуьз жечир.

Муьгъуббатдин гурвадикай туькІвенвай,
Зи цІаюкай авайди туш дуьньяда.
Чепелукъ хьиз ви экверихъ къелкъвенвай,
Ваз зи къадир авачирла чир жеда.

Зун гьиссерал яд иличиз алахъдач,
Гьикъван чІав я, зун жув-жувал алщур я.
Валай садрахъ инсаф ийиз алакъдач.
Зун виш йисни ваз минетиз гьазур я.

Гьа са гафар тикрар мийир лугъуз заз,
Вучиз вуна муьгълет гузвач илифдай?
Зи шаирвал куьтягъ жез тир жаван яз,
ЖагъанайтІа вири гафар теснифдай.

ХАМИР РИКИ

Зун ви рехъ я,
Ви гел я.
Зун ви хъвер я,
Ви хъел я.
Зун ви вилер,
Зун ви шел.
Зун ви шекер,
Зун ви къел.
Зун ви тІал я,
Зун ви квал.
Зун ви мез я,
Зун ви чІал.
Зун ви аваз,
Ви макъам.
Зун я ви Варз,
Ви илгъам.
Зун ви шиир,
Ви цІар я.
Зун ви кфил,
Ви тар я.
АвачтІа захъ
Туъмер ви,
АтІуда яр
Симер ви.
Ша, заз акси
КІвалахмир.
Рехъ квадариз
Алахъмир.
Хъвер гадариз
Алахъмир.

Ялгъуз хъана
Рагал тик,
Вун куьмек кІанз
Жеда цуьк.
Куьмек тийиз
Чарада,
Лагъ кван ихътин
Береда,
ГьикІ эверда,
На заз, гьикІ?
Герек жеда
Зун ваз икІ,
Жезама кван
Хамир рикІ!

ВУННИ КУДА АЗАБДИ

Муьгьуббатдин цай тахьайтIа маяда,
КIанивилихъ хаз жени лагъ, гъава зи?
Рагъни, Варзни таб я хъи, и дуьньяда,
Йифиз-юкъуз вун аватIа цава зи.

РикI цацарал, чан кIевера, вил рекъе,
Зун къван кайи шаир мадни аватIа?
Гъихътин мани туькIурин лагъ, за ваз къе,
Виридалай верцIи мани вун ятIа.

Виридалай верцIи дертни, верцIи тIал,
Виридалай верцIи бахтни вун я, вун.
Зал гьалтайла вири марфар жез кIватIал,
Селчи тухвай гатун ратни вун я, вун.

Лугъумир заз на ашкъидин къекъвераг,
Рат амачиз кесиб хъанва чилер зи.
Эхиз тир за цIурьрайтIани рикIин раг,
Гунагъ жеди, пашман туртIа вилер зи.

Гъар акурла “кIандач” лугъуз къамир гъад,
КукIвар мийир на, дердинай татабди.
Кваз такъуна къекъвемир вун икъван шад,
Зун кузватIа, вунни куда азабди.

ЯЛАР Я

Гатун цикІиз хъана начагъ,
Зун сагъ тежер гьалар я.
ТІаларивай гуз жени тІагъ?
Им ашкъидин ялар я.

Дерт туькІуьриз жув-жувалай,
ХъанватІани чидач гъайиф.
ГъикІ лугъун вун хъфей къалай,
Ахваризни жезвач илиф.

Амач лугъуз чанда такъат,
ГъикІ минетин гъуцариз къе?
Вучиз а къуз за ви къамат,
Вилеривди тунай рекъе?

Ваз амукъа лугъуз тахъай,
КІандач гафни, шиирарни.
РикІ хъанватІа тандиз тахай,
Куьз я къежей фикирарни?

ХупІ къунай за ашкъидин хел,
Суст хъанай вун гъилерал зи.
Вучиз жуван пІузаррин гел,
Тунай яр на вилерал зи?

Вилиз темен гун кІаниди,
Чаравилин тушни лишан?
ГъикІ тир гафар ви манидин,
Вучиз ви ван тиртІа пашман?

Йифни югъ хъиз жедайди чун,
КъатІаначир рикІивай за.
Вучиз чиз-чиз кІаниди вун,
Авуначир рекъивай за?

Гатун цикІиз хъана начагъ,
Зун сагъ тежер гьалар я.
ТІаларивай гуз жени тІагъ,
Им ашкъидин ялар я.

ХКВЕЗВАЧ ХЬИ

Ви гуьгъуьна фейи фикир,
“Авач” лугъуз хтана.
Ви яйлахда ашкъид жигъир
“Амач” лугъуз хтана.

“Авач”, “амач” лагъай куьруь
Гафаралди шелна за.
Вун жагъурун патал вири
Гарар кІватІна мелна за.

Ви суракъда къекъвена зун,
Къурабадин жуьреда.
ГъикІ жагъурин, аватІа вун
Чаравилин кІеледа?

Лугъумир хьи, хъанва къерех,
Садрахъ кІеле рам тежез.
Бахтсузвили атІана рехъ,
Амайди я кам тежез.

Къисметдикай хъана кирин,
Залан жезва шеле зи.
Мад сеферда ахкван хъийин
КхъенвачтІа пеле зи?

Дагъдин вацІ хъиз къудгъана рикІ,
Гъалч жезава къванерал.
ЯтІани вун хквезвач хьи,
Зи цІвагъзавай ванерал...

АЛАКЪДАТІА

АлакьдатІа шерикмир
На зи гьиссер хьилериз.
ГьикІ лугьун за килигмир,
Вал рикІ алай вилериз?

Зулун циф хьиз кьуна пар,
Элкьвемир зал ракьуз хар.
Таб гуз жени завай яр,
Алахьзавай селлериз?

Мублагь чил хьиз жевгьердин,
Тариф жеч ви тегьердин.
Дадмиш тавур бегьердин,
Дад чир жени чуьллериз?

Вуч лугьун ваз, бике зи,
АватІа вун рикІе зи.
Негна ашкьид улькве зи,
Фимир маса эллериз.

Чаравили кьуна кар,
Алуд жезвач завай кьар.
Гьич тахьайтІа кхьихь чар,
Гьилериз кьий, гьилериз...

ЛУГЪУМИР

ТахъайтІа зи са цІар сарас,
Лугъумир гаф амачиз я.
РикІе ашкЪи авачир кас,
Дуънъяда чан алачиз я.

Ашкъ марвар я леке течир,
Гъар инсандиз чир жеч къадир.
Ви хатурдик хукІур шаир,
Гила ви ван авачиз я.

Гъамаризди хъана шерик,
Ишезва рикІ гъарикІ-гъарикІ.
Гъим чІалахъ хъуй, зи дагъларик
Къуън кутур къван авачиз я.

Вахъ галазди фена гатфар,
Аламач зи гафарал зар.
Вун паталди кхъизвай цІар,
Эвелан дад галачиз я.

Дердерикай яна за кІем,
Вучда цІвейтІа ашкъид алем?
“КІанда” лагъай верцІи къелем,
ВерцІи гафар гумачиз я.

ГъикІ эхин вун рикІе аваз,
Уъмуър ашкъид рекъе аваз.
Рекъидалди минетда ваз,
Лугъумир муд кумачиз я.

ТАХТАЙТИА

Агъ, дарих я, дарих я зун,
Садрахъ къванни акунихъ.
Туъмер гана кифериз ви,
Са верци гаф лугъунихъ.

ИкI фейитIа пад жечни рикI?
Алач адал ихтибар.
Са рикIивай ял жени лагъ,
Ихътин хифет, ихътин пар?

Са дуньяда гъакъ тийир гъам,
КIватI хъанва яр са чанда.
ГъикI жагъурин са мили гаф,
И дердерин ватанда?

ГъикI жагъурин са кIани дуст,
Лугъуз-хъуърез, агуддай.
Валай гъейри авани сад,
Зун кIеверай акъуддай?

Пар хуъз тежер, къваз-алахъдай
Са марфадин кул я зун.
Вун хъфена зи цаварай,
ХъуьтIуьхъ элкъвей зул я зун.

Къуразва икI шиирдин тар,
Гару тухуз гафар зи.
Вучда яргъи хъайитIа къуьд,
ТахтайтIа мад гатфар зи?

ВУН Я

Са гъамлу маниди ифирнава рикІ,
Ван алач макъамдал, яб гуз жедайвал.
Са гафни авач захъ манидиз шерик,
КІанидан кыливди ракъуз жедайвал.

Гелериз килигиз ацІай вилерив,
Рекъерал кхъизва за адан нотар.
Ахъайна къужахдай жуван гъилерив,
Хъша гъикІ лугъуда, бедлем я зи тІвар.

Са ажуз кьуъзек хъиз шулу я фикир,
Дердерин гуънедай акъуддайд авач.
Къисметди гъин патаз вегъенватІа кІир,
Чаравал чандилай алуддайд авач.

Авач са бендени зи гъал аквадай,
Амайди анжах ваз минет авун я.
Акъатна фидай пад аван дуъньядай?
Гъурбатни вун я яр, Ватанни вун я...

ГЫН ШАИРДИН ЯР Я ВУН?

Къветре ериш авайди,
Ша, чан зи рикІ алайди.
Чалахъ жемир патандан,
Зун я вахъ вил галайди.

Вун ашкъидин чІереда,
ХупІ милидиз хъуьреда.
Икъван багъа иердаз,
Туьмер гун гын жуьреда?

Абад я вун, сад я вун,
КІватІиз ажеб гад я вун.
ГыкІ гыл вегьен тарал ви,
АтІуз жени, фад я вун.

Лацу табагъд чар хътин,
Таза живед цІар хътин.
За гыкІ чан-рикІ ийин ваз,
Хуьз жедайвал зар ихътин.

Гынай атай гар я вун,
Вуч серин чарчар я вун.
Тесниф тежер бахтавар,
Гын шаирдин яр я вун?

ЗАВАЙ ЛУГЪУЗ ТАХЪБАЙ ГАФАР

Зи Хважамжам-Яргъи руш.
Зи милиди-иерди.
Зун рекъивай авурд туш,
Ви къаматди-бегъерди.
Ви хъуьруьнар,-
Рахунар,
Ви къекъуьнар,-
Акунар,
Ви шадвилер,
Ви хъилер,
А ви гъилер,
Ви вилер
Аваз тиртІа масадахъ,
Къелкъвез тиртІа зун адахъ,
На заз таб я лугъудай,
Ви гафар, ви муьгъуьббат.
Ашкъи-зун вав агудай,
Мусибат я, мусибат!
Вучиз икъван кІанда вун?
КІанда!
КІанда!
КІанда вун!
Жаваб гъикІ гун?
ГъикІ вугун?
Ашкъ вуч ятІа,
ГъикІ лугъун?

Лугъуз тиртІа, ашкъ тушир,
Ам Аллагъди бахшдачир.
Ам аламат,
Ам са сир.

КІан тахъайдаз,
Жедач чир.
Ашкъ вуч лагъай чІал ятІа,
КІан хъун гъихътин гъал ятІа,
Чирун патал агата,
Зун галайнихъ алата.
Мукъвал-мукъвал,
Къил тур хурал.
Ваз рикІин ван атурай,
На авайвал къатІурай
Зи гъисс, зи тІал,
Зи ашкъ, зи чІал.
Са берета,
И жуъреда
Вегъедайвал вичин юрфар,
Муъгъуъбатдин кеменди.
Завай лугъуз тахъай гафар,
Лугъуда ваз теменди...

КІАНИДАЗ

Зи кІаниди!
Зи рикІ алай иерди!
Заз дуьньяда валай гьейрид кІан хьанач,
Уьмуьр фена, амма ваз зи ван хьанач.
Заз кичІедай жаванвал икІ алатиз,
Рехи хьана, ашкьидикай галатиз.
Гьавиляй за “ша, ша” лугьуз минетдай,
Татайла вун, шел-хвал ийиз хифетдай.
Заз кичІедай вун зи гьилий акъатиз,
Бес на вучиз тадачир зун агатиз?
Зи ашкьидиз ганач лугьуз са жаваб,
Ваз кхьена бахшнавайд я и ктаб.
Таларикай са-сад гафар туькІуьрна,
Гьиссерикай ашкьидин шем куькІуьрна,
Сузайривди илигдайла и цІарар,
Чаравилин харар, марфар, саврухар,
Хьайиди я атІуз даим рекьер зи,
За дерт чІугваз дадмишайд я бегьер ви.
Лагьайди я: уьмуьрдин пер хайила,
Яшар фена, пудкъад, къудкъад хьайила,
А дуьньядиз акъатайтІа зун рекъиз,
Вун къекъвейтІа и дуьньяда ялгьуздиз,
Фикир чІугваз, ишез тахьуй садрахъни,
ЧІалахъ туштІа, жемир мад зи ЧІалахъни.
А дуьньяда за тІалабдач ашкъ вавай,
И дуьньядихъ вилни жедач вун авай.
Куьч тахьурай лугьуз инай вахтсуз вун,
Рази я хьи, гьанани жез бахтсуз зун.
Ваз уьмуьрар гудайвал мад Аллагьди,
ТІушунрай зун чилин кІаник гунагьди.
Са тІалабун ава амма вун патал,

Вахт хъайила кІелиз-кІелиз и кІватІал,
РикІел хкваш вун кІан хъайи шаир на,
АлакъайтІа, кхъихъ адаз шиир на.
Лагъ, ада ваз гьикІ икрамдай, гьурметдай,
“Инсаф ая” лугъуз гьикъван минетдай?
Ви гьилериз темен гана тух тежез,
ГьикІ къах жедай, гаф талгъана, вил къежез?
Гьикъван вуна адаз “кІандач” лугъудай,
ЯтІани ам ви гелера къекъведай.
Жагъур тежез эхирни ви рикІин рак,
ГьикІ хъанайтІа ам ашкъидин къекъвераг,
Чирун патал и ктабдив агата,
РикІел хкваш хъайи крар са-сад на.
За лугъудач вун гъахъсуз я, зун гъахълу.
За лугъудач зун бахтсуз я, вун бахтлу.
ГьикІ ятІани, акъатна чи гьилий вахт,
КІаниди, заз къисмет хъанач ашкъид тахт.
ЯтІани зун мад гафарихъ къелкъведач,
Гъахъ дуьньядай садни къулухъ элкъведач.
Уьмуьр садрахъ гузвайди я инсандиз,
Зи кІелдайди, чир хъуй вазни хъсандиз,
Эхир къилий жез кІандачтІа пашман ваз,
ТуйкІуьра на муьгъуьббатдин кІвал жуваз.
ИкІ хъайитІа, гьалда вуна девран хуш,
Авай гаф я, им я таб туш, я сир туш.
И дуьньяда виридалай чІехи бахт,
Муьгъуьббат я! Муьгъуьббат я! Муьгъуьббат!

КЪИЛЕР

ЗИ ЧЕХИ МУЪГЪУББАТ

Зи че́хи муъгъу́ббат	9
Чи́р хьура́й	11
Вучи́з икъва́н кѝанда́ пара?	12
Са ба́хт кѝанда́	13
Вучи́з икъва́н верѝи́ ятѝа́?	15
Акуна́йтѝа́ ихьти́н тават	16
Акѝе́ жеми́р хьѝи́...	18
Зи я́р я ла́гъ	19
Лу́гъура́й ча́з	20
Вун хьа́на	21
Юзу́рда за	22
Ие́р я ву́н, ча́н	23
Ра́мда за ву́н	24
Ягъа́з жезва́ч	26
Верѝи́да кьва́н вуч я́р	28
Пуд ма́ни	29
Гьѝи́м гъахьлу́ я?	32
Ва́з хьура́й	34
Зун де́рт чѝугва́з бахтлу́ я	35
Атѝа́нва зи ви́лин ахва́р	36
Элкьу́ъра	38
Югъ бе́с я за́з	40
Хьа́нани?	41
Яни́?	42
Лу́гъуда́ч	43
Са ду́рнади́н аватнава́й ца́кул хьѝѝи́з...	44
Юза́мир	46
Сефи́л я зун	48
Хьу́ъреда́чни?	49
Гу́ьгъ ала́мач ри́кѝе́л зи	50
Ая ча́ра	52
Жагъи́звач	54
За ми́нетѝи́з	55
Вучи́з ти́р?	56
Са́д я, са́д	57
Ви́ридала́й ие́рди	58

ГьикІ хьурай?	59
Хуьда ваз	60
Цийи шиир кІанзавай яр	61
Эвер гузва	62
Бахтавар я	64
Муьгьуьббатдин тІаратІар гваз	66

МАД АКЪУНВА ВУН ЗИ РИКІЕ

Мад акъунва вун зи рикІе	69
Авач хьй вун	70
Вун акуртІа	71
Хабар це заз	73
Фад хьша	74
ГьикІ акъудин йиф?	75
Мад акуна заз кІаниди	76
Ахъая на рикІин рак	77
Жува лагь	78
На лагъанай	79
Алакьиз тиртІа	82
Хуьзва зи рикІ	83
Секин жени?	84
Ашкъидин шив	85
Къведа зун	86
Жеда къван?	87
Хъсан я	88
Къвезва зун	90
Гьил хуьх, устІар	91
Иер я	92
ГьикІ акъудин?	93
Рехъ хвенани?	94
Темен гузва за ви гьилиз	95
Жагъизвач заз	96
Чан гузва	97
Тежервал	98
Хаз жедани?	99
Ава захъ	100
КичІезва заз	101
КъепІинавай аялди хьиз	102
Къекъвемир зи гелера	103

Мад вун кІанда	104
Чидач заз	105
Жедани?	106
Лезги руш	107
Мад ақуна заз ви кѡамат	108
Садлагъана	109
Дуъньядай я	110
Кѡабула тІун муьгъуьббат и жуьредин	111
Акваз-акваз	112
АтІуз жедач	113
Элкѡведайд туш	114

ША ЗИ СУВАР

Ша зи сувар	117
Ша кІаниди	118
Ахъая вар	119
Агакѡа зав	121
Агата зав	122
Хъша яр	123
Хквезва яр	124
Авани?	125
Нин яр я вун?	126
ЛагъайтІа...	129
Ша зи патав	130
Куьтягъ жени гафар зи	132
ТуькІуьрдайвал баядар	134
Вуч ава кѡван?	135
Накъ туширни?	136
Вал	137
Вуч хъсан я	138
Ша	139
Гъалаб кѡачуз	140
Авач	141
Чара тахъуй	142
Гъинва вун яр?	143
Хъша яр, аман я	144
Авачиз туш	145
Хъилериз кый	146
Ша	147
Акѡваза яр	148

Катиз тахъуй	149
Санал кхьин	150
Ая хъсанвал	152

ВАЗ АМУКЪА ЛУГЪУЗ ХЪАНАЧ

Ваз амукъа лугъуз хъанач	155
Аман це заз	156
КъатІанач	157
Аквзавачни?	159
ГъикІ катда вун?	161
Наз це	162
Акъудзава михъидиз	163
Зи рикІ тІазва	164
ГъикІ алудин ви пашманвал?	165
Хъуьремир зал	167
КІандач лугъуз	168
КъатІанач хъи...	169
КІандачир	170
ЖедатІа	171
Авайд я	172
Тийин за вун рекъивай	173
Уьмуьр	174
Агакъдач	175
Лугъудай туш	176
Кам вегъедайвал	177
Хадач	178
За вучзавай	179
Зи тІал	180
Вучда на?	183
Акъатин чун дуьньядай	184
Туш	185
ГъикІ лугъун?	186
Бахтлу тушни?	187
Хуьх на вун	188
Кудачни вун гъайифди?	189
Накъ сакІа тир, къе сакІа	190
Акъатна	191
Амукъдани ашкъи захъ?	192
Амукъа	193

ЗИ ГЫССЕРАЛ ГЫЗ ТАХЪУРАЙ ВУНА ШАК

Зи гыссерал гыз тахъурай вуна шак	197
Къадагъаяр тамир вуна	201
Вуч ама заз дубньяда?	202
Им вуч ашкъ тир?	204
КІанзава вун	208
Са уьмуьр тІимил я	209
Гуз хъайитІа	210
Жедайди туш	211
Сад я чІере	212
Вучда на?	213
КІанзаватІа	214
Таз тахъурай раКІарихъ	215
Саврухариз таб ганай за	216
ЦІвагъмир зи рикІ	217
Алшурмир вуна	219
Аватда вун	220
Къисмет тахъайтІа	221
Вакай вучда, закай вучда?	222
Жеда жал?	223
Вун акъадач зи гъавурда	224
Ван мийир	225
Кана зун	226
Ишемир рикІ	227
ГъикІ хъурай бес?	228
Регъуь тахъуй	229
Лугъудач за	230
Агатмир тІал	231
ЖагъанайтІа вири гафар	233
Хамир рикІ	235
Вунни куда азабди	237
Ялар я	238
Хквезвач хъи	239
АлакъдатІа	240
Лугъумир	241
ТахтайтІа	242
Вун я	243
Гъин шаирдин яр я вун?	244
Завай лугъуз тахъай гафар	245
КІанидаз	247

Меликмамедов Муъзеффер Низаман хва
КІАНИДАЗ КЪВЕ ВИШ МАНИ
Шиирар
(Лезги чІалал)
Редактор: Керимова Седакъет Къайинбеган руш

М—ликм—мм—дов М□з—фф—р Низам о□лу
СЕВ,,ИЛИМ□ ИКИ Ј,З МА—НЫ
Ше'рл—р
(Л—з□и дилинд—)
Редактору: К—римова С—даг—т Гајынб—ј гызы



